



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

618

W-88

ПЕРЕПЛЕТНАЯ  
В. ВУЗНИЦОВА  
Моск. у. л.  
С. ГОРЬКОВСКАЯ

39 л.  
40 л.

14 л.

1-2

Слу



Ա Ղ Զ Ի Կ




ՊԱՏԿԵՐՆԵՐՈՎ

618  
Ա-88  
1893

Հ. Մխչյանի  
ԲՅՅԿ. Կ. ԱՐՅՐՈՒՆԻ

# Ա Ղ Ջ Ի Կ

(Առողջապահական և բարոյագիտական կնիւղ)



ՀԱՏՈՐ ԱՌԱՋԻՆ

Թ Ի Փ Լ Ի Ս



Տպարան Վրաց չրատ. Ընկերութեան  
1903

618  
Վ. Մ. Քյուրյան  
ՔՅԵԿ. Կ. ԱՐՅՈՒՆԻ

Վ-88  
1903

# Ա Ղ Ջ Ի Կ

(Առողջապահական և բարոյագիտական կտիպ)



ՍՊԵՐՄԱՆՔ ՓՆԱԿԱՊՈՐԵՆ  
ՄԵՏԱՍՏՈՐԵՆ  
ՎԱՐՄԱՆՔ

ՀԱՏՈՐ ԱՌԱՋԻՆ

Թ Ի Ֆ Լ Ի Ս  
Տպարան Վրաց Հրատ. Ընկերութեան  
1903

22 FEB 2013

7933

# Ա Ղ Զ Ի Կ

(Առողջապահական եւ բարոյագիտական եփուղ):

Նուէր օր. Հայկանոյց Տիգրանեանին  
(Գրողս աղջկան):

Սիրելի Հայկանոյց!

Դու գիտես, որ հայ օրիորդի վիճակը  
և նրա խաղացած դերը մեր կեանքի մէջ  
միշտ զբաղեցրել են ինձ:

Երկար տարիների դիտումներն ու ու-  
սումնասիրութիւնները ինձ համոզեցին, որ  
մեր ազգի պրօգրէսսիվ վատասերման և օ-  
տարանման մէջ հայ աղջկայ կրթութեան  
ու դաստիարակութեան սխալանքները ա-  
ռաջնակարգ դեր են խաղում:

Մեր ոչ ընտանեկան կեանքը, ոչ դպրո-  
ցական շրջանը և ոչ հասարակական վերա-  
բերման ձեւը դէպի աղջիկը ընդունակ չեն

Дозволено цензурою. Тифлисъ, 29 марта 1902 г.



3821-84

զարգացնելու նրա մէջ այն ֆիզիկական ու հոգեկան յատկութիւնները, որոնք առհասարակ են թէ նրա անձնական բարօրութեան և թէ ազգի բարգաւաճման:

Այն ինչ աղջիկը պիտի կազմի հայ ընտանիքի սիւնը!..

Վաղուց մտադրուել էի հաղորդել հասարակութեան այն հայեացքները աղջկայ կրթութեան ու դաստիարակութեան վրա, որ տուել են ինձ թէ գիտութիւնները և թէ իմ սեփական խորհրդածութիւնները: Սակայն միշտ յանդգնութիւն եմ համարել ձեռնարկելու այսպիսի մի աշխատութեան, որովհետև լաւ եմ հասկացել նրա դժուարութիւնը.— դժուարութիւն, որ կապուած է ինդրի ծաւալի մեծութեան և նրա բարդութեան հետ:

Եւ ահա երկար տատանումներից յետոյ ձեռնարկում եմ վերջապէս այս ուսումնասիրութեան, համոզուած լինելով որ սրանով մի օգտակար գործ կատարած կը լինեմ:

Աղջկայ կրթութիւնը սխալ հիմունքների վրա է դրուած.— կամ բոլորովին ան-

ուշադիր է թողնւում նա, կամ անբնական ու կեղծ ուղղութիւն ստանում:

Այս մի ընդհանուր ցաւ է, որից շատ ուրիշ տուժում են բոլոր ազգերը, թէև այս արատը շնչելու համար վերջին տարիներս մեծ ու յաջող քայլեր են արուած:

Աղջիկը իր ամբողջ կեանքում ուրիշի կամբով է շարժւում.— նախ ծնողների, յետոյ դպրոցի ու շրջավայրի: Ինքնուրոյնութիւն ասած բանը միանգամայն անըմբռնելի է արդի աղջկայ համար: Ինքնուրոյն լինել! Չէ որ մեր հասկացողութեամբ այդ նշանակում է լինել անպարկեշտ, կամակոր, անսանձ: Աղջիկն ինչ է, որ իր խելքով գործ չինի, իր հասկացողութիւնով ապրի, կամ իր սեփական կարծիքները, համակրանքներն ունենայ:

Այսպէս, ամեն կենդանութեան արտայայտութիւն խեղդուած է նրա մէջ. նա չի կարող վազել, երգել, խաղալ, զբօսնել: Եւ բանի մեծանում է նա, այնքան տուելի սեղմւում է նրա ազատութիւնը, և 14 տարեկանից վեր նրան արդէն արգելուած է մենակ դուրս գալ տանից, ամեն մի քայլի համար բացատրու-



Թիւն են պահանջում նրանից և ամեն մի շարժում կշտամբում: Այդ ինչ է, ինչ տարօրինակ սիստեմ է դա: Կարծես ծնողներն իրանց աղջկան անբարոյական, ստախոս են համարում:

Նոյնն է անում դպրոցը:

Դպրոցը!.. Նա կարծես ընտանեկան բանտի շարունակութիւնը լինի: Այնտեղ նոյն սիստեմով ճնշում-խեղդում են երեխայի մէջ մտքի ու գործի անկախութիւնը: Չէ որ այնտեղ ևս արգելուած է սեփական միտք, ցանկութիւն ու կամք ունենալ: «Այստեղից-այնտեղ». ահա մեր դպրոցների նշանաբանը, որով ստիպում են աշակերտուհիներին դասագրքի ուղեղով մտածել: Ամեն ինչ որոշ շրջանակի մէջ է դրուած. նրանից դուրս գալը յանցանք է համարվում, և օրինակելի աշակերտուհին նա է, ով թուլթակի նման բերան է անում «այստեղից-այնտեղ»:

Այսպէս է կատարվում աղջկայ կրթութիւնը.— նրա մտքերը և մտածելու ձևն անգամ ուրիշներին են պատկանում:

Այսպէս, աղջիկը միշտ շարժվում է ու-

րիշի թելադրութեամբ, նրա մտքերն անգամ ուրիշներինն են:

Այսպէս, ծնողներն ու դպրոցը երկար տարիների ընթացքում կաշկանդած են պահում նրա կամքը և յանկարծ դուրս թողնում նրան կեանքի ովկիանոսի երեսը առանց զեկի. բնականաբար նա պիտի ընկղմուի ու խեղդուի: Ամեն կենդանի իր փոքրիկին սովորեցնում է կռուել ու կռուով ապրել, միայն մարդն է, որ իր երեխային անզէն ու անպատրաստ դուրս է շարտում կեանքի ասպարէզ: Եւ այնտեղ, կեանքի այդ կռուի մէջ, ինչպէս ուսուցանում է Դարվինի դըպրոցը, անզէնը կուլ է գնում զինուածին, թոյլը— ուժեղին:

Ընտանեկան դաստիարակութիւնը շինում է աղջկան անվճռական և կամազուրկ, զուրկ նոյնպէս ձեռներէցութիւնից ու տոկոճութիւնից սկսանքների մէջ, իսկ դպրոցը ոչ մի գործնական գիտելիք չի տալիս նրան և մէջը չի մշակում ոչ մի լուրջ հայեացք հասարակական կեանքի և մարդկանց փոխադարձ յարաբերութիւնների վրա: Նա դառնում է մի վրիպած էակ, ինչպէս վրիպած է ի ծնէ ա-

պուշը, որ անպէտք է կեանքի համար։  
 Ահա թէ ինչ է դարձնում աղջկան անկանոն դաստիարակութիւնը, ընդհանրապէս, նոյնիսկ շատ քաղաքակրթուած երկրներու մէջ։

Մեր մէջ դաստիարակչական գործը մի յատուկ ու բնորոշ ուղղութիւն էլ է ստացել, — յատուկ ու բնորոշ յետ ընկած ու կորստեան մատնուած ազգերին — ես խօսում եմ այն հոսանքի մասին, որ տանում է դէպի մոռացումն ազգային աւանդութիւնների, ուրանումն նախնիների սրբութիւնների և ծայրագոյն արհամարհումն դէպի լեզուն ու ազգայնութեան գաղափարը։ Այս մի հոսանք է, որ արդէն հեղեղել է մեր ժողովրդի բոլոր խաւերը և որ անհրաժեշտաբար պիտի տանի դէպի վատասերումն և դէպի կորուստ։

Մեր կրթուած աղջիկների մեծագոյն մասը այս հոսանքի մէջն են ընկած և առանց իրանց կամքի առաջ են մղվում դէպի օտարանման անդունդը, — փոքրագոյն մասը միայն (հազարից մէկը) ամրացնում է իր մէջ մարդու լաւագոյն յատկութիւն-

ները, այն է — դիտակցական ինքնապաշտպանութիւն, յարգանք դէպի պապերի աւանդական օջախը և իր սրբազան լեզուն ու կրօնը։

Այսպիսիների մէջն է հասարակութեան փրկութիւնը. և մեր կեանքի մէջ նրանց հինգ մասի վրա կարելի է հաշուել։ Ել չեմ խօսում Ֆիզիկական կրթութեան մասին, որը բոլորովին անուշադիր է թողնուած, որի կարեւորութիւնը չի ճանաչուած մեր մէջ, բայց որ սակայն հիմն է ընտանիքի բարօրութեան, առողջ սերնդի արտադրութեան, հասարակութեան ու ազգերի ֆիզիկական ազնուացման։

Եւ հայ աղջիկը անպատրաստ, անպատրաստ ֆիզիկապէս ու մտաւորապէս, մէկ օր դուրս է գալիս ընդմիջտ դպրոցի յարկի տակից ու աչքերը տրորելով ընկնում է կեանքի բովի մէջ։ Մեծագոյն մասը գործելու ոչ մի ներքին պահանջ չի բերում իր հետ, նա հետեւում է շաբլօնին, ամուսնանում է ծնողի կամքով ու ապրում է մինչեւ մահ ամուսնու թելադրութեամբ։ Այդպիսիների համար չկայ իդէալ, չկայ ալտրուիստ ձգտումն, չկայ պարտաճանաչու-

Թիւն դէպի իրան կրթող հասարակութիւնը: Դրանք կ'ապրեն նոյն շարժումն ձեռով, ինչ ձեռով ապրել էին մինչեւ այժմ և կը կրթութեն իրանց դաւակներին նոյն պրոգրամով, ինչով որ իրանք են մեծացել:

Եւ ամեն տարի լայն բացվում են մեր դպրոցները դռներն ու դուրս թողնվում հարաւոր այդպիսի օրիորդներ, որոնցից ոչինչ չունի սպասելու հասարակութիւնը...

Իսկ այդ գեղեցիկ բայց անօգուտ երամակների մէջ, խղճուկ հագուստով, մի տեսակ անվստահ քայլուածքով, անհաստատ օտը դնում է կեանքի ասպարէզը ապագայ իսկական հայուհին, յուսալից թախանձօտ աչքերը հորիզոնին յառած, որտեղից պիտի ծագէ մի նոր կեանքի արև իր համար:

Ո՛րչափ սակաւաթիւ են սրանք!

Ուրիշ մտքեր, ուրիշ ձգտումներ է փայլում որանց հայեացքի մէջ:

Զգում են, որ իրանք էլ անդամ են հասարակութեան և որ պարտաւոր են մի գործ կատարելու:

Որչափ յուսալից պատրաստականութիւն են ցոյց տալիս սրանք աշխատելու

ազգի, հասարակութեան օգտին, օգտաւէտ մարդ դառնալու:

Ա՛հ, սիրելի մի մեծ, մի աղնիւ գործ ու հոգով անձնատուր լինել նրան, զինուած օգտակար մարդ լինելու բաւարարութեամբ: Ա՛հ, զգալ, որ այս ձեռները, այս ուղեղը, այս բնական ձիրքերն ու ընդունակութիւնները պիտանի պիտի լինեն հասարակութեան խոցերի վրա սպեղանի դնելու, նրա յուսահատութեան ովկիանոսի մէջ մի կաթիլ մխիթարանք գցելու:

Եւ պատանուհու երեւակայութեան մէջ ուրուագծվում է իր ապագայ գործունէութեան գրաւիչ պատկերը: Նա տեսնում է իրան կամ վարժուհի—մայր ու բոյր դարձած հարիւրաւոր մանուկները, տալով նրանց իր բոլոր մարմնական և հոգեկան ճիգերը, և կամ հասարակական եռանդուն գործիչ, նուիրուած բարեգործական գործունէութեան: Երբեմն էլ երազում է քաշուել մի յետ ընկած տեղ, իսկական խաւար ամբոխի մէջ և գործել յաւիտենական տառապանքի ու տանջանքի այդ բովարանում:

Նա պիտի մեծ հոչակ հանի նոյնպէս և դրական ասպարէզի մէջ, տալով հայ

մանկան մի շարք գրքեր, հիմնելով մանկական թերթեր, ժողովրդի մէջ տարածելով դրական դաստիարակութեան հիմունքներ: Չէ որ նա էլ անդամ է հայ ազգի, չէ որ հասարակութիւնը սպասելիքներ ունի նրանից.—նա պիտի գործի, գործի բոլոր ասպարէզների վրա... Եւ այս հեշտ յափշտակուող պատանուհին համոզուած է, որ ամեն ասպարէզ բաց է իր առաջ:

Նա իր միամիտ անուրջներում դիւթական օդային ամրոցներ է կառուցանում: Ամեն բան պիտի յաջողուի իրան: Իր անփորձութեան մէջ համոզուած է, որ միշտ հարթ է ճանապարհը դէպի օգտակար գործը.—բաւական է ցանկալ և նպատակիդ կը հասնես...

Բայց ցանկութիւնն ու եռանդը բաւական չեն գործ կատարելու համար: Հարկաւոր է պատրաստութիւն և (որ դիւստորն է) կամքի ոյժ... Աւանդ, այդ երկուսն էլ պակասում են հայ աղջկան:

Տատանմունք, անվճռականութիւն, անհաւաստիութիւն գործի օգտաւէտութեան, հաւատի պակասումն դէպի իր ոյժերը—այս

բոլորը արտայայտվում է նրա ամեն մի սկսանքի մէջ: Առաջին բովանդակում սրտանց կպչում է նա գործին, բայց շուտով վրա է հասնում անբաւարարութեան զգացմունքը և ձեռները թուլանում են ու սիրտը լցվում անվստահութեամբ: Սրտածմբիկ մի տեսարան է դիտել այդ փորձերի անպտղութեանը, ներկայ լինել խեղճի ամենօրեայ ոստումներին:

Նա ինքը լաւ է հասկանում, որ անյաջողութիւնը գործի անմատչելի ու անիրագործելի լինելուց չէ, այլ կամքի թուլութիւնից ու նախաձեռնութեան բացակայութիւնից:

Նա կարգացել է պատմական նշանաւոր կանանց մասին, որոնք գործել են և իրանց գործերով ապշեցրել են աշխարհ: Ինչի նա ինքը ոչինչ չի կարողանում գլուխ բերել, ինչն է պատճառը, որ ամեն քայլափոխի նա հանդիպում է անյաղթելի խոչընդոսներին:

Ինչի նրա սրտում բուն է դրել կասկածի հրէշը, որ ամեն ձեռնարկութիւն ունայն է դարձնում:

Եւ խեղճ աղջիկը բաւականաչափ ոյժ

չի գտնում իր մէջ որ դիմադրի իր իդէալների փլատակմանը, իր գեղեցիկ յոյսերի չքանալուն: Նա ընկնում է առօրեայ կեանքի շաբլոն հոսանքը և ընդմիջտ «մնաս բարով» ասում իր փայփայած գաղափարներին:

Գիտակցական կրթութեան ամենաբարձր արտայայտութիւնն է.—չընկճուել կեանքի հարուածների տակ, չստորանալ յոյսերի դաւաճանման առաջ:

Սյդ ներքին կենսական դիմացկոտութիւնը, այդ բարոյական էնէրգիան զարգանում են ու ամրանում միմիայն մարմնի ու հոգու ներդաշնակ կրթութիւնով:

Կամքի ոյժ, անսասան տոկունութիւն, սրանք ձուլած մաքուր ոսկու կտորներ են, որոնք դուրս են բերուած հանքաքարերի ձուլարանից ու կռարանից: Սրանք ադամանդներ են, որ սև ածուխի միջից են հանում:

Դաստիարակութիւնն ու կրթութիւնը պիտի զտեն հանքաքարերի միջի ոսկին:

Ահա իմ ձգտումը:

Ես պիտի վերցնեմ աղջկան երեխայու-

թիւնից մինչև օրիորդական հասակը, պիտի ցոյց տամ, թէ ինչպէս պէտք է կրթել նրան ֆիզիկապէս, բարոյապէս ու մտաւորապէս, մինչև որ հասունանայ:

Ես կը հետևեմ գիտութեան ցուցմունքներին, որոնք այսուհետև մայրերի և հասունացած օրիորդների ուղեցոյցը պիտի լինեն:

Սյս տեղ ևս, ինչպէս իմ միւս առողջապահական էտիւզներում, ես կ'աշխատեմ խօսել պարզ և անկեղծօրէն, դէն գցելով կեղծ ամօթխածութիւնը, որ միշտ խոչընդոտ է եղել լուրջ առողջապահական գիտելիքներ տարածելուն ժողովրդի մէջ:

Վ. Արժրունի

# Ա Ղ Ջ Ի Կ


## ԳԼՈՒԽ I

Տղամարդը հանդիսանում է կամ իբրև իշխող կնոջ վրա և կամ իբրև նրան հովանաւորող.— Եթե մի սուր արարած է տղամարդու աչքին.— Ե՛նչպէս էին նայում հենքը աղջկայ ծննդեան վրա.— Սղջիկը ամբ է բերում ծնողներին.— Հայերի վերաբերումն դեպի աղջկայ ծնունդը.— Սղջիկների կոտորածը գանազան երկրներում.— Քաղաքակրթութեան ազդեցութիւնը:

Մարդկութեան վայրենի և կիսավայրենի շրջաններում բոլի ֆիզիկական ոյժն է եղել մարդու գոյութեան միակ գրաւականը: Ուժեղը միայն կարող էր իր գոյութիւնը պահպանել այնպիսի մի ժամանակ, երբ կեանքի կռիւը լոկ և միմիայն ֆիզիկական զէնքերով էր մղվում: Նա միայն կարող էր ապրել, ով բաւական ոյժ ունէր ուրիշին ոչնչացնելու, որպէսզի իւր նրանից նրա մի կտոր հացը:

Ֆիզիկական կռիւը տեսել է բիւրաւոր

3821-82



դարեր և մարդը, իր ոյժը աւելի բարձր բանականութեամբ ամրացնելով, կամաց-կամաց նուաճել է բնութիւնը:

Ֆիզիկապէս աւելի թոյլ, դատապարտուած բնութիւնից յղութեան ծանրութեանը, ծննդաբերութեան երկունքին և ծըծմայրութեան պրօցէսին, որոնք կաշկանդումբունանում են նրա ֆիզիկական զարգացման և մարմնական ու հոգեկան անկախութեան վրա, կլինը իր բնութիւնով միշտ մի նուազ անհատականութիւն է ցոյց տուել և միշտ պէտք է ունեցել մի առոյգ ձեռքի հովանաւորութեան:

Եւ տղամարդը միշտ, ամեն դարերում երկու տեսակ դիրք է բռնել դէպի կանանց սեռը.—նա հանդիսացել է կամ իբրև տէր, կամ իբրև հովանաւոր, նայելով, ի հարկէ, իր քաղաքակրթութեան աստիճանին:

Վայրենի ցեղերի մէջ տղամարդը նայել է և այժմն էլ նայում է կնոջ վրա իբրև մի ստոր արարածի վրա, որ աւելի բարձր չէ, քան այն կենդանիները, որոնց նա նուաճել է և որոնցով օգտվում է: Կինն այստեղ մի խելացի գրաստ է և միւնոյն ժամանակ մի հաճելի զուարճալիք:

Վայրենի ու կիսավայրենի ցեղերի մէջ հովանաւորութեան գաղափարը, իբրև աւելի բարձր հասկացողութիւն, բոլորովին պիտի բացակայէր, կամ չափազանց նուազ կերպով արտայայտուէր: Փոքրիշատէ քաղաքակրթուած ազգերը միայն ընդունակ են ըմբռնելու թոյլին ու անպաշտպանին հովանաւորելու և օգնելու հումանիտար գաղափարը: Թէ այսպէս և թէ այնպէս, ստորկութեան թէ հովանաւորուած դրութեան մէջ, թոյլ սեռը ամեն երկրում և ամեն ժամանակ կախումն ունեցողի դիրք է բռնել դէպի տղամարդը, ճանաչելով սրան կամ իբրև ինքնակալ տէր իր կեանքին և բազդին և կամ թէ չէ իբրև խնամատար, իբրև պաշտպան ու նեցուկ, առանց որի նա անկարող է իր գոյութիւնը պահպանել:

Պէտք է շատ բարձրանալ քաղաքակրթութեան սանդուխներով, հասնել մինչև անդլիական էմանցիպացիային և ամերիկական ազատամիտ կրթութեան, որ տեսնենք կնոջը համարեա ազատուած այս կապանքներից և ինքնուրոյն մարդ դարձած: Ասում եմ «համարեա», որովհետեւ այդ երկրներ

րում անդամ գեղեցիկ սեռը դեռ չի հասած կատարեալ ինքնուրոյնութեան:

Այսպէս, աղամարդը թէ իր վայրենական շրջանում և թէ քաղաքակիրթ դրութեան մէջ միշտ իրան բարձր է դասել կանացի սեռից ֆիզիկապէս և մտաւորապէս: Պահպանելով իր ֆիզիկական առաւելութիւնները, աղամարդը նախնական դարերից ի վեր պահպանել է նոյնպէս երկրի գերիշխանութիւնը և հողագնտի օրէնսդրի մեծ իրաւունքը: Հպատակուել են նրան բոլոր կենդանի (և նոյնիսկ անկենդան) էակները, հպատակուել է և կինը միւս կենդանիների շարքին:

Եւ ամեն տեղ տիրում էր այն համոզմունքը, թէ կինը մի ստոր արարած է ամեն տեսակէտից. չէ որ նա աղամարդու կողմից է ստեղծուած:

Տղամարդու կարծիքով, բնութիւնն անդամ, նոյնիսկ մօր արգանդի մէջ, աղջկան աւելի ստոր տեղ է յատկացրել, քան աղամարդուն:

Այսպէս, հրէաները, յոյները, նոյնիսկ հռովմայեցիք համոզուած էին, թէ աղջիկը ծնվում է ու սաղմանում մօր արգանդի ձախ

կողմում, իսկ տղան աջ կողմում, և այս պատճառով էլ աղջկով յղի կնոջ ձախ ստինքը աւելի է մեծանում ու լցվում կաթով, քան աջը: Եթէ յղի կինը ցաւեր է դգում, թոյլ է ու նիհարում է, եթէ նրա երեսի վրա պզուկներ ու չէչեր են դուրս տալիս, եթէ դէմքը թորչումած է, կամ ոտերն ու ածուկները ուռչում են — այդ ապացոյց է, որ արգանդի պտուղը աղջիկ է, այն ինչ զուարթ ու առողջագէմ կինը աղայ կը ծնի: Աղջկով յղի կինը առհասարակ աւելի է տանջվում, յղութիւնն ու ծննդաբերութիւնը աւելի դժուար են լինում:

Այսպիսով, ժողովրդի հասկացողութեամբ, աղջիկը նոյնիսկ մօր արգանդի մէջ մի պատուհաս է ծնողների համար:

Բայց այս բոլորը չէ:

Շատ ազգերի մէջ տիրում էր այն համոզմունքը, թէ աղջկայ սաղմը աւելի ուշ է հոգի ստանում, քան տղայինը:

Նոյնիսկ հին գիտնականները հաւատում էին, որ տղան աւելի վաղ է հոգի ստանում, քան աղջիկը:

Հիպպոկրատը կարծում էր, թէ տղան մօր արգանդի մէջ հոգի է առնում 30-դ



օրը, իսկ աղջիկը 40-դ.՝ Արիստոտելի ասելով, այս տարբերութիւնը աւելի մեծ էր, այն է.—տղան 40-դ օրը, իսկ աղջիկը միայն 80-դ օրը:

Մի հին գրքում (XVI դարու) ասուած է.

«Եթէ պէտք է աղջիկ ծնուի, պտուղը շարժվում է իննսուներորդ օրը, իսկ եթէ պտուղը տղայ է, շարժումներն զգացվում են շատ աւելի վաղ, քառասունքի մէջ: Ուրիշ տեղերում, օր. էստլանդիայում, աղջկայ շարժումը իբր թէ տեղի է ունենում 4-դ ամսում, իսկ տղայինը 3-դ»:

Եւ քանի որ այն ժամանակներում կարծում էին, թէ սաղմը սկսում է խ ա ղ ա լ այն բոպէից, երբ հոգին մտնում է նրա մէջ, հետեւաբար ենթադրվում էր, որ հոգին աւելի ուշ է իջնում աղջկայ մէջ, քան տղայի:

Մի քանի կիսավայրենի աֆրիկական ցեղերի մէջ աղջիկը որոշ դրամագլուխ է, որովհետև փեսացուն նրան գնում է, վճարելով մի քանի տնային կենդանի, այդ պատճառով աղջկայ ծնունդը սրանց մէջ աւելի մեծ հրճուանքով է տօնվում: Բայց այս դէպքերը բացառութիւն են և ընդհանուր վերաբերումն դէպի աղջկայ ծնունդը

ամենուրեք արհամարհական և թշնամական է եղել:

Աղջիկ ծնելը ամօթ է բերում մօրը:

Մի զարմանալի նախապաշարմունք գոյութիւն ունի Ռուսաստանում. «Եթէ հարց տաք մի յղի կնոջ, թէ ինչ կը ծնի,—տղայ թէ աղջիկ, և նա կարմրի, այդ նշանակում է, որ արգանդում աղջիկ է, իսկ եթէ չկարմրի—տղայ է»:

Տեսէք, թէ սրչափ ամօթալի բան է աղջկով յղանալը, որ մայրը, նոյնիսկ չիմանալով, թէ ինչ է իր արգանդի միջինը, ամօթից կարմրում է:

Ղուրանում այսպէս է նկարագրվում արաբի հոգեկան դրութիւնը, երբ նա լսում է, որ իրան աղջիկ է ծնուել. «Նրա դէմքը մռայլվում է և նա մեծ վշտի մէջ է ընկնում. խուսափում է մարդկանցից և հարց է տալիս իրան, պահի այդ ամօթահար երեխային, թէ թաղի նրան»:

Միևնոյնը տեսնում ենք, ըստ Շալկովի, և հիմա արաբական ցեղերի մէջ. նոյնն է և հնդիկների, պարսիկների, նեգրերի, եպպոնայինների ու չինացիների մէջ: Ամենամեծ անպատուութիւն է մանդարինի համար, երբ

հարցնես նրան թէ աղջիկ ունի նա թէ ոչ:

Պլոսը իր գրքի մէջ առաջ է բերում: Միջին-Ասիայի թիւրքմէն ցեղի երգը.

«Աւելի լաւ է, որ աղջիկը արեւի լոյս չտեսնի, այլ մօր արգանդում մեռնի. իսկ եթէ ծնուել է, աւելի լաւ է, որ իսկոյն մեռնի: Այն ժամանակ ծննդեան հետ միասին կը տօնեն և թաղումն»:

Նոյն ձեւով են վերաբերվում աղջկան և բոլոր ասիական ցեղերը: Կանայք ամաչում են աղջիկ ծնելիս, կարծես յանցանք կատարած լինէին:

Հին դարերի հասկացողութեամբ ծնընդարեւութիւնը պղծում է կնոջը. մաքրուելու համար որոշ ժամանակ էր որոշուած: Այս ժամանակամիջոցը աղջկայ ծննդից յետոյ աւելի երկար էր, քան տղայի ծննդից, որովհետև աղջիկը աւելի է պղծում մօրը:

Մովսէսի օրէնքով եթէ կինը տղայ է ծնել, նա անմաքուր է եօթն օր, իսկ եթէ զաւակը աղջիկ է—երկու շաբաթ: Այդ ժամանակամիջոցին նա իրաւունք չունի ամսաւար մտնելու և սրբազան իրերին ձեռք տալու:

Հայերի մէջ նոյնիսկ մեր օրերը նկատ-

վում է նոյնպէս արհամարհանք դէպի աղջիկը: Աղջիկ ծնող մայրը կարծես ամաչում է իր սկեսարի ու տագրերի առաջ:

Գանձակի գաւառում աղջկայ ծնունդը տխրութիւն է պատճառում թէ ծնողներին և թէ ազգականներին: Մայրը, կարծես մի յանցանք գործած, կուչ է գալիս. ամուսինը երբեմն բարկանում է կնոջ վրա, երբեմն էլ ամենակոպիտ խօսքերով հայհոյում նրան: Սկեսարը անիծում է նրան ասելով. «Ձահէլ աղիս օրը սեւացրիր, ջինսդ (սերունդդ) կտրուի»: Ազգական կանայք գալիս են ոչ թէ աչքալուս տալու, այլ մխիթարելու. «բան չկայ, աղջիկ բերողը տղայ էլ կը բերի, հէրն ու մէրը սաղ ըլին»: Անիծում են նոյնպէս տատմօրը. «ձեռքդ կտարուի, մէկ էլ մեր տանը աղջիկ չփաթաթես» \*):

Ի հարկէ, այս դժգոհութիւնը այնքան աւելի է լինում, որքան շատ աղջիկ երեխաներ են ծնուած այդ գերզատանում: Պատահել են դէպքեր, որ նորածին աղջկան տաշտակի տակին են դրել ու սպանել:

«Այսպէս վերաբերուելու պատճառն

\*) «Գանձակի գաւառ», Ե. Ալալայեան:

այն է, որ աղջկան «ուրիշի ապրանք, դրսի պատ են» համարում: 10—15 տարի հայրենական տան մէջ ապրելով, ծախսերի ենթարկելուց յետոյ թողնել-գնալու է: Այն ինչ արու երեխան «տան սին է, ծերութեան նեցուկ է, օջախը վառ պահող, ծնողաց յիշատակը պահպանող, նրանց գերեզմանը օրհնել աուող է» \*):

Շուշուայ գաւառում (Վարանդա), աղջիկ բերող հարսը նոյնպէս հալածանքի է ենթարկվում: Սկեսարը անէծքներ ու հայհոյանքներ է թափում խեղճի գլխին: Աղջկայ ծննդին կերուխում, աչքալուս չի լինում: Շատ դէպքեր են պատահել, որ մի քանի աղջիկ բերող կնոջը դուրս են արել տանից \*\*):

Աղջիկը ծանր բեռ է համարվում ընտանիքի համար, քանի որ պահանջում է մեծ ծախս մինչև մեծանալն ու մարդու գնալը. — նրան պէտք է լաւ հագցնել, այն ինչ իբրև բանուոր օյժ, նա թոյլ է և յաճախ անպէտք: Իսկ սրչափ մեծ ծախքեր են պահանջում նրանք ամուսնանալիս:

\*) նոյն տիղ  
\*\*) «Վարանդա», Ե. Լալայեան:

Կայ և մի ուրիշ երկիւղ, այդ այն է, որ աղջիկը կարող է «պառաւել, տանը մնալ», եթէ նա տգեղ է կամ բաժինը չունի: Այդ արդէն մի մեծ դժբախտութիւն է ծնողների համար:

Այս պատճառով էլ մի քանի աղջիկ ունենալը Աստուծու անէծք ու պատուհաս է համարվում, և ծնողները ուրախ են, երբ աղջիկներից մէկն ու մէկը հիւանդութիւնների ու արկածների զոհ է դառնում:

Բաֆֆին նոյնպէս մատնացոյց է անում այս վերաբերումը դէպի աղջիկը.

«Եթէ ծնունդը տղայ է, նրա անկողինը չրջապատում են մի խումբ պառաւներ, որոնք գործ են դնում իրանց ամբողջ կախարդական արհեստը մօր և նորածին մանուկի կեանքը անփափա պահելու «չարիքից», «ալքերից», «բաչքերից», «դեւերից», «մեղնից աղէկներից», «սատանաներից» և այլն: Մանուկի օրօրոցը նոյնպէս զրահաւորում են բժժանքներով, յուռութիւններով, մահիկներով և մինչև անգամ տէրտէրի գրած «բժիկներով»: Իսկ աղջիկը գուրկ է մնում այդ նախախնամութիւններից»:

Շատ երկրներում այս ատելութիւնը  
դէպի աղջիկը այն աստիճանի է հասնում, որ  
ճնոզները սպանում են նորածին երեխային:

Աղջկայ սպանումն կատարվում է մեծ  
ծաւալով հնդկական և չինական երկրնե-  
րում: Այդ գարշելի սովորութիւնը տեղի  
ունի նաև Աւստրալիայում և մտակայ կըզ-  
զիների վրա:

Որդեսպանութեան շարժառիթներից  
ամենադժուարը, անտարակոյս, աղբատու-  
թիւնն է: Ծայրայեղ չքաւորութեան մէջ ապ-  
րոզ ազգերի մէջ անընդհատ տիրում է սո-  
վը: Ուժեղ բանուոր տղամարդը հազիւ է  
կարողանում իր գոյութիւնը պահպանել, և  
մի աւելորդ որկորը ընտանիքի մէջ ահագին  
ծանրութիւն է դառնում:

Զինաստանում և հնդկաստանում ապ-  
րոզ տասնեակ միլիոնաւոր մարդկային  
էակները, խոնուած լինելով միջնային հա-  
մայքների պէս մի կտոր հողի վրա, որ դա-  
դարել է նրան բաւարար բրինձ տարւոյ,  
ընկճուած իշխող դասերի սոսկալի կեղեք-  
ման ու ճնշման տակ, ետ մղուած առեւ-  
տրական կենտրոններից դէպի երկրի խոր-  
քերը, — այդ ողորմելիները բնականաբար պի-

տի ձգտէին դանդաղացնելու իրանց աճումն,  
և անհրաժեշտաբար հասնէին որդեսպանու-  
թեան ահուելի գաղափարին: Եւ այս «ան-  
հրաժեշտ չարիքի» զոհերը պիտի լինէին  
թոյլերը, որոնք անկարող են մաքառել և  
իրանց ապրելու միջոց հայթայթել, այսինքն  
— աղջիկները:

Աղջիկը մեծ խնամք ու ծախք է պա-  
հանջում: Նա մի աւելորդ ուսող «բողազ է»,  
որը լցնել անկարող են կիսաքաղցած ճնոզ-  
ները:

Սոսկալի է սպանութեան ձեւը:

Յաճախ նորածին աղջկան ուղղակի գը-  
ցում են աղբի կողովի մէջ, կամ հօր են  
փորում ու կենդանի-կենդանի թաղում:  
Հնդկաստանում ուղղակի գցում են Գան-  
դէսի և ուրիշ սրբազան համարուած գե-  
տերի ջրերը: Երբեմն հայրը օտով ջնջխում է  
երեխային, կամ գլուխը պատին է խփում  
և այլն:

Հնդկաստանում և Զինաստանում աղ-  
ջիկների սպանութիւնը ահագին ծաւալով է  
կատարվում և կարծես սրբագործուած է.  
հայրը սպանում է իր աղջիկներին, եղբայրը

7

Ձ

4

բոյրերին: Չնայելով անգլիական կառավարութեան խստագոյն արգելքին, հնդկական ընտանիքներում իգական սեռի մի սոսկալի կոտորած է կատարվում: 1836 թուին հնդկա-անգլիական կառավարութիւնը քրննութիւն բացեց այդ մասին, որից դուրս եկաւ, որ Բաջպուտանի նահանգում 10,000 մարդկանց մէջ ոչ մի աղջիկ չէր մնացել: Մի ուրիշ նահանգում մարդիկ խօստովանվում էին, թէ 100 տարուց աւելի է, ինչ ոչ մի էգ երեխայ կենդանի չի թողնվում: Վաթսունական թուականներին կատարուած քննութիւնը ցոյց տուեց, որ համարեա բոլոր հնդկական նահանգներում որդեսպանութիւն էր տեղի ունենում, այնպէս որ աղջիկ երեխայ գրեթէ բոլորովին չէր մնացել և տասնեակ, նոյնիսկ հարիւրաւոր տարիներ շատ տեղերում հարսանիք չէ եղել, և տղամարդիկ ուրիշ երկրներից են իրանց կին բերել:

Աֆրիկական մի քանի վայրենի ցեղերի մէջ սովորութիւն կայ դրսից կին բերել, որովհետեւ իրանց մէջ աղջիկ զաւակ չի մնում:

Հայերի մէջ քրիստոնէական սկզբունք-

ները, ի հարկէ, թոյլ չեն տալիս ոչնչացնելու էգ երեխային, սակայն կայ յիշատակութիւն, որ պատահել են սպանութեան դէպքեր: Յամենայն դէպս «աղջկայ մահը մի ներքին բաւականութիւն է պատճառում շատ հայ ծնողների», ինչպէս նկատում է Բաֆֆին:

Մեր ժամանակներում անգամ այս որդեսպանութեան զարհուրելի սովորութիւնը թագաւորում է շատ տեղեր: Յէյլօն և Մագագասգար կղզիների վրա բոլոր աղջիկները կոտորվում են, բացի առջնեկից: Մի քանի արաբական կռապաշտ ցեղերի մէջ, ըստ Շալիօվի, աղջիկներին թոյլ է տրվում ապրել մինչեւ վեց տարեկան հասակը միայն: Այդ ժամանակ հայրը տանում է երեխային ջրհորի մօտ, հրամայում է կռանալ ու նայել, և այդ րոպէին ուժով խփում է զղին, գլորում ջրհորի մէջ ու հորը լցնում հողով:

Հին կլասիկ երկրներում (Յունաստանում և Հռոմում) աղջկայ ծնունդը այդպէս թշնամաբար չէր ընդունվում: Այնտեղ աղջկայ վրա նայում էին իբրև ապագայ զինուորների մօր վրա, այդ պատճառով էլ

աղջկանից պահանջվում էր գեղեցիկ և առողջ մարմին, ինչպէս և տղաներից:

Հայրը նորածին երեխային պիտի ներկայացնէր թաղական ծերունիներին, որոնք զննում էին նրան ու իրանց վճիռը տալիս: Եթէ նա լաւ կազմուածք ունէր, մտցնում էին քաղաքացիների անուան ցուցակի մէջ, իսկ եթէ նա մի որեւէ արատ ունէր կամ թուլակազմ էր, շարտում էին ձորը Տայգեան կոչուած քարափից:

Նորագոյն ազգագրական տեղեկութիւններին նայելով, արատաւոր երեխաներին սնչացնելու սովորութիւնը գոյութիւն ունէր և ունի այժմս էլ զանազան ազգութիւնների մէջ:

Ահա թէ ինչպէս էին նայել ու նայում են այժմ ևս աղջկայ ծննդի վրա: Աղջիկը մի աւելորդ ծանրութիւն է համարվում, որից վաղօրօք ազատուելու փափաղը մղում է ծնողին մինչև անգամ դէպի որդեսպանութեան ոճիրը:

Հին դարերի մեծ խորհողների ու յեղափոխիչների և մանաւանդ Քրիստոսի մարդասէր ուսմունքները միշտ ձգտել են

ազգերին սէր ներշնչելու դէպի կանացի սեռը, սակայն անկարող են եղել հաւասարեցնել երկու սեռերը: Անտարակոյս, քանի քաղաքակրթվում է մի ազգ, այնքան աւելի է նուազում այդ տարբերութիւնը, բայց դարձեալ—նոյնիսկ քաղաքակրթուած ազգերի մէջ—աղջկայ ծնունդը չի բերում ծնողներին այն հրճուանքը, ինչ որ տղայինը, այլ ընդհակառակը մի խուլ, զսպուած անբաւականութիւն ու դժգոհութիւն է գցում նրանց սրտի մէջ:

II

ՀՆՆԵՐԻ ՀԱՅԵԱՑՔԸ ԱՂԶԿԱՅ ՎՐԱ.

Հննրի առիմարհական հայեացքը կանացի սեռի վրա.— Կնոջ անմարտիկան գաղափարը.— Պղջկայ դրուքիւնը հօր զանը.— Նրա վաճառումն.— Նրա ազատութիւնը քափառական լեռնային ազգերի մէջ.  
— Պղջիկը Սպարսալում:

Աղջիկը, որի աշխարհ գալը, ինչպէս տեսանք, աղէտ էր համարվում, մեծանալով մնում է նոյն արհամարհանքով, նոյն թագցրած թշնամանանքով պատած. նա պահվում է իբրև վաճառքի ապրանք, կամ ինչպէս տան բանուոր ոյժ ու բանուորի ապագայ մայր:

Միքանի կիսավայրենի երկրներում աղջիկը անուն անգամ չունի, նա կոչվում է քոյր, գուտոր, իսկ ամուսնանալիս նա ընդունում է մի ուրիշ կոչումն, օր. այնտեղի

անունը, որտեղ ամուսնացել է: Չինական երկրներում արգելուած է նրանց տղամարդկանց հետ սեղան նստել, ինչպէս և արևելքում: Հիւսիսում կինը իրաւունք չունի այժեամի միս ուտել: Այսպիսի վերաբերումն դէպի կանացի սեռը, բացի վերելիչած դիտումներից, բացատրվում է և այն կարծիքով, որ ունեն մինչև հիմի էլ անբաղաբակիրթ ազգերը կնոջ դաշտանի ու ծննդաբերութեան պրօցէսների մասին: Կնոջ օրգանիզմի այս ֆիզիօլօգիական ֆունկցիաները արատաւորող ու պղծող են համարվում, ինչպէս կը տեսնենք, երբ կը խօսենք դաշտանի մասին: Հայերի մէջ ևս շատ տեղերում ծննդկանին անսուրբ են համարում. նրա բաժակը, ամանը, չանդալդանակը առանձին են պահում, և թոյլ չեն տալիս որ նա իր ձեռքով բան վերցնի: Կինն ինքն էլ նոյն համոզմունքին է, թէ իրաւունք չունի, այնպէս որ ծննդկանը ամբողջ օր կարող է քաղցած մնալ, եթէ նրան հաց տուող չլինի: Մինչեւ անգամ ծննդկանի ամբողջ տունը պղծուած է համարվում և հարկ է լինում փարատել նրան, որի համար քահանայ է հրաւիրվում:

Կնոջ անմաքրութեան գաղափարը պահպանվում էր ու շահագործվում քուրմերի և նոյնիսկ աւելի ուշ քրիստոնէական պաշտօնեաների կողմից, այսպիսով տղամարդհոգեւորականը իր համար հոգու փրկութեան մենաշնորհ էր ստեղծում:

Այսպէս, կնոջը իրաւունք չէր տրվում զոհաբերութիւն անգամ անելու.—զոհը պիտի տան տղամարդը բերէր: Մահմեդական երկրներում շատերը կասկածում են, թէ կինը հոգի ունի, և համոզուած են, որ յամենայն դէպս կնոջ արքայութիւնը տղամարդու արքայութիւնից ջուկ է: Հները համոզուած էին նոյնպէս, որ կանանց սեռը հանդերձեալ կեանքում ապրում է մռայլ դժոխքում, որտեղ Բեհզեբուզի իշխանութեան ներքոյ թափառում են նրանք ուրուականների նման:

Քրիստոնէական ուսմունքը ոչնչացրեց այս անվայել հայեացքը կնոջ վրա, մի հայեացք, որ, ինչպէս կը տեսնենք յետոյ, չեն քաշվում պաշտպանել նոյնիսկ մինչեւ մեր օրերը յայտնի խորհոյներն անգամ:

Մենք շատ հեռու կը գնայինք, եթէ աշխատէինք պատկերացնել ընթերցողի ա-

ռաջ այն տարօրինակ վայրենի հայեացքները աղլկայ ու կնոջ վրա, որ տիրել է և այսօր էլ տիրում է համարեա ամեն տեղ:

Այսպիսի պայմաններում ի հարկէ դրժուար է արդէն խօսել հաւասարութեան, համակրանքի ու սիրոյ մասին: Կնոջ նսեմութեան, նրա անմաքրութեան գաղափարում խոխոմած տղամարդու ուղեղը անկարող է ըմբռնել սիրոյ «զգացմունքի» նրբութիւնը, որովհետեւ նա անկարող է տարբերել այդ զգացմունքը տռփանքի հաճոյքից:

Հարեմային սիտեմը մի զօրեղ ապացոյց է, սակայն, սէր չճանաչելով հանդերձ, արեւելեան տղամարդը լցուած է խանդով, որ ուղղակի հիւանդութեան և մոլութեան է հասնում: Այդ խանդոտութիւնն է, որ չարսաւ է գցել կնոջ երեսին, որ փակել է կնոջը կանանոցի չորս պատերի մէջ, որոնց դռների ճեղքերից անխոնջ հսկում են անսեռ ներքինիների մռայլ աչքերը \*):

Մինչև որոշ հասակը աղլիկը միմիայն

\*) Տղամարդու այս խանդոտութիւնն է, որ առաջ է բերել այրի կնոջ սպանութիւնը ամուսնու գերեզմանի վրա: Հնդկաստանում, Պերու, Սեկսիկաչում, այրի կնոջ ողջ-ողջ



առանց ծածկոցի է դուրս թողնվում, իսկ 8—10 տարեկանից սկսած նա պետք է ծածկի իր ամբողջ մարմինն ու դէմքը (բացի մի աչքից):

Եթէ կլինը բազմաթիւ ազգերի մէջ այսչափ իրաւազուրկ էր, աղջիկը միանգամայն ստրուկ էր: Եւ, յիշուի, նա ոչ միայն իր հօր գոյքն էր, այլև կախումն ունէր իր եղբօրից, այն սկզբունքի հիման վրա, որ տղամարդն է օջախի տէրը:

Նոյնիսկ կլասիկ երկրներում (Յունաստան և Հռոմ), մինչեւ անգամ մայրը պիտի խոնարհուէր իր որդու առաջ \*) ։ Հայրը

Թաղում էին ամուսնու կողքին, կամ այրում էին նրա դիակի հետ: Մի որևէ ինքնակալի մահից չետոյ նրա ամբողջ հարէմը այրվում էր: Համոզուած, որ ամուսնուց չետոյ այլևս իրաւունք չունեն ապրելու, կանայք իրանք սրբազան պարտք են համարում ոչնչանալ իրանց ամուսնու մահից չետոյ: Իսկ եթէ նրանց արգելվում է այդ հրապարակով կատարել, հեռանում են անտառներն ու գաղտնի տեղեր և այնտեղ ինքնասպանութիւն գործում: Մի քանիսի ասելով միայն Հնդկաստանում ամեն տարի այրվում էին 30,000 այրի կին:

\*) Թեւեմտակն ասում է իր մօրը. „Նո գարձիր կանանոց և պարապիր քո գործերով, հսկիր ճախարակիդ վրա և կարգադիր աղախինների պարապմունքը, որովհետև այստեղ միայն տղամարդիկ իրաւունք ունեն գատողութիւն տալու, և ամենից առաջ իրաւունքն ինձ է պատկանում, քանի որ ես եմ տանտէրը“:

և եղբայրը իրաւունք ունեն ծախել տան աղջկան, կամ նուիրել ում կամենան: Շատ տեղերում մինչեւ այժմ դեռ գոյութիւն ունի հիւրասիրութեան այն քստմնելի ձեւը, որ տանտէրը գիշերը հիւրի մօտ է զրկում իր կնոջը կամ աղջկան: Հասունացած աղջիկը այսպիսով արժէք է ստանում և եթէ նա այնքան էլ օգտաբեր չէ ընտանիքի համար, գոնէ վաճառելու ապրանք է դառնում: սակայն այս կենդանի ապրանքը աւելի էժան էր, քան շատ անկենդան իրեր: Մովսէսի օրէնքով կլինը այնքան արժէք, որքան ստրուկը, իսկ զուրանը աղջկայ գինը դրել է ոչ պակաս քան 10 դիրմ (1 ու. 50 կ.): Աղջիկ գնողը իրաւունք ունէր լաւ զըննելու իր ապրանքը և դրանից է մնացել շատ տեղերում նորահարսին պսակից առաջ տկրորացնելու ու զննելու սովորութիւնը, որ կատարում են կանայք:

Բազմակնութիւնը, հարեմային սխտեմը, մի ահագին առեւտուր էին սահմանել վավաշոտ արեւելքում, մանաւանդ որ բազմակնութիւնը սրբագործուած էր կրօնով \*):

\*) Հնդկական երկրներում դեռ չի վերջացել աղջրկայ ընծայարեւումն տաճարին, այսպիսով էր որ կազմը

Մահամէգի օրինակը սուրբ էր, և Արաբ-  
ստանի կիզիչ արեւի տակ կրքերը բերբօր-  
վում էին անդիմադրելի ոյժով ու ամբողջ  
երկիրը դարձրել էին հեշտասիրութեան բո-  
վարան: Մինչեւ այժմ, չնայելով Եւրոպայի  
արգելքներին, Պաղեստինէի, Արաբստանի,  
Իրանի հովիտում, Փոքր-Ասիայի, Աֆրիկայի  
լայնատարած մահմեդական երկրներում  
դեռ շրջում են «կենդանի ապրանքի» վա-  
ճառականներ, որոնք ամեն հնարքով որսում  
են սպիտակամորթ և սեւամորթ գեղեցկու-  
հիներին և մատակարարում նրանցով զօ-  
րեղների հարէմներին:

Առհասարակ հին քաղաքակրթուած  
երկրներում աղջիկը աւելի անկախութեան  
նշոյլներ էր վայելում, որոնք միանգամայն  
խեղդվում ու ջնջվում են յետոյ:

Այսպէս, Եգիպտոսում մինչև սեմիթա-  
կան ցեղերի տիրապետումն, կինն ազատ էր  
նոյնիսկ հասարակական գործերին մաս-  
նակցելու: Հրեաների մէջ աղջիկն ու կինը  
(գօնէ հին դարերում) նոյն իրաւունքներն

վում էին խորամանկ քորմերի հարէմները և միջնադա-  
րեան կաթոլիկ մենաստանները, որոնք ուղղակի դարձել  
էին զեղխութեան և անառակութեան ուղիք!

էին վայելում, ինչ որ տղամարդիկ: Արաբ-  
ստանում, ընդհակառակը, դեռ մինչև Մա-  
համէգի երևալը, նա միանգամայն իրաւա-  
զուրկ էր դարձրած: Այս մարգարէի ճիգը  
փոքրիշատէ պաշտպան հանդիսացաւ կնոջ,  
սակայն նկատելի կերպով չբարեփոխեց  
նրա հաւասարակական դիրքը:

Մի ընդհանուր հայեացք գցելով Ա-  
րևելեան կրօնական ուսմունքների վրա,  
ասում է մի հետազօտող, մենք տեսնում  
ենք, որ նրանք ամենքը, թէև տարբեր ճա-  
նապարհներով, հասան միևնոյն նպատակին,  
այն է կնոջ ստորացման և նրա իրաւա-  
զրկման»:

Միակ բացառութիւն կազմում են այս  
տեսակէտից միջանի լեռնաբնակ ցեղեր.  
այսպէս, ճանապարհորդները սքանչանում  
են թուրքմէն, ըուրդ, բեդուին աղջիկնե-  
րի ազատութեամբ: Այս ցեղերի մէջ չկայ  
հարեմական կազմակերպութիւն, չկայ ու-  
րեմն փակուածութիւն և ոչ չարսաւ: Աղ-  
ջիկը ազատ է, ինչպէս իր լեռան այժեամբ,  
ու իր վրանը միշտ տատանող բամին: Իբրև  
թափառական, սովորած լինելով արկածալից  
կեանքի, միշտ դէմ առ դէմ բերաւոր պա-

տահարների, պնդուած բնութեան եղանակների փոփոխման մէջ, լեռնաբնակ աղջիկը սովորել է յոյսը իր վրա դնել և այդ պատճառով տղամարդու պէս նա քաջ է և անվախ:

Ամբողջ օրով մատաղահաս բեգուին աղջիկը կամ ըրդուհին առնում են իրանց հօտերն ու անհետանում սարերը, չվախենալով ոչնչից—ոչ գայլից, ոչ անձրեւից և ոչ էլ ջահէլ հովուի հրապոյրներից, օրովհետեւ նա տէր է իր գլխին և իր կամքին:

Իբրեւ ընդհանուր կանոն պէտք է ընդունել, որ նստակեաց ազգերի մէջ աղջկայ ազատութիւնը շատ աւելի է սահմանափակուած, քան թափառական ցեղերի մէջ: Այս վերջինների կենցաղը հէնց արամագրում է աղջկան ինքնուրոյն լինել:

Սպարտայում աղջիկը, ինչպէս և տղան, իր ծնողներինը չէր, այլ համայնքինը, հանրապետութեանը, ինչպէս կը տեսնենք յետոյ: Որքան անողորմ ու գազանային էր հանրապետութեան վերաբերումն դէպի արատաւօր աղջիկները, որոնց անդունդն էին նետում, այնքան էլ մեծ էր նրա ինամքն

ու սէրը դէպի լաւ կազմուածք ունեցողներն ու առողջները: Սրանք էին ապագայ սերնդի մայրերը, սրանցից էր կախուած երկրի քաղաքական ոյժը, առողջ ու քաջ զինուորների արտադրութիւնը:

Կառավարութիւնը միջամտում էր ընտանիքի գործերին, նոյնիսկ սահմանափակում էր որդեծնութիւնը, եթէ երեխաների թիւը բաւարար էր համարում, այսպիսով չափաւորում էր ամուսինների փոխադարձ սէրը...

Որդուն խլում էին մօր գրկից դեռ երեխայ հասակում և կրթում էին նրան հասարակական հիմնարկութիւնների մէջ, հանրապետութեան հաշուով: Ծնորհիւ լաւ կրթութեան ու դաստիարակութեան, շնորհիւ մարդավայել վերաբերման, որ վայելում էր սպարտուհին, նա, ճշմարիտ է, կամացկամաց, բայց դարձեալ բաւական ոյժ ձեռք բերեց դարերի ընթացքում, և սկսեց ձրգտել դէպի ինքնուրոյն կենցաղ:

Այսպէս, հռոմէական համայնքում, որտեղ հայրը անպայման իր ընտանիքի տէրն էր և իր զաւակների վրա կեանքի ու մահի իրաւունք ունէր, աղջիկը կամաց-կամաց

որոշ, թէեւ դեռ միայն ձեւական, ինքնուրոյնութիւն ձեռք բերեց: Նրան իրաւունք էր տրուած փեսայու ընտրել իր համար և կարող էր իր մասն ունենալ ընտանեկան կարողութիւնից: Հետը բերած սեփականութիւնը օրէնքը այլևս չէր խլում նրանից, որ ամուսնուն տայ. նա տէր էր մնում իր օժիտին և ազատ էր կտակելու իր զաւակներին:

Յաւակցաբար գրուածքիս ծաւալը թոյլ չի ջալիս ինձ կանգ առնել կնոջ իրաւունքների զարգացման վրայ կլասիկ հռոմում, կ'ասենք միայն, որ այնտեղ կինը կամացկամաց, անդադար բողոքի ոյժով, ձեռք բերեց մեծ արտօնութիւններ, մրցում էր տղամարդու հետ և նոյնիսկ իշխում նրա վրայ այն աստիճան, որ կատօնը հրապարակով այս խօսքերն էր արտասանում: «Ամեն տեղ տղամարդը իշխում է կնոջ վրայ, իսկ մենք, որ տիրել ենք բոլոր ազգերին, կնոջ իշխանութեան տակն ենք ընկել»:

### III

## Ա.ՂԶԿԱՅ ԴՐՈՒԹԻՒՆԸ ՔՐԻՍՏՈՆԷՍԱԿԱՆ ԴԱՐԵՐՈՒՄ

Եկեղեցու մեծ հայրերի հայեցող կնոջ վրա.— Ամուսնութիւն և կուսութիւն.— Աբխազիայի կեանքի ունայնութեան գաղափարը և նրա ետեւանքները.— Հոգեւորականութեան ոյժը.— Աղջիկը միջին դարերում.— Ասպետականութիւն և կնոջ պատուի բարելաւում.— Ալիքերը և բեժօրմացիայի խաղացած դերը կնոջ հարցի մէջ.— Կանացի սեռի զիբքը նորագոյն դարերում:

Քրիստոսի վարդապետութիւնը ձգտեց բարձրացնել կնոջն իր ընկած դիրքից. կինը տղամարդու հաւասարը դառաւ գոնէ հանդերձեալ կեանքում: Յիսուս գուժ ու ներողամտութիւն ցոյց տուեց ընկած կնոջն անդամ և իր կենդանի օրինակով քարոզեց, որ կինը ևս արժանի է համակրանքի և յարգանքի:

Այս ուսմունքը պիտի բարձրացնէր տղամարդու աչքում գեղեցիկ սեռի արժէքը, սակայն ժամանակ է հարկաւոր մի թէօրիայի կեանքի մէջ մտնելու համար, և ճշմարիտ որ, քրիստոնեայ կինը դեռ երկար դարեր, մնում է ստորացման վիճակի մէջ և այդ դիրքը սրբագործվում է մեծ քարոզիչների կարծիքով:

Եկեղեցական մի ժողովի մէջ (ճ-դ դարում) եպիսկոպոսներից մէկը ապացուցանում էր, թէ կինը մարդ չէ և հարց յարուցեց, թէ ինչ կերպարանքով պիտի յարութիւն առնի նա—կնոջ թէ տղամարդու: Աւետարանը որոշ կերպով չէր ասում, թէ կինը հաւասար է տղամարդուն և մեծ հայրերից ամեն մէկը իր մեկնութիւնն էր տալիս, բայց ամենքն էլ համամիտ էին, որ կինը պիտի հնազանդ լինի մարդուն և հետեւի, այսինքն հպատակուի նրան:

Իսկապէս կնոջ բացակայութիւնը Երրորդութեան մէջ, մի զօրեղ հարուած էր նրա հաւասարութեանը: Հրեշտակների մէջ էլ կին չկար: Աղջիկը իրաւունք չունէր, օտրքան էլ նա գիտուն լինի, ոչ քարոզչութիւն անելու, ոչ մկրտութիւն կատարելու,

ոչ մտննալու տաճարին, ոչ սրբազան անօթներին ձեռք տալու և ոչ էլ խնկարկելու»:

Եկեղեցին երբէք չի կարողացել ներել կնոջը նրա նախամօր Եւայի յանցանքը: Քարոզիչները մարդկութեան թշուառութիւնը նրան էին վերագրում, և սրանցից մէկը բացականչում է. «Կին, դու դժոխքի դուռն ես, դու ես, որ առաջինը ձեռք մեկնեցիր արգելուած պտուղը բաղելու և դրանով խախտեցիր Աստուծու օրէնքը. քո պատճառով էր, որ մեռաւ Աստուածորդին: Երբ դու տեսնում ես կնոջ, իմացիր, որ քո առաջ մարդ չէ կանգնած, այլ վայրի դազան, այլ սատանան անձամբ ինքն է դա. նրա ձայնը—օձի ֆշոցն է»:

Մի պատմաբան բերում է ս. Երոնիմոսի այս խօսքերը. «Կինը սատանայի դուռն է, անառակութեան ուղին, կարիճի խայթոցը»:

Ահա թէ սրչափ սիրալիր էին եկեղեցու հայրերը դէպի գեղեցիկ սեռը:

Կինը, իր նախամօր աններելի մեղքով ծանրաբեռնուած, անդադար զղջումով ու ապաշխարանքով միայն կարող էր երկնքի արքայութիւն ժառանգել:

Սակայն քրիստոնէական եկեղեցին սըր-

բազործելով պսակը, ընդունելով նրան իբրեւ ծէս, եկեղեցական ծէս, բարձրացնում էր աղջկայ դիրքը հասարակութեան մէջ: Բայց այնուամենայնիւ եկեղեցու մեծ հայրերն սկսեցին նայել ամուսնութեան վրա, իբրեւ մի անհրաժեշտ չարիքի վրա և պսակը դարձաւ մի դիջումն մարդկային թուրութեան, իսկ իսկական քրիստոնեայի իդէալը մնաց մենակեցութիւնը, մարմնի սպանումն իբրև հոգու արատաւոր կեղեւի: Չէ որ ինքը Յիսուս անպսակ էր, չէ որ նրա Մայրը, թէև ամուսնացած, բայց կոյս մնաց և կոյս ծնեց: Շատերը բարոյքում էին, թէ ամուսնութիւնը չարիք է: «Կնոջ սէրը, ասել է ս. Թովմաս, այդ մահուան անդունդն է. ամուսնութիւնը չի օրինաւորում սէրը, այլ հաղիւ ներելի է դարձնում նրան»: Ուստի աղջկայ իդէալն էր — հեռանալ աշխարհից, նուիրել իրան Աստուծու պաշտաման և մնալ անարատ մինչև մահ:

Կոյսը Քրիստոսի հարսնացուն էր, և նրա առջև բաց էին արքայութեան դռները: Մարդիկ պիտի անարատ մնային թէկուզ վերջանար մարդկային ցեղը աշխարհիս երեսից: Առաքինութեան վրայ ունե-

ցած այս հայեացքը միանգամայն պիտի յեղաշրջէր մատաղ սերնդի կրթութեան ձեւը: Աշխարհը ունայնութիւն էր, պէտք էր հեռանալ նրանից, որովհետեւ նա չի էր հրապոյրներով, և մենակեցութեան ու անամուսնութեան գաղափարը գառնում էր զեկավարող սկզբունք. կղերականութեանը մնում էր միայն շահագործել ու աւելի բորբոքել հասարակութեան այս մոլութիւնը: Միջին դարերում մանր բռնակալների, բարձրների ու հերցոգների դղեակներին կից կամ աւելի ևս յաճախ, իբրեւ բռնակալութեան անկախ կենտրոններ, փայլում էին վանքերի ոսկեզօծ գմբէթները, այն ինչ թէ ամրոցների և թէ այս մենաստանների ստորոտում, կարծես ջնջուած նրանց ահռելի ծանրութեան տակ, գլուխը բարչ գցած ու մէջքը կորացրած խոնուած էր հլու ամբոխը, որ մատնուած էր իր ամբողջ կեանքում իր արիւն-քրտինքով յագուրդ տալու դղեակների ու վանքերի զեղխութեան ու անառակութեան կրքին:

Հպատակ ամբոխը բարձի սեփականութիւնն էր, ինչպէս ռուս շինականը մի ժամանակ պոմեչչիկինը. ինքնակալը ծծում

էր ոչ միայն իր հպատակների բոլոր տընտեսական հիւթերը, այլ և զրկում էր նրան մարդուս ամենաթանկագին սեփականութիւնից—ընտանիքի բարօրութիւնից:

Միջնադարեան հասարակութեան մէջ աղջիկը ծնողներին չէր պատկանում և նրա կուսութիւնը բարօնի սեփականութիւնն էր. այդ ծայրայեղ բռնակալութեան դարերում նորահարսի առաջին գիշերը տիրոջն էր... Փէօդալը քանդում էր ընտանիքի հիմունքը, խլում էր աղջկան ու կնոջը, ծախում էր «հոգիները», բաժանելով մարդուն կնոջից, աղջկան ծնողներից և ամեն տեղ տարածում էր անբարոյականութիւն: Անդադար կռիւների ու արշաւանքների համար ժողոված զօրքերին թոյլ էր տրվում ամեն տեսակ զեղխութիւն: Զինուորը բռնաբարում էր աղջիկներին, խլում էր կնոջը ամուսնուց, պղծում էր ու քանդում երկրի բարոյական զգացմունքները և անպատիժ մնում:

Հոգեւորականն էր միայն, որ դեռ կարող էր փրկել ընտանիքը բարոյական անկումից, բայց կաթօլիկ կղերը ինքն էր պղծում ընտանիքը, ինքն էր անբարոյականու-

թեան սաղմեր գցում ժամանակակից հասարակութեան մէջ:

Քարոզելով մենակեցութիւն և հրաժարումն երկրաւոր հաճոյքներից, նա հրապուրում էր կոյսերին դէպի մենաստանները, որոնց մէջ ազատ մուտք ունէր ինքը, և որոնք միջին դարերում կերպարանափոխուել էին անառակութեան կենտրոնների և շահագործվում էին հոգեւորականութիւնից, իբրեւ հասարակաց տներ:

Եւ այս նպատակով կղերականութիւնը իր օգտի համար միանգամայն իր ձեռքն էր առել աղջկայ կրթութիւնը և վարում էր նրան այնպէս, ինչպէս ձեռնտու էր իրան, պատրաստելով նրանցից կամազուրկ մաննըքէններ, հլու հպատակ իր կրքերի:

Այսպէս նիզակն ու խաչը իրար գըրկած, միշտ զարգանդի տակ էին պահում միջնադարեան աշխարհը և ապականել էին ընտանիքը:

Իբրեւ բողոք կնոջ այս անպատուութեան և անարգական վերաբերման դէպի Փէօդալական դարեշրջանի կինը, բարձրացաւ ասպետականութիւնը, որ բարոզեց կնոջ կուլտը, սրբագործեց սէրը և աղնուացրեց

տղամարդու վերաբերումն դէպի կինը: Կինը այս շրջանում սրբացրած էր, հասցրած չաստուածուհու փառքի, ամեն ասպետ իր տիրուհին, իր դուլցինէն ունէր, որին նուիրում էր իր կեանքը, որի մի ժպտի համար ամենավտանգալից գործեր էր կատարում, տարիներով պատերազմներ էր վարում:

Միջնագարեան հերոսի ամենաթանկագին պարգևը իր դուլցինէի մի համբոյրն էր: Ամեն կին իրաւունք ունէր ասպետից հովանաւորութիւն ու պաշտպանութիւն պահանջելու, ով էլ որ լինէր նա, առանց մինչեւ անգամ ստիպուած լինելու իր ով լինելը յայտնելու: Կրքերի այս բռի տիրապետութեան դարում, երբ գիւղացին, շինականը—ոչ-աղինիւր անգէն մոնչում էր անթիւ բռնակալների ու հոգևորականների լծի տակ, բարձր իշխող դասակարգի օրիորդն ու կինը ասպետական կեանքի փարոսն էր դառել: Կնոջ այս կուլտը մի մուլութեան մանրա էր դառել այն աստիճան, որ մարգրիկ անասն ի տանջանքներ էին կրում, հերոսութիւններ կատարում մի տիկնոջ կամ օրիորդի համար, որին չէին տեսած, կամ նոյնիսկ որոնց ստեղծել էին իրանք իրանց

երեւակայութեան մէջ: Կրկնում ենք, որ այս ասպետական վերաբերումն դէպի կանացի սեռը սահմանափակուած մնաց որոշ դասակարգի մէջ և երբէք չթափանցեց ժողովրդի խաւերը: Այնտեղ աղջիկը դեգերում էր միշտ միւսնոյն ստոր վիճակից, տղամարդու բմահածոյքին հպատակուած:

Լիւթէրը բողոք բարձրացրեց կաթողութեան ֆանատիկոսութեան դէմ, մաքրեց եկեղեցին կռապաշտանման ծէսերից, ղինուեց անառակութեան դէմ և քանդեց մենաստանները, հերքեց պասը, ամուսնացրեց հոգևորականութիւնը: Սակայն այս բեֆօրմատօրի հայեացքները չունէին մեծ յեղափոխիչներին յատուկ պարզութիւնն ու ընդարձակութիւնը, և կինը նրա աչքում մնաց նոյն ստոր արարածը, որ պիտի ամեն բանում հպատակուի իր ամուսնուն. նա պիտի հրաժարուի աշխարհային հրապոյրներից, խուսափի զուարճութիւններից և փակուի տանը: Այսպիսով նա միաբ ունէր վերականգնել հին նահապետական ընտանիքը. բայց ինքը երկրպագու լինելով տղամարդու հեղինակաւորութեանը և կնոջ հպատակման տղամարդուն, նա ոչ մի նկատելի բարելա-



ուութիւնն չմտցրեց կնոջ դրութեան մէջ: Քարոզելով, թէ «ով չի սիրում գինի, կնոջ և երգ, նա իր ամբողջ կեանքում տխմար կը մնայ», նա բարոգում էր տղամարդկանց նոր ձեւի էպիկուրէութիւնն, այն ինչ կնոջը զըրկում էր նոյնիսկ ամենաանմեղ զուարճութիւնից, ինչպէս է թատրոն, հանդէսներ այցելելը, կամ ժապաւէսներ ու զարդեր հագնելը, դաշնամուր ածելը. իսկ անբարոյականութիւնը նա ամեն յանցանքից վեր էր դասում:

«Ընտանիքի մաքրութիւնը և աղջկայ անմեղութիւնը ուզում էին պահպանել մըտքակի, բանտի և խայտառակութեան ահով», ասում է Շաշկով: Յեղափոխուած եկեղեցին ոչ միայն չազատեց աղջկան հօր բմահաճութիւնից, այլ աւելի ևս ամրացրեց հօր իշխանութիւնը, և ամուսնութեան խընդրում հայրը մնաց նոյն լիազօր տէրը: Այսպիսով ամուսնութիւնը դառաւ մի առևտուր և վաճառուած աղջիկը անհրաժեշտաբար պիտի հալածուած, արհամարհուած ու ճնշուած ամուսին դառնար:

Սակայն մտրակը, բանտն ու նշաւակութիւնը չէին կարող փրկել ընկած բար-

բերը: Եւրոպան քանի գնում, աւելի խոր էր ընկզմվում գեղխութեան և անբարոյականութեան մէջ: Անկարելի է և տեղը չէ այստեղ նկարագրել նոր դարերում տիրող անասելի անբարոյական կեանքը: Օրիորդը մրցում էր կանանց հետ անառակութեան մէջ: Մնանկացած արեստոկրատուհին ծախում էր իրան, իր պալատների շքեղութիւնը պահպանելու համար, վաճառում էին նոյնպէս իրանց անձը քաղցած բանուորի և անասելի թշուառութեան հասած գիւղացու կինն ու աղջիկը, բազցից չմեռնելու համար: Եւ տղամարդը, հօր թագաւորներից սկսած մինչեւ վերջին զինուորը, նայում էին կնոջ վրա, իբրեւ մի ծախու զուարճալիքի վրայ: Նորագոյն ժամանակներս մեքենաների ահուելի ոյժը խլեց կնոջ ձեռքից ապրուստի աղբիւրները, շարտեց աղջրկան հրապարակի սալայատակի վրայ և մատնեց նոյնպէս գաղբիլի ինքնավաճառման: Ան-ել չբաւորութեան տակ ճնշուած ծնողներն անգամ մղում են իրանց դեռահաս աղջիկներին դէպի անվայել կեանք, իսկ աւելի բարեխիղճները որոնում են մի կերպ «տեղաւորելու» իրանց աղջիկներին, ամուս-

նացնելով նրանց, սւմ հետ էլ որ պատահի, ինչպէս էլ որ պատահի, միայն թէ որքան կարելի է շուտ հեռացնեն տնից այս անպէտք ծանրոյցքը:

Եւ մենք տեսնում ենք վաղաժամ ամուսնութիւնը իր կորստաբեր հետեւանքներով\*):

Այսպէս, նոյնիսկ Քրիստոսի լուսամիտ կրօնը անկարող եղաւ բարձրացնել կնոջը իր միշտ հպատակ դիրքից: Եւ այդ հասկանալի է, քանի որ կնոջ ստորադրութեան պատճառները աւելի խոր էին և խրուած էին երկրի անտեսական սնանկութեան մէջ: Ուրեմն կրօնական յեղափոխութիւնը բաւական չէր ընտանիքը փրկելու համար, հարկաւոր էր տնտեսական յեղաշրջումն, որ մի կողմից ստիպէր անբան կապիտալիստին ու արիստոկրատին աշխատելու և այդպիսով դուրս գալու գելութեան և անառակութեան տիղմի միջից, միւս կողմից իսկական բանուորի ու գեղջուկի վազուայ հացը ապահովացնելու:

Կանացի սեռը ամեն դարերում բա-

\*) Տե՛ս իմ «Ամուսնութիւն»:

րոյապէս տանջուել է իր անփառունակ դրութիւնից, և միշտ բողոքել է տղամարդու գերիշխանութեան դէմ, և դարերի ընթացքում կամաց-կամաց կինը ձեռք է բերում խոշոր իրաւունքներ, որոնք նրանց չբարձրացնելով հանդերձ մինչեւ հաւասարութիւն, այնուամենայնիւ փոքրիշատէ ապահովացնում են նրան որոշ դիրք, իբրեւ հասարակութեան անդամի, իբրեւ իրաւաբանական անհատի:

IV

Հ Ա Յ Ա Ղ Ջ Ի Կ Ը

Հայ կնոջ դիրքը հնումը. — Աղջիկը ընտանիքի մէջ. — Ծնողների իրաւունքները. — Աղջկայ նշանդրէքը (օրորոցի խաղը» և «գտակի պսակ»): — Սիրոյ բացակայութիւնը ամուսնութեան մէջ. — Կովկասի տնտեսական դրութեան նոր ժամանակները եւ գիւղական երիտասարդութեան ապականութիւնը մեծ քաղաքների մէջ. — Երիտասարդներն արատաւորում են հայ ընտանիքը գիւղերում. — Քաղաքացուհւ կեանքը, շուտով առած» աղջիկը եւ նրա կրթութիւնը. — Ջարգացած» հայ օրիորդի օտարանումն. — Օժիտը իբրեւ անբարոյականացնող միջոց. — Նոր սերնդի վաստակումն:

Մի չափազանց հետաքրքրական ուսումնասիրութիւն կը լինէր հայ աղջկայ դիրքի պատմութիւնը: Թողնելով աւելի հեղինակաւոր պատմագէտներին այս կարեւոր հարցի մշակումն, ես այստեղ առաջ կը բերեմ այն գաղափարը, որ ես դուրս եմ բերել իմ մասնաւոր հետազօտութիւններից:

Հայաստանի մէջ կանացի սեռը այնպիսի ստորուկ չի եղած, ինչպէս միւս արեւելեան ազգերի մէջ: Մի քանի թագաւորների անունների կողքին մենք գտնում ենք և նրանց կանանց ու դուստրների անունները: Հեթանոսական և նոյնիսկ պատմական չրջանում բազմակնութիւնը և հարեմը գոյութիւն չի ունեցել Հայաստանի մէջ, որ ապացոյց է մարդավայել վերաբերմանը դէպի կինը: Ընկնելով պարսիկների լծի տակ, հայերի կեանքը ձեւակերպուելու էր տիրապետող ժողովրդի կենցաղին և հայ ընտանիքը պիտի զգար իր վրա բռնակալ-բարբարոսական բեժիմի ծանրութիւնը:

Հայ կինը բրիտանացիութիւն ընդունելով չերջանկացաւ. նա մնաց փակուած յարկի տակ, նուիրելով իրան որդեծնութեան և տնարարութեան գործին: Կնոջ փակուածութիւնը գուցէ աւելի ևս ստիպողական դարձաւ, երբ մահմեդական ազգերը նուաճեցին Հայաստանը և պղծեցին հայ ընտանիքը, երբ կորաւ աղջկայ համար պատուի ապահովութիւնը: Նա փակուեց տանը, որպէսզի խուսափի առեւանգումից ու բռնաբարութիւնից:

Մեր պատմագիրներինց մի քանիսը, ի միջի այլոց նաև Եղիշէն, սքանչանում են հայ կնոջ առաքինութիւններով, նկարագրում են նրա անձնութիւնը ազգայնութեան ու կրօնի գաղափարին, նրա բարոյական կեանքը:

Հայ կոյսերը ևս, ինչպէս և միւս մեծ ազգերի կանայք, Քրիստոսի ուսման առաջին աշակերտները, ջատագովները, իրանց արեան գնով տարածողներն են եղել: Բաւական է յիշել երջանկայիշատակ կոյս Գայիանէին, Հռիփսիմէին և ուրիշներին: Կոյսերի այս բարեպաշտ գործունէութիւնը անտարակոյս պիտի աւելի մեղմացուցիչ ազդեցութիւն գործէին ժողովրդի վրայ, քան շատ քարոզիչների, կաթողիկոսների ու ճգնաւորների ջանքերը: Միևնոյն ժամանակ կնոջ համարումն պիտի ամրանար ու աճէր:

Ճիշտ տեղեկութիւններ չունենալով աղջկայ ընտանեկան և հասարակական գրութեան մասին պատմական շրջաններում, մենք պէտք է աշխատենք լուսաբանել մեզ այդ հարցը ժողովրդագրութեան տուած ցուցմունքներով, մանաւանդ որ հայ ժողովրդի ետ ընկած խաւերում երեւի պահ-

պանուել է աւանդաբար հին ժամանակներէ հայեացքներն ու ընտանեկան կազմը:

Հօր իրաւունքը տան մէջ մեծ է, յաճախ անսահման. ամբողջ գերդաստանը հնազանդվում է սառն մեծի, սանուսէրի հրամանին, և քանի որ հին գերդաստանը գոնէ միբանի տասնեակ տարիներ առաջ բաղկացած էր լինում 30—50 անդամից, ուրեմն սառն մեծը մի ամբողջ համայնքի գլուխ էր. նա էր գերդաստանի բոլոր գոյքի անկօնտրօլ տէրը, նա էր տան գանձապահը, և անդամների բոլոր աշխատանքը պիտի նրա ձեռքն անցնէին: Տանուտէրն էր նոյնպէս և տղաներին ու աղջիկներին ամուսնացնողը առանց ամուսնացողների կամքի և յաճախ հակառակ նրանց հաճութեան: Հին հայ հասարակութեան մէջ մանաւանդ աղջիկը մի անձայն և անկամ էակ էր: «Նա տան սպասուհին է, նա միայն տան հասակաւոր կանանց հրամանները պիտի կատարի. «նյս բեր, նյն տար», իսկ միջամտել մի որևէ գործի մէջ, առանց հարցնելու, իրաւունք չունի նա», ասում Բաֆֆին: Արդէն երեխայ հասակում, նոյնիսկ ծիծ տալու մէջ մայրը խտրութիւն է անում տղայի

ու աղջկայ մէջ: Աղջիկը անխնամ է թող-  
նուած, ենթարկուած ամեն տեսակ զըր-  
կանքների, ջոկողութեան, ծեծի ու անէծ-  
քի, որոնց մէջ պարզ արտայայտվում է ար-  
համարհանք դէպի նրա սեռը, որոնցից աղ-  
ջիկը հասկանում է, որ ինքը մի ծանրու-  
թիւն է տան համար, որ իրան կերակրե-  
լով, ծնողները մեծ զիջումն ու բարերարու-  
թիւն են անում և այս համոզմունքը, ինչ-  
պէս նկատում է նոյն հեղինակը, նրան չի  
վիրաւորում, նա ընտելացած է և նրա կար-  
ծիքով այլապէս չի էլ կարող լինել:

Ամուսնութիւնն առհասարակ շատ վաղ  
է կատարվում. 12—13 տարեկան երեխան  
յաճախ կին է դառնում, և կին է դառ-  
նում մի հասակաւորի: Ռուսահպատակ հայե-  
րի մէջ այս անիրաւութիւնը կարծես վե-  
րանալու վրա է, բայց պարսկական ու  
տաճկական երկրներում դա առօրեայ ե-  
րևոյթ է:

Եւ տան մէջ ամենքը, նոյնիսկ հասա-  
կով փոքր տղան իրան իրաւունք է համա-  
րում աղջկան վիրաւորելու, ծեծելու, մա-  
զերից բաշելու, լաւ բաժինը նրա ձեռքից

խլելու, և նա պիտի անձայն տանի այդ  
անպատուութիւնները:

Այսպէս, ճնշուած բարոյապէս, անընդ-  
հատ ֆիզիկական աշխատանքի մէջ աննը-  
պաստ հակառողջական դրութեան մէջ գըտ-  
նուելով, հայ աղջիկը չի կարողանում զար-  
գանալ ֆիզիկապէս ու մտաւորապէս:

Նրա ձեռները կոշտանում են, մէջքը  
կռանում, փորը դուրս ընկնում, մի ուսը  
միւսից ցած (կուժ ու ծանրութիւններ  
կրելուց), իսկ թոնրատան այրող ծխից կո-  
պերը հաստացած-կարմրած, երեսի գոյնը  
փչացած. հայ գեղջիկուհին կորցրել է կա-  
նացի նրբակազմութիւնը, քնքշութիւնը, և  
դեռ մատաղ հասակում կորցրել է նաեւ  
մանկահաս հասակի թարմութիւնը: Միեւ-  
նոյն ժամանակ ֆիզիկական անկանոն ու  
անչափաւոր աշխատանքը նրա շարժումնե-  
րին առնացի կոպտութիւն է տալիս: Սրան  
աւելացրէք և անշնորք հագուստը, որ տեղ-  
տեղ ուղղակի աղաւաղում է կազմուածքը,  
և դէմքի գծագրութիւնների այն բաշուող,  
ամաչկոտ արտայայտութիւնը, որ երբեմն  
անինտելիգէնտի կնիք է դրոշմում հայ

աղջկայ դէմքի վրա և դուք կըստանաք մի անգրաւիչ էակ:

Սակայն մեզ յաջողուել է տեսնել մի-  
ենոյն աղջկան և՛ ընկերուհիների հետ զուար-  
ճանալիս, երբ նրա դէմքի ստիպողական  
կնճիռները ուղղուած էին, և՛ անծանօթ տը-  
ղամարդկանց շրջանում, երբ նա ստիպուած  
էր ամօթխածութեան և պարկեշտութեան  
դիմակ հագնել: Ի՞նչ մեծ տարբերութիւն.  
մռայլ, անշարժ և իր անշարժութեան մէջ  
անմիտ դէմքը յանկարծ պարզվում է ազա-  
տութեան մէջ, այտերն սկսում են կարմը-  
րել, աչքերը կենդանանում են, ժպիտը բաց  
է անում գեղեցիկ ատամների շարքերը և  
այն մեռած դէմքի վրայ փայլում է  
կեանքը, պատանեկութեան թարմացնող  
հրապոյրը:

Հայ աղջիկը, նոյնիսկ գեղջկուհին չա-  
փազանց ուսումնասէր է: Մեծ երջանկու-  
թիւն է նրա համար գրել-կարդալ սովորե-  
լը: Յաւակցաբար նրա այդ ծարաւը յա-  
գեցներու համար բաւականաչափ դպրոցներ  
չկան: Քաղաքներում, նախ քան մեր դըպ-  
րոցների փակուելը, մի մեծ և ուրախալի  
շարժում էր նկատվում դէպի աղջիկներին

ուսում տալը: Մի քանի տարուայ ընթաց-  
քում մեր դպրոցները արդէն գրագէտ և  
ուսումնաճարաւ օրիորդների մի նոր սե-  
րունդ էր պատրաստել: Եւ եթէ այժմ հայ  
ընտանիքում լսվում է, աւա՛ղ, երբեմն միայն  
հայ գրականական լեզուն, դրանով մենք  
պարտական ենք այդ սերունդին, որի մէջ  
դեռ ուսումնարանական շրջանից պահանջ  
է դարձել մայրենի լեզուով խօսել և այդ  
լեզուով կրթել երեխաներին...

Աղջկայ բազմը անօրինում են ծնող-  
ները և մասնաւորապէս հայրը, և բողբելը  
ամենամեծ աներեսութիւն է համարվում:  
Դեռ ամենամատաղ հասակում նրա ապագան  
որոշվում է. նա նշանադրվում է, շատ տե-  
ղերում 9—10, նոյնիսկ 5—6 տարեկան  
հասակում աղջիկն արդէն նշանած ունի.  
որ նրա հետ «իր միտքը կիսում է»: Յայտնի  
է նոյնպէս օրօրօցային նշանդրէքները: Այս  
հին սովորութիւնը միքանի տեղերում «oro-  
rոց խազել» է կոչվում, որովհետեւ նշանե-  
լիս օրօրօցների վրա խազ են անում \*) և

\*) Զգիտեմ պահպանուել է դեռ մեր մէջ այս  
տարօրինակ սովորութիւնը թէ ոչ. բայց պարսիկների և

մեծ անազնուութիւն է համարվում այսպիսի նշանդրէքը քանդելը. քանդողը բամբասանքի և մեղադրանքի է ենթարկվում:

Հայերի մէջ «աղջկան մարդու են տալիս» և ոչ թէ աղջիկը «մարդու է գնում»: Այդ ապացոյց է, որ նրա ամուսնանալը իրանից չի կախուած:

Հայ գեղջկուհու կեանքի պայմաններն էլ թոյլ չեն տալիս նրան իր կամքով ընտրու-  
թիւն անելու և որևէ կերպով իր կամքը յայտնելու: Փակուած լինելով հօր տանը, իսկ դուրս գալիս, եկեղեցի գնալիս միշտ հսկողութեան տակ գտնուելով, հասած հայ գիւղացի աղջիկը իսկի առիթ էլ չի ունե-  
նում տղային տեսնելու և որևէ գաղա-  
փար կազմելու նրա «արժանաւորութիւննե-  
րի» մասին: Համակրանքն ու սէրը անծա-  
նօթ են մնում նրան, և իրապէս նրա հա-  
մար միւսնոյն է, թէ ո՛վ է լինելու իր ամուսինը, մանաւանդ որ «հայրը նրա վատը չի կամենայ»:

Թուրքերի բռնակալութեան տակ, աղջիկներին առևան-  
գումից և հարեմ տանելուց ազատելու համար պսակում  
էին տղայի գտակի հետ, եթէ տղան բացակայ էր:  
Բաֆֆի

Աղջիկներն ու երիտասարդները առ-  
հասարակ իրար տեսնում են.

1. Եկեղեցիներում, ուր հաւաքվում են  
գիւղի բոլոր աղջիկներն ու տղաները, տա-  
րուայ մէջ մի երկու անգամ, Ծաղկազար-  
դին ու Զատիկին, և իրար հաւանում: Այս  
տօներին գեղջկուհին իր ամենալաւ շորերն  
է հագնում և մայրը ինչ զարդեր որ ունի,  
կախում է իր աղջկայ վրա:

2. Ուխտատեղերում, գիւղից ու քա-  
ղաքից դուրս:

Ճանապարհի վրա շարվում են տղա-  
ներն ու զննում անցնող աղջիկներին:

3. Հարսանիքներում: 4. Աղբիւրների  
մօտ, քաղհանքում, այգիներում թութ թափ  
տալիս և այլն: Այսպիսի ծէսերի ժամանակ  
աղջիկը երբեմն առաջին անգամն է աչքի  
նորով նայում իր ուզողին: Առհասարակ  
նրա հետ գնում է տղայի ազգական աղ-  
ջիկը, որ և ցոյց է տալիս տղային, երբեմն  
էլ խօսք ու նամակ է տանում-բերում:  
Պատահում է որ այցելութիւններ էլ են  
սարքում: Երբեմն էլ աղջկան խափելով իր  
ընկերուհին տանում է մի տեղ և այնտեղ,  
իբր թէ պատահմամբ, հանդիպում են հա-

լանող երիտասարդին: Այսպիսի հանդիպումները յետոյ տղան ու աղջիկը արդէն իրար խօսք տուած են համարվում: Այսպիսի պայմաններում, ի հարկէ, իսկական սիրահարութեան մասին խօսք չէ կարող լինել \*):

Աղջկայ այս ճնշուած դրութիւնը մի կողմից, մեղք անելու ահը միւս կողմից, պահպանել են դարերի ընթացքում հայ ընտանիքի մաքրութիւնը, որ ասելիք է դարձել: Սակայն վերջին կէս դարում հայի կեանքը կորցրեց իր սահմանափակումն ու միակերպութիւնը: Քաղաքակրթութեան հոսանքը, կեանքի մրցման դժուարանալը շուտուեցին հայի վիճակի անիւը և հանեցին նրան նահապետական անշարժութիւնից ու գցեցին կեանքի կռուի բովը:

Կովկասի տնտեսական դրութիւնը մեծ ցնցումն ստացաւ: Երկաթուղին խրուեց երկրի խորքերն ու շղթայեց քաղաքները և հեշտացրեց նրանց մէջ յարաբերութիւնները: Միւս կողմից նաւթային գործի վիթխա-

\*) «Ազգագրական Հանդէս»:

րի աճումն, հեշտ հարստանալու անդիմադրելի հրապոյրը մագնիսի պէս քաշեց դէպի ինքը երիտասարդ ոյժերը, և կազմուեց մի նոր դասակարգ, որ գոյութիւն չունէր առաջ—բանուորական դասակարգ: Միեւնոյն ժամանակ ազգաբնակչութեան աճումից առաջացած հողի պակասութիւնը և դրանից ծագած անտանելի չքաւորութիւնը դուրս մղեց հայ գեղջուկի նահապետական օջախից լաւագոյն մատաղ ոյժերը, որոնք հեղեղի նման լցուեցին քաղաքները աշխատանք որոնելու:

Այսպիսով սկսուեց մի մեծ հոսանք գիւղերից, մանր կենտրոններից դէպի քաղաքները, որտեղ հայ երիտասարդութիւնը ընդունեց տիրապետող բարքերը, շատ բան տեսաւ և զգաց, որտեղ փոխուեց նրա աշխարհայեացքը, նրբացաւ ու զարգացաւ նրա ճաշակը: Ընդունելով քաղաքից մի կտոր քաղաքակրթութիւն, հայ երիտասարդն ընդունում է նաև այնտեղի անառակութեան ամբողջ օրէնսգիրքը և վերադառնալով իր տուն, նա վարակում է իր օրինակով հայ ընտանիքը, և վարակում է ֆիզիկապէս ու բարոյապէս:



Եւ մեր աչքի առջև քանդւում է հայ օջախի ամբողջութիւնը, — ցրւում են բազմանդամ ընտանիքները, կորչում է համերաշխութիւնը անդամների մէջ ու ընկնում տան մեծի հեղինակութիւնը, և, որ աւելի ևս ցաւալին է, խախտւում է ընտանիքի մաքրութիւնը... Մեր գաւառների կեանքը հետազօտողներին հարուածում է հայ կնոջ և օրիորդի բարոյական սկզբունքների խախտուելը, որ նկատւում է արդէն շատ տեղերում:

Քաղաքացի աղջկայ կեանքը բոլորովին տարբերվում է վերը նկարագրածից: Այստեղ հայ օրիորդը շատ աւելի ազատ է և համարեա անկախ: Վաճառականի, ազնուականի և համալսարանականի երեխաները միևնոյն դպրոցում կրթուելով, չեն տարբերվում միմեանցից ուսումով ու զարգացմամբ, և աշխատում են նմանուել նոյնպէս և արտաքինով: Այստեղից ծագում են և այն պահանջները, որոնք անդադար անում են աղքատ օրիորդները իրանց ծնողներից, և որոնք անդադար տարածայնութիւնների և կռիւների առիթ են տալիս:

Գիմնազիան աւարտած օրիորդը իրան այնչափ բարձր է զգում իր ծնողներից, որ արհամարհական կերպով է վերաբերվում դէպի նրանց և ձգտում է բոլորովին անկախ լինել նրանցից, արհամարհելով օջախի նուիրական աւանդութիւնները: Պէտք է ասած, որ յաճախ ծնողները ընկճվում են իրանց «ուսում առած» աղջկայ պահանջների առաջ և, չկարողանալով զսպել նրան, բարձի թողի են անում...

«Ուսեալ» օրիորդի աններելի արտաներից մէկն էլ նրա արհամարհանքն է դէպի մայրենի լեզուն \*): Այս ախտով վարակուած են մինչեւ անգամ քաղաքային ստորակարգ դպրոցներում սովորողները, կամ հէնց ուսսերէն այբ ու բեն իմացողները, որքան էլ կոշտ ու կոպիտ, որքան էլ նոյնիսկ ծիծաղելի լինէր նրանց ուսսերէնը: Շատ ծիծաղելի է այն Փակաբ, որ այդպիսի օրիորդները ստիպում են իրանց անդրագէտ մօրն ու պառաւ մամին էլ նոյն լեզուով խօսել իրանց հետ: Անկարելի է լինում սառնասիրտ կեր-

\*) Այս արհամարհումն մայրենի լեզուի և ազգային կեանքի այն աստիճանի է հասնում, որ կրթուած հայ օրիորդը յօժարութեամբ օտար տղայի է մարդու գնում:

պով լսել այդ սղորմելի պառաւնների ուռսերէն կոտրատելը: Ինչպէս, օրինակ. «Скожу тебѣ довай, է, довай, թէ չէ ти знаишь, հա»!...

Ուսեալ օրիորդների զարգացումն այն աստիճանի է հասնում, որ նրանք ամաչում են իրանց գլուխ կապած մօրից և նոյնիսկ իրանց բաղահնչիւն կարծուած անունից: Եւ Հականոյշը Ольга է դառնում ու Սիրանոյշը—Любовь!...

Հասկանալի է, որ երբ ամուսնանան ու տուն ու տեղ դառնան այդ աղջիկները, իրանց տնից դուրս կը վռնդեն այն ամենը, ինչ որ մայրենի է, ազգային է և կը կրթեն իրանց զաւակներին նոյն օտար ուղղութեամբ...

Մեծ բազաքների բնակչուհու մտաւոր և բարոյական կեանքը ենթարկուել է նոյն էվօլիւցիային, ինչ որ միւս ազգերի կանանցը: Թիֆլիզում և Բագուում դժուար է տարբերել հայ օրիորդին ուսուսչուց և հազիւ թէ Թիֆլիզի «արեստոկրատ» օրիորդը ուսումով և սալօնական կրթութեամբ շատ ցած լինի Պետերբուրգի, հէնց նոյնիսկ Պարիզի օրիորդից: Սակայն կայ ներքին տար-

բերութիւն, այն է. հայուհին մեծ մասամբ դուրս եկած վաճառականական անբազաքակիրթ շրջանից, տանը հիմնաւոր կրթութիւն չի ստացել, զուրկ է հաստատուն սկզբունքներից, զուրկ է նոյնպէս չափաճանաչութիւնից, և նրա բարոյական աշխարհը չափազանց անմշակ է մնում: Գուցէ այս է պատճառը, որ հայ օրիորդի մէջ, ցաւակցաբար, մենք չըացած ենք տեսնում ազգայնութեան դազափարը և թուլացած բարոյական հիմունքները...

Հայ օրիորդի բազաքակրթութիւնը, քիչ բառացութիւններով, սոսկ արտաքին է...

Մենք մի ուրիշ տեղ խօսել ենք օժիտի անբարոյականացնող և ստորացնող ազգեցութեան մասին աղջկայ վրա \*), այս դըրբում ևս առիթ կ'ունենանք այդ խնդրի վրա կանգ առնելու, առայժմ յիշենք միայն, որ օժիտը մեծ դեր է խաղում մեր ընտանիքի կազմի մէջ:

Այն, օժիտը առաջնակարգ դեր է խաղում ամուսնութեան խնդրի մէջ. այս պատճառով էլ ի հարկէ սէրը վանուած է: Աղ-

\*) Տե՛ս իմ «Ամուսնութիւն»:

Չկայ սիրահարութիւնը մի անտակտ և ան-  
 գործնական բան է համարվում և ծնողները  
 ամեն կերպ արգելք են լինում, որ այդ սի-  
 րահարութիւնը բնական վախճանի հասնի,  
 եթէ տղան լաւ «պարտիա» չի կազմում: Իսկ  
 եթէ մի սիրահարութիւն բնական վախճան  
 չի ստանում, հասկանալի է, թէ ինչ ուղ-  
 ղութիւն պիտի տայ նա աղջկայ մտքերին  
 ու բարքին:

Ամուսնութիւնները մեր մէջ այսպիսով  
 լինում են միմիայն որոշ դիտումներով, և  
 մոռացվում է ամուսնացողների ֆիզիկական  
 յատկութիւնները, նրա առողջութիւնը, ժա-  
 ոանգականութիւնը և այլն, այս պատճա-  
 ռով շատ յաճախ ենք տեսնում «բարձր»  
 կոչուած դասակարգի մէջ ֆիզիկապէս և  
 բարոյապէս վատասերուած սերունդ \*):

\*) Տե՛ս նոյն գիրքը:

V

Ա.ԿՆԱՐԿ ՀՆԵՐԻ ԿՐԹՈՒԹԵԱՆ ԵՒ ԴԱՍ-  
 ՏԻԱՐԱԿՈՒԹԵԱՆ ԴՐՈՒԹԵԱՆ ՎՐԱ

Կրթութեան նպատակը.— Ֆիզիկական կրթութիւն և  
 դաստիարակութիւն.— Նորածին երեխայի մտաւոր ու  
 Ֆիզիկական անզօրութիւնը.— Հաւի ձուսը և նոր-  
 ծին երեխան Ֆիզիկական և բանիմացական տեսա-  
 կէտից.— Կրթութիւնը վայրենի ցեղերի մէջ.— Կր-  
 քութիւնը հին քաղաքակիրք ազգերի մէջ.— Ֆիզիկա-  
 կան կրթական սիսթեմը կլասիկ երկրներում.— Յու-  
 նաց փիլիսոփաների հայեացքը կրթութեան վրա.  
 — Ամփոփումն դասական կրթութեան սիսթեմի:

«Մեծ գործեր կատարելու համար, ա-  
 սում է մի փիլիսոփայ, մարդ պէտք է այն  
 պէս ազրի, իբր թէ երբէք մեռնելու չէ»:  
 Այն մեծ էգօիստը, որ արտասանում էր—  
 «ինձնից յետոյ թէկուզ ջրհեղեղ» (après moi  
 le déluge), մի անսիրտ և անմիտ խօսք էր

ասում, որովհետև մարդս բնազդաբար ճշգրտում է, այսպէս ասած, շարունակուելու իր որդոց մէջ:

Աշխարհը ոչ սկսուել է մեզանով, ոչ էլ կը վերջանայ մեզ հետ:

Մենք շարունակութիւն ենք մեր նախնիքների և ապագայ սերունդները մեր շարունակութիւնը պիտի լինեն:

Եւ այդ նպատակով ամեն ծնող ճշգրտում է զարգացնել իր զաւակների մէջ այն բոլոր յատկութիւնները, որոնք սրանց իսկական մարդ պիտի դարձնեն: «Իսկ այդ նշանակում է տալ հասարակութեանը պիտանի անդամներ, այդ նշանակում է պատրաստել մի աւելի լաւ հասարակութիւն, մի աւելի լաւ ազգ, մի աւելի լաւ մարդկութիւն», ասում է Մարիօն:

Կրթութիւնը լինում է ճիգիկական և մտաւոր, որ կոչվում է նոյնպէս մի խօսքով դաստիարակութիւն:

Մարդկութեան պատմութեան սկզբներում մտաւոր կրթութիւնը բացակայ էր: — Երեխան ինքնիրան էր կրթվում, նմանութիւն իր մեծերին. գոյութիւն ունէր միայն

Ֆիզիկական կրթութիւնը, այն էլ ամենատարրական ձևով, այն է. իբրև խնամք գէպի զաւակը:

Ո՛չ մի կենդանի էակ այնչափ կարօտ չէ խնամքի, այսինքն կանոնաւոր կրթութեան և դաստիարակութեան, որքան մարդկային էակը:

Մինչդեռ կենդանիների ձագիկները ծնվում են արդէն համարեա պատրաստ ինքնուրոյն կեանքի համար, երեխան աշխարհ է գալիս բոլորովին անզէն, իբրև մի շնչաւոր կոյտ, որին պիտի խնամքով պահել մինչեւ որոշ հասակ, որ նա զո՛հ չգնայ շրջապատող բիւրաւոր փաստակար ազդեցութիւններին և քաղցին:

Աշխարհ եկած երեխան, ասում է Սիկորսկին, համարեա զուրկ է մտածելու և հասկանալու որևէ ընդունակութիւնից, զուրկ է նմանապէս և ամեն տեսակ զգացմունքից. — ոչ սիրել զիտէ, ոչ զուարճանալ, ոչ վախենալ, ոչ համբերել ու սպասել: Այդ դեռ ոչինչ — նա ոչ լսողութիւն ունի, ոչ տեսողութիւն և ոչ մի հասկացողութիւն ձայների, առարկաների ձևի, գոյնի, ոչ էլ

տարածութեան ու ժամանակի մասին: Այս պատճառով նորածին երեխան բոլորովին անզէն է և, առանց մեծերի խնամքի, նա անխուսափելի կերպով կը մեռնի, քանի որ անկարող է մինչեւ անդամ տեղից շարժուելու: Երեխայի հետ համեմատելով, նորածին կենդանին զինուած է աւելի մեծ մը-տաւոր և ինքնապաշտպանութեան ընդունակութիւններով: Ձուից նոր դուրս եկած հաւի ճուտը միջանի. ժամից յետոյ կարող է արդէն շարժուել, վազել, հաստատ կանգնում է օտերի վրա և կանգնած զարմանալի մաթեմատիկական ճշտութեամբ կտցահարում է փթռուկը... Նրա վազելը, նրա ուտելու եղանակը, բոլոր շարժումները ցոյց են տալիս, թէ ինչ ճշտութեամբ օրոշվում են նրա փոքրիկ ուղեղի մէջ առարկաների մեծութիւնը, նրանց միջի տարածութիւնը և թէ ինչ մեծ հմտութիւնով կձկեցնում է նա իր փոքրիկ մկանները: Ճուտիկը ճանաչում է իր մօրը, լսում է և կարծես հասկանում է նրա ձայնը: Նա ընդունակ է վախենալու և վախչելու, եթէ մօր ձայնի մէջ վտանգալից հընչիւններ է լսում: Երկու-երեք օրուայ ճու-

տը արդէն ծնողներին հաւասար խելք և իմացականութիւն է ցոյց տալիս!

Ո՛րչափ անկատար է երեւում մեզ երեխան, երբ համեմատում ենք նրան այն փոքրիկ ձագիկի հետ: Երեխան չի ճանաչում իր մօրը, չի լսում նրա ձայնը, ո՛չ ահ ունի, ո՛չ երկիւղ: Այս տարբերութեան պատճառը բացատրում է մեզ գիտութիւնը, որ ուսուցանում է, թէ նորածին երեխայի ուղեղն այնքան կատարեալ չէ, որքան կենդանիներինը:

Առհասարակ քանի բարդ է կենդանու անատոմիական կազմը, այնչափ անզէն է ծնվում նրա սերունդը: Մարդը, իբրեւ ամենաբարդ կենդանական էակ, արտադրում է ողորմելի, նուազ և թոյլ սերունդ, որ մօր արգանդից դուրս գալիս, մի հաւի ճուտից հազար անգամ անկատար է և թոյլ:

Եւ վայրենի մարդն անգամ, երբ նա կամենում էր պահպանել զաւակի կեանքը, պիտի պահպանէր նրան կորստից, ինչպէս մի նորաբողբոջ տունկ, տալով նրան ուտելիք և հագուստ:

Այս է իսկապէս տարրական կրթու-

թիւնը: Այնուհետեւ, քանի աւելանում է մանկան հասակը, այնքան էլ բազմակողմանի ու բարդ է դառնում կրթութիւնը, և ծընողները, խնամքի հետ միասին, աշխատում են սովորեցնել իրանց զաւակներին լողալ, ծառ բարձրանալ, որսալ, ընտելացնում են նրան ցրտի, բաղցի ու զանազան զրկանքների:

Աֆրիկայի կաֆրների մէջ թէ տղաները և թէ աղջիկները որոշ սխտեմի կրթութիւն են ստանում, որ մօտեցնում է նրանց Սպարտայում երբեմն թագաւորող մեթոդին: Որոշ հասակում տղաներն ու աղջիկները հաւաքվում են հմուտ դաստիարակչի կամ դաստիարակչուհու շուրջը և սովորում ինչ որ անհրաժեշտ է կեանքի համար: Աղջիկների մէջ հաստատամտութիւն, կամք, տոկունութիւն զարգացնելու համար, նրանց ենթարկում են զանազան զրկանքների ու տանջանքների, որոնց միջոցին նրանք չպէտք է ցաւ արտայայտեն\*):

Կաֆր կանանց նման, կարմրամորթների կանայք էլ աշխատում են տոկուն ու

\*) Լըտուրնօ. Կրթութեան էվոլյուցիան:

զիմացկուն երեխաներ արտագրել: Մինչեւ 3—4 տարեկան հասակը աղջիկը մօր կաթով է կերակրվում և օրուայ մեծ մասը մօր մէջքի վրա է անցկացնում, իսկ այս աարիքից սկսած, նա արդէն իր մօր օգնականն է: Սակայն աշխատանքը յարմարացրած է երեխայի հասակին և ոյժերին: Այսպէս, մինչեւ 8 տարեկան հասակը աղջիկները ծանր իրեր չեն վերցնում: Ութ տարեկանից սկսած միայն աղջկան սովորեցնում են մէջքին ցախ կրել, իսկ միքիչ յետոյ նոյնպէս և փայտ կոտորել ու եգիպտացորեն մշակել: Զարմանալի չէ ուրեմն, որ այստեղ պատիժը գոյութիւն չունի. որովհետեւ նա հակասում է տիրապետող կրթութեան սկզբունքին, այն է, ինքնուրոյնութիւն մշակել մանկան մէջ:

Բոլոր հին քաղակրթուած ազգերի մէջ (Հնդկաստան, Չինաստան, Եգիպտոս, Հրէաստան, Պարսկաստան) աղջկայ կրթութիւնը փոքր հասակում ոչնչով չէր զանազանվում տղայի կրթութիւնից. տարբերութիւնը կայանում էր նրանում, որ աղջիկներին սովորեցնում էին տնայնագործութիւն:

Յունաց հանրապետութիւնների մէջ կրթութեան նպատակն էր պատրաստել առողջ սերունդ. այս պատճառով էլ ֆիզիկական մարզութիւնները ստիպողական էին ոչ միայն տղաների, այլև աղջիկների համար:

Եւ այս միջոցով զարգացնում էին աղջկայ մէջ ոյժ, գրացիա, աշխոյժ և, որ դըլխաւորն է, վճռականութիւն և ինքնուրոյնութիւն:

Անտարակոյս, դասական կրթական կեանքում ամենախոշոր ու նշանաւոր տեղը բռնում էին մարզութիւնները: Յոյն երեխան միշտ մեծ քանակութեամբ խաղալիքներ ունէր և մեր ժամանակուայ բոլոր մանկական խաղերը յայտնի էին նրան: Մեծերը իրանց օրինակով քաջալերում էին փոքրերին մարզուելու և խաղալու մէջ: Աղջիկները մրցում էին տղաների հետ հասարակական մարզական հրապարակների վրա, որովհետև նրանցից ևս պահանջվում էր «մարմնի գեղեցկութիւն»:

Հին փիլիսոփաներն ու մանկավարժները զարմանալի հմտութիւնով են խօսում մանկավարժական խնդիրների մասին: Նրանց

լուրջ հայեացքները մարմնական կրթութեան վրա ապշեցնում են մեզ:

Չկամենալով աւելի երկար կանգ առնել կրթութեան ձևերի վրա կլասիկ հնութեան դարերում, իբրև եզրափակումն, առաջ բերենք Կապտերեվի արած ամփոփումն.

1) Հների մանկավարժութիւնը, որ սերտ կապուած էր հասարակագիտութեան և բարոյագիտութեան հետ, չէր հիմնուած հոգեբանութեան վրա:

2) Հների մանկավարժական հայեացքների մէջ պարզ կերպով արտափայլում էին միջանի չափազանց կարեւոր կէտեր, այն է. ա. ժառանգական յատկութիւնների ներգործութիւնը երեխաների զարգացման վրա, բ. երեխային մօր կաթով կերակրելու անհրաժեշտութիւնը, գ. մանկական խաղերի և բազմատեսակ մարզումների ու շարժումների կարեւորութիւնը, դ. լաւ դայեակի, ծծմօր և դաստիարակի ու վարժապետի անհրաժեշտութիւնը, ե. պատիժների վրասը և դովասանքի ու պարսաւի ազդեցութիւնը մանկան վրա, զ. կրթութեան շատ վաղ սկսելու կարեւորութիւնը

և նրա կանոնաւոր ընթացքը և է. կրթու-  
թիւնը մանկան առանձնայատկութիւն-  
ներին յարմարացնելու անհրաժեշտու-  
թիւնը:

## VI

### ԱՂՋԿԱՅ ԿՐԹՈՒԹԻՒՆՆ ՈՒ ԴԱՍՏԻԱՐԱ- ԿՈՒԹԻՒՆԸ ՆՈՐ ԴԱՐԵՐՈՒՄ

Աղջկայ կրթութիւնն ու դաստիարակութիւնը միջին դարերում.—Քրիստոնէական ուսման ազդեցութիւնը.—Ֆիզիկական կրթութիւնը մտացում է.—Մօտեւէնի և Ճենըլօնի հայեացքները աղջկայ կրթութեան վրա.—Տիկին Մէնսընօն.—Ժան Ժակ-Մուսօի մտքերը.—Նոնորսէի յեղափոխիչ հայեացքները աղջկայ մտւոր զարգացման վրա.—XIX դարու գիտութեան ազդեցութիւնը մանկավարժական սխաբեմների վրա.—Անգլիական սիսթեմը և նրա ազդեցութիւնը Նւ-րագայի վրա:

«Երբ հետեւում ենք աղջկայ դաստիա-  
րակութեան ու կրթութեան զարգացմանը,  
տեսնում ենք, որ նա զուգընդաբար է ըն-  
թանում կնոջ հասարակական դիրքի զար-  
գացման հետ», ասում է մի յայտնի մանկա-  
վարժ:



Քանի կինը գտնվում էր ստոր, ստըրկացած դրութեան մէջ, քանի նա տղամարդու առաջ աղախնի դեր էր խաղում, աղջկայ կրթութիւնն էլ արհամարհուած էր:

Բայց փոխվում են հայեացքները քաղաքակրթութեան և կրօնական ուսմունքների ազդեցութեան ներքոյ, և աղջկայ կրթութիւնը սկսում է գրաւել հասարակութեան ուշադրութիւնը: Այսպէս, կլասիկ երկրներում, որտեղ կինը որոշ իրաւաբանական անհատ էր, աղջիկները յարգի էին և նրանց ֆիզիկական կրթութեան վրա գոնէ ուշադրութիւն էր դարձնվում:

Յաւակցաբար քրիստոնէական ուսմունքը, որ բարոզում էր մարմնի նուաճումն ու ճնշումն, ի փառս հոգու, միանգամայն ետ մղեց աղջկայ ֆիզիկական զարգացման խընդիրը և առաջ քաշեց հոգեւոր դաստիարակութիւնը:

Այս մի մեծ հարուած էր աղջկայ ֆիզիկական զարգացմանը, որ, ինչպէս կը տեսնենք, միակ գրաւականն է կամքի կազմութեան:

Միջին դարերի երկար շրջանը ծանրացաւ աղջկայ ֆիզիկական ու մտաւոր

զարգացման վրա: Մուացուեց դասական երկրների սքանչելի կրթական սիստեմը, աղջիկները կամ փակուեցին տանը կամ մենաստանների փակ դպրոցներում, որտեղ տարիների ընթացքում, ծնողներից, ազգականներից անջատուած, կղզիացած աշխարհային զարգացնող կեանքից, զրկուած մանկական շրջանից, անհրաժեշտ ազատութիւնից, մանկական խաղերից, նրանք ամենաքնքոյզ պատանեկութեան տարիներն անց էին կացնում վանքերի մռայլ մամռապատ պատերի մէջ, զրկուած ազատ շարժուելու հաճոյքից, ազատ քրքրի թարմացնող հրապոյրից, սեւածածկ կոյսերի և հոգեւորականների սգաւոր հովանու տակ: Երեխայի և պատանուհու ամեն մի ժամը նախօրօք որոշուած էր. ոչ մի աւելորդ խօսք ու շարժում թոյլ չէր տրվում խեղճ աղջիկներին: Խօսիւ արգելուած էր կամքի, ինքնուրոյնութեան ամենաթոյլ արտայայտութիւն անգամ: Բանական էակը վերածուած էր մանրէին, որ շարժվում էր, խորհում, խօսում ուրիշի թելադրութեամբ, այնպէս, ինչպէս պահանջում էին բարսրտացած, կամ իրանց բռնի կուսութիւնից զայրացած ու մենա-

կեցութիւնից տաղտկացած կոյսերը: Միայն Ս.-Քրքի ընթերցանութիւնն էր թոյլ տրվում՝ այդ խեղճերին, ամեն դեղարուեստ վանուած էր վանական դպրոցներից: «Պատանուհին երբէք չպէտք է լսի երաժշտութեան ձայնը, նա չպիտի գիտենայ, թէ ինչի համար են ջութակն ու արֆան». այս էր միջնադարեան հայեացքը:

Տասնութեցերորդ և տասնութերորդ դարերում աղջկայ դաստիարակութիւնը դեռ դուրս չէր եկել այդ ընկճուած դրութիւնից, և Մօնտէնը, որ ապրում էր 16-րդ դարի վերջին կիսում, այն կարծիքին էր, թէ կինը կարիք չունի զարգանալու, «որպէսզի չաղաւաղուեն նրա բնածին հրապոյրներն ու գրաւչութիւնը». նա թոյլ էր տալիս նրանց միայն զբաղուել բանաստեղծութիւնով, որ «նրանց կարիքներին մօտ մի զուարճալիք է»: Փենըլօնը, 17-դ դարու այս յեղափոխիչ մանկավարժը, սրտի ցաւով ընդդէմ է աղջկայ դաստիարակութեան այս յետամնացութիւնը: Ահա նրա խօսքերը.

«Ասում են, թէ հարկ չկայ, որ աղջիկները գիտուն լինեն, որովհետեւ հետաքրքրութիւնը նրանց դարձնում է սնու-

տի և ունայնապաշտ. բաւական է որ նրանք տուն կառավարել սովորեն և ուսանեն հնազանդ լինել իրանց ամուսնուն: Անմահ Մօլիէրը իր դրամայի մէջ («Գիտուն կանայք») այս խօսքերն է դնում Կրեղալի բերանը. «Լաւ բան չէ, որ կինը այսքան բաներ ուսանի ու գիտենայ. նրա ամբողջ գիտութիւնն ու փիլիսոփայութիւնը այն պիտի լինի, որ նա կարող լինի կրթել իր զաւակներին, տուն կառավարել, հսկել ծառաների վրա և խնայողութիւն անել ծախսերի մէջ»:

«Եւ այլապէս չէր էլ կարող լինել, բանի որ «ամենակարողը միրուքի տէրն էր: Թէեւ մարդ ու կին հասարակութեան երկու կէսերն են, բայց կէսերը հաւասար չեն.—մէկը իշխում է, իսկ միւսը հպատակվում և կայլն» \*):

Աղջկայ կրթութեան խնդրում ահագին դեր խաղաց 17-րդ դարում Փենըլօնի «Աղջիկների կրթութիւն» վերնագրով գիրքը \*\*): Այդ առաջին լուրջ դրուածքն էր այս խնդրի

\*) Molière, Femmes Savantes.

\*\*) Fenelon. De l' Education des filles.

մասին, և հէնց իր լրջութիւնով էլ մեծ յեղափոխիչ զօրութիւն ունեցաւ աղջկայ կըրթական սիստեմի վրա:

Յենըլօնը բողոքեց աղջիկների փակ, վանական կրթութեան դէմ, ուսուցման սահմանափակման դէմ, ֆիզիկական կրթութեան արհամարհման դէմ:

Սակայն Յենըլօնը երկրպագու չէ աղջկայ լայն զարգացման:

Նոյն դարում մեծ հռչակ ստացած Թիւրքի Մէնտընօնը (որ ղեկավարում էր Սեան-Սիրի կանանց ինստիտուտը), 17-րդ դարի ամենալուսաւոր կանանցից մէկը, համաձայնվում էր Յենըլօնի հետ և կարծում էր, թէ աղջիկը պիտի «չափաւոր լինի կարգալու մէջ և ընթերցումն փոխարինի ձեռքի աշխատանքի»:

Հետևեալ 18-րդ դարում Ժ. Ժ.-Րուտոն իր հռչակաւոր «Էմիլի» մէջ բարոյական դաստիարակութիւնը անխղելի կերպով կապում է ֆիզիկական կրթութեան հետ և ասում է, թէ մարմնի թուլութիւնը հոգեկան խանդարումների աղբիւրն է: Նրա իրաւացի կարծիքով, առողջութիւնն ու ոյժը զօրեղ

նեցուկ են բարոյական կամքի: Նա բարոզում է սաների ազատութիւն: Երեխայի հետ չպէտք է վարուել ոչ այնպէս, որ նա միշտ զգայ իր գլխին խնամատարութիւն և պաշտպանութիւն, ոչ էլ այնքան խստապահանջ, ճնշող ղեկավար լինել, որ, նա հարկ համարի խորամանկութեան, ստի ու կեղծաւորութեան, դիմելու:

Յատկապէս աղջկայ դաստիարակութեան վրա նրա հայեացքները շատ չէին տարբերվում Ժամանակակից հասկացողութիւնից: Երկրպագու լինելով բնական կրթութեան, Րուտոն աղջկան ամբողջովին մօրն էր յանձնում, որ նրանից պիտի իդէալական ամուսին, մայր և տանտիկին պատրաստէր:

Այս դրութեան մէջ էր աղջկայ կրթութիւնն ու դաստիարակութիւնը մինչև Քրանսիական մեծ յեղափոխութիւնը: Այս Ժամանակամիջոցին յայտնի Կոնդորսէն իր զօրեղ ձայնը բարձրացրեց աղջկայ կրթութեան օգտին: Նա պահանջում էր լայն ծրագրով կրթել աղջկան. 1. որպէսզի նա կարող լինի լաւ դաստիարակել իր զա-

ւակներին, քանի որ նա է իր երեխաների  
 ընական կրթողը. 2. որպէսզի արժանաւոր  
 և հաւասար ընկեր և ուղեկից դառնայ ա-  
 մուսնուն, մասնակցի նրա աշխատանքներին  
 ու հոգսերին, մի խօսքով ապրի նոյն  
 կեանքով. 3. որպէսզի անզարգացած մնա-  
 լով, չհանգցնի ամուսնու մէջ նրա սրտի ու  
 մտքի կայծը, որ տուել է նրան ուսու-  
 մը, այլ ընդհակառակը, պահպանի այդ-  
 կրակը, մասնակցելով նրա ընթերցումներին  
 և խօսակցելով նրան զբաղեցնող խնդիրների  
 մասին. 4. վերջապէս աղջկայ կրթութիւնը  
 անհրաժեշտ է, որովհետեւ այդ ուղղակի մի  
 արդար պահանջ է, քանի որ երկու սեռերն  
 էլ հաւասար իրաւունք ունեն ուսում առ-  
 նելու եւ զարգանալու»:

Այս էին մեծ գիտնականի և քաղա-  
 քական անձի հայեացքները: Սակայն նրանց  
 իրագործումն ժամանակ էր պահանջում, և  
 եւրոպայի մէջ, յատկապէս Փրանսիայում,  
 աղջկայ կրթութիւնը դեռ մինչեւ վերջին  
 ժամանակներս հնացած մեթօդով էր տար-  
 վում:

Տասնիններորդ դարը, գիտութիւնների  
 զօրեղ զարգացմամբ, յեղափոխեց դաստիարակութեան գործը և նոր հիմունքների վրա դրեց աղջկայ կրթութեան մեթօդը:

Աղջկայ ֆիզիօլօգիայի և հոգեբանու-  
 թեան ուսումնասիրութիւնը նոր կանոններ  
 տուեց մեզ նրա առողջապահութեան հա-  
 մար, ուստի նրա ֆիզիկական կրթութիւնն  
 էլ պիտի յարմարեցնուէր այս կանոններին:

Գիտութիւնը ցոյց տուեց, որ, որոշ հա-  
 սակից սկսած, աղջկայ օրգանիզմը սկսվում  
 է շեղուել տղայինից, և ուրեմն այս երկու-  
 սի կրթութեան ու դաստիարակութեան  
 ձևերն էլ պիտի տարբերուեն:

Հասկացուեց աղջկայ մարմինը խնա-  
 մելու անհրաժեշտութիւնը, ապացուցուեց,  
 որ կինը իր վսեմ պարտականութիւնները  
 կատարելու համար պէտք է նպատակայար-  
 մար ֆիզիկական զարգացումն ստանայ,  
 քանի որ մօր առողջակազմութիւնից է կախ-  
 ուած սերնդի առողջութիւնն ու կենսու-  
 նակութիւնը:

Շնորհիւ այս ուսման, ֆիզիկական կըր-  
 թութիւնը, որ, ինչպէս ասեցինք, միջին  
 դարերից վեր բարձի թողի էր արուած,

նորից կենսական պահանջ է դառնում, և մենք տեսնում ենք, որ նա կամաց-կամաց տնային—ընտանեկան կրթութեան հիմնաբարն է կազմում:

Անգլիան իրաւամբ կրում է այս ուղղութեան պարագլխի մեծ պատիւը: Անգլիացու մէջ վերածնել է հին հռովմայեցու ոգին, —նոյն ոգեւորութիւնը մարզութիւններով, նոյն ձգտումն դէպի մատաղ սերնդի մարմնի բարելաւումն—և այսօր վստահ կարելի է ասել, որ եւրոպացի օրիորդը կարող է մրցել հռովմուհու հետ իր ֆիզիկական զարգացմամբ:

Այս ազատ երկրից ֆիզիկական կրթութեան սկզբունքները անցան եւրոպա և կօնտինենտի բոլոր երկրներում թէ պետութիւնները, թէ մասնաւոր հիմնարկութիւնները առանձին ուշադրութեան են արժանացրել աղջկայ մարմնի մարզումները: Վերածնունեց մարմնի կուլտը: Մարգիկ յիշեցին հին, վաղուց մոռացուած, սկզբունքը — «առողջ միտք առողջ մարմնի մէջ» ու ձգտեցին կաղզուրել, ամրապնդել աղջկայ մարմինը ևս: Միւս կողմից Պետտալոցցայի և Ֆրեօբէլի կրթական և ուսումնատու-

թեան մեթօդները թարմացրին մանկան կրթութեան հնացած ու փտած գործը:

Աղջկան լաւ կրթելու պահանջը քանի գնաց աճեց և հասարակական կեանքի ամենակարեւոր և ամենախոշոր խնդիրների շարքն անցաւ: Ստորակարգ և միջնակարգ դպրոցների խիտ ցանցը ծածկեց քաղաքակիրթ երկրները և միլիօնաւոր մանուկ-աղջիկներ խոնուեցան կրթութեան այս տաճարների մէջ: Աղջիկը ձգտեց դէպի բարձրագոյն ուսումն և շատ երկրներում բացուեցին նրա առջև համալսարանի և ուրիշ բարձրագոյն կրթական հիմնարկութիւնների դռները:

Միջնակարգ և բարձրագոյն ուսում ստացած օրիորդները մայր դառնալով, մտցրին ընտանիքների մէջ նոր կրթական ձեւեր և այսպիսով, կրթութիւնն ու դաստիարակութիւնը արեւի ճառագայթների պէս տարածուեցին ընտանիքի վրայ:

Խղճուկ հայ աղջիկը ևս ձգտեց դէպի լոյս, բացուեց արեւին, ինչպէս մի թարմ կոկոն! Բայց մի օր յանկարծ մթնեցին

հայ մանկիկի աչքերը և երբ սա բարձրացրեց իր հայեացքը դէպի երկինք, տեսաւ մի սև ամպ, որ չարագուշակ ու վիթխարի վիշապի նման ծածկել էր լոյս արեւը...

VII

ՅՂԻ ԿՆՈՋ ԱՌՈՂՋԱՊԱՀՈՒԹԻՒՆԸ

Հիանդ ծնողների սերունդը.—Յղի կնոջ առողջապահութիւնը.—Նրա քնահաճոյքները.—Նրա հոգեկամ դուրեան ազդեցութիւնը սաղմի վրա:

«Մանկան փիղիկական կրթութիւնը պիտի սկսուի դեռ մօր արգանդից», ասում է Օվար:

Թո՛ղ ծիծաղելի չլծուի այս միտքը: Նա բոլորովին համապատասխան է արդի գիտութեան ցուցմունքներին, որոնց հիման վրա մօր առողջական դրութիւնը, նրա յոյզերը, նրա տանջանքները, մի խօսքով նրա փիղիկական ու բարոյական աշխարհում կատարուած դղրդիւնները արձագանք պիտի գտնեն արգանդի սաղմի վրա, քանի որ այդ սաղմը ինքնուրոյն կեանք չունի, այլ ապրում է մօր կեանքով:

Հիւանդ ծնողները միայն հիւանդոս սերունդ կարող են արտադրել:

Սմենասարսափելի ախտերը ժառանգականութեան վերաբերմամբ հետեւեալներն են. սիւճիլիս, արբեցողութիւն (ալկոհոլիզմ), թոքախտ եւ ներվախտութիւն:

Սիւճիլիսոս ծնողների բեղմնաւորութիւնը որոշ շրջանում կամ բնաւին տեղի չի ունենում, կամ վերջանում է վիժուժով \*): Կենդանի ծնուածներն էլ կարճ ժամանակում մեռնում են (99<sup>0</sup>/<sub>0</sub> ըստ Տարնովսկու), իսկ մնացածներից էլ մի մասը արատաւոր, հիւանդոտ, կեանքի կռոււի մէջ ապիկար են լինում: Թոքախտաւոր ծնողների զաւակները նոյնպէս ենթակայ են հարիւր տեսակ հիւանդութիւնների, մանաւանդ թորախտի, արբեցողները ծնում են նոյնպէս արատաւոր զաւակներ, տրամագրուած դէպի հիւանդութիւններ, նոյնը պէտք է ասել նաև ներվային ծնողների սերնդի մասին:

Մարդկութեան այս չորս գլխանի ճիւղը (թորախտ, ալկոհոլիզմ, սիւճիլիս և ներվայնութիւն) արտագրում է վատոյժ,

\*) Սակայն եթէ հիւանդ ծնողը ըստ բժշկուած է և եթէ հիւանդութեան բժշկուելուց միջանի տարի անցել է, զաւակները կարող են կենդանի ծնուել (Յե՛ս իմ «Ամուսնութիւն», «Սիւճիլիս» և «Վատ ցաւ» գրքովները):

վատասերուած սերունդներ, որոնց կեանքը ջախջախում, տրորում է, որովհետեւ նրանք թոյլ են ֆիզիկապէս և անտոկուն հոգեպէս:

Մենք չենք կարող այստեղ խօսել հիւանդ կամ արատաւոր ծնուած երեխաների մասին, այդ չափազանց հեռու կը տանէր մեզ:

Սակայն միայն խոշոր հիւանդական ժառանգականութիւնը չէ, որ անցնում է զաւակներին: Այսչափ տարածուած ներվային դրութիւնները եւս առանց հետքի չեն մնում արգանդի զաւակի վրա: Հասարակական աղմկալից կեանքը իր ամենօրեայ հոգեկան յուզմունքներով, կեանքի կռուի դժուարանայն ու բարդուելը, որոնք ուժասպառում են ծնողների ներվային ոյժերը, այս բոլորը անդրադառնում են սաղմի վրա: Յղի կինը մեր հասարակութեան մէջ — մանաւանդ քաղաքային դասակարգի մէջ — շարունակում է օրիորդական կեանքը իր պարերով, իր անքուն կամ կիսաքուն գիշերներով: Եւ տուժում են զաւակները իրանց մօր անփութութեան համար:

Բժ. Պափօնէն ասում է հետեւեալը.

«Այժմ նորածինը այնպէս չէ, ինչպէս առաջուայ ժամանակները»:

«Նայեցէք նրան: Հազիւ ծնուած, նա արդէն բաց է անում իր աչքերն ու կարծես դիտում է իր շուրջը, միքանի ժամ շարունակ անքուն մնում է օրօրոցի մէջ կամ մօր թեւերի վրա, չի ճշում: այլ կանոնաւոր կերպով լալիս է, շուռումուռ է գալիս և չափազանց զգայուն է դէպի լոյսը»:

«Որքան մեծ է տարբերութիւնը: Առաջուայ ժամանակները երեխան աչքերը խուփ էր ծնվում, նա քնոտ էր, օրերով և շաբաթներով անտարբեր էր մնում դէպի իր շրջապատը, կարծես խօր և բաղցր լեթարգիական քնի մէջ ընկած, որից զգաստացնում էր նրան բաղցը միայն: Տարբերութիւնը զարմանալի է, բայց ամենից շատ այդ զանազանութիւնը զարմացնում է պառաւ տատերին և ազգականներին, որոնք դիտելով արդի թոռնուկներին, ցաւով յիշում են հին գեղեցիկ ժամանակը»:

Յղի կինը պէտք է գիտակցօրէն վերաբերուի դէպի իր գրութիւնը»:

Նա ոչ մի օր չպէտք է մոռանայ, որ

կրում է իր արգանդի մէջ մի ամբողջ սերունդի ապագան»:

Այո, մի պատասխանատու գործ է յղանալ և մայր դառնալ: Յղութիւնը մի սրբազան ակտ է, որը պահանջում է աշաւորջ վերաբերումն և ամեն ընկալ զգուշութիւն: Մեղապարտ է այն մայրը, որ իր անզգուշութեամբ կամ մեղապարտ անհոգութեամբ վտանգի է ենթարկում իր արգանդի պտուղը:

Մենք անկարող ենք այստեղ մանրամասն ուսումնասիրել յղութեան առողջապահութիւնը.—այդ մեզ չափազանց հեռու կը տանէր:

Մենք կը յիշատակենք միքանի գլխաւոր կէտերը միայն:

Նորատի կանայք ընդհանրապէս վախի մէջ են ընկնում, երբ զգում են, որ յղի են: Միշտ անհանգիստ են, սարսափով սպասում են ազատուելու սարսափելի կարծած օրուան:

Այդ ահը նրանից է, որ յղութիւնը մի անբնական, նոյնիսկ հիւանդական դրութիւն են կարծում, այն ինչ սա մի բնա-



կան, ֆիզիոլոգիական ակտ է, որ իր բնական ընթացքն ունի և շատ հազուադիւտ դէպքերում միայն նա բարդութիւններ ունի, այն էլ երբ կինը որեւէ հիւանդութեան կամ անկանոն կոնքի տէր է:

Յղի կինը պէտք է հասկանայ այդ և հանգիստ ու անհոգ ապրի. նա ոչ թէ ահ ու դողով, այլ հրճուանքով ու անհամբերութեամբ պիտի սպասի մայր դառնալու երանութեան:

Յղութիւնից առաջացած ցաւերն ու տանջանքները միայն ժամանակաւոր են և ընդհանրապէս փնասակար կերպով չեն ազդում կնոջ վրա, այլ անցնում են առանց հետեւանքի:

Այս հիման վրա յղութեան միջոցին չպէտք է փոխել առօրեայ աշխատանքն ու կենցաղը, այլ աւելի զգոյշ լինել թէ ուտելու-խմելու և թէ աշխատանքի մէջ: Պէտք է խուսափել այնպիսի աշխատանքներից, որոնք ոյժերի լարումն են պահանջում, ուտել այնպիսի կերակուրներ, որոնք հեշտ են մարսվում, խմել ջուր, լիմոնադ, զանազան սիրովներ, իսկ սովորածներին միայն թոյլ է տրվում՝ օրը մի բաժակ գինի կամ գա-

րեջուր խմել: Նա պէտք է աշխատի մաքուր օդում ապրել և յաճախ զբօսանքներ անէ, առանց յոգնածութեան հասցնելու իրան: Շատ նորատի կանայք յղութեան միջոցին տարօրինակ և փնասակար հակումներ են ցոյց տալիս. պահանջում են հազուադիւտ մրգեր ու խմելիքներ, ուտում են անմարս բաներ, օր. հող, կիր, ապակի և այլն: Շատերի քմահաճութեանը սահման չկայ, և բոլոր ազգերի մէջ մերժելը կամ հակառակելը փնասակար է համարվում արգանդի զաւակի համար:

Ժողովուրդը կարծում է, որ եթէ յղի կնոջ ուղածը մերժուի, երեխայի դէմքի կամ մարմնի վրա զանազան նշաններ կը մնան: Այս ամենը նախապաշարմունք է և ոչինչ փնաս չի հասնի սաղմին, եթէ մօր անհիմն ու իրանց հետեւանքով վտանգաւոր պահանջները անխտիր կերպով չկատարուեն:

Պէտք է ընդհակառակը դիմադրել, և ամենից առաջ ինքը կինը պիտի զսպի իրան, սահմանափակի իր անտեղի պահանջները, հասկանալով, որ նրանք կենսական չեն: Երջապատողները եւս պէտք է թէ համոզե-

լով և թէ միքիչ սաստելով յետ կանգնեցնեն կնոջ իր ուղածից:

Սաստիկ յոյզերը. բարկութիւն, սարսափ, վիշտ և ուրիշ կրքեր, ազդում են զաւակի վրա, երբեմն վիժումն, երբեմն էլ նոյնիսկ մահ առաջացնում: Հետեւաբար շրջապատողները պիտի կրկնապատկեն իրանց զգուշութիւնը, չհաղորդեն նրան յուզիչ նորութիւններ, չգրգռեն նրան ոչ մի կերպ. նրանց վարմունքը առհասարակ պիտի շատ մեղմ ու բնքուշ լինի, պէտք է հասկանան, որ յղութիւնը չափազանց դիւրագրգիռ ու չափազանց ներվային է դարձնում կանանց:

Պէտք է աշխատել նորատի կնոջ հետու պահել ամեն տեսակ անախորժ տպաւորութիւններից, տխուր տեսարաններից, տըխրեցնող ընթերցանութիւնից, այլ ընդհակառակը միշտ զուարթ դէմք ցոյց տալ, զուարճալի ու հաճելի տեսարանների ներկայ անել: Ամենահին գրողները խորհուրդ են տալիս յղի կնոջ «զուարճութեան» մէջ պահել: Հնդկաստանցիք և չինացիք արգելում են կնոջը յուզարկաւորութիւններին մասնակից լինել և գերեզմանատունդ գնալ: Մին-

չեւ հիմա էլ մարդիկ հաւատում են, որ եթէ յղի կինը գեղեցիկ դէմք տեսնի, երեխան սիրուն կը լինի:

Մենք այդքան հեռու չենք գնայ, բայց գիտութիւնը և գիտումները թելադրում են մեզ զգուշութիւն և խնամք դէպի յղի կանայք:

Արգանդի սաղմը իր զարգացման համար պահանջում է ազատութիւն: Այն ամենը, ինչ սեղմում է մօր որովայնը, սեղմում է նաեւ նրա արգանդը և կարող է ճնշել սաղմի ազատ ու կանոնաւոր աճումն:

Այս հիման վրա նորատի կինը երբէք չպիտի սեղմի իր իրանը և փորը. պէտք է դէն գցի կորսէտը, որը սեղմում է և իջեցնում փորը և կարող է նոյնիսկ վիժումն առաջ բերել:

Փորկապներ գործ են ածում ամեն տեղ, մանաւանդ բազմածին կանայք իրանց թուլացած ու ընկած որովայնը բարձր պահելու համար: Փորկապը կարելի է գործածել յղութեան եօթերրորդ ամսից սկսած. միայն նա պէտք է լաւ լինի և կարած փափուկ կտորից ու կոճկուրի յետեւից: Պառկած ժամանակ պէտք է քակել:

Ամեն տեսակ շտապ շարժում, արագ  
բայլ, մանաւանդ պար պէտք է արգելուի  
նոյնիսկ հինգերորդ ամսից. սարեր բար-  
ձրանալը և իջնելը նոյնպէս վնաս է:

Ընդհանուր կենցաղի մասին մենք այս-  
տեղ անկարող ենք այլեւս կանգ առնել:

## VIII

### ԱՂՋԻԿ-ԵՐԵՆԱՅԻ ՖԻԶԻԿԱԿԱՆ ԿՐԹՈՒ- ԹԻԻՆԸ

Նորածին աղջիկը.—Աղջկայ կոնքը և նրա ծուռ-  
ները.—Ողնաօտը և նրա կորուսիւնների պատճառ-  
ները.—Երեխային զրկելու ձեւը.—Ողնաօտի ծը-  
ռումները դպրոցական օրջանում.—Աղջկայ անկա-  
նոն նիստը պարապելու միջոցին և նրանից առա-  
ջացած վնասները ամբողջ կազմուածքի համար:

Աղջկայ վրա նրա ծնուելու ընդհանր  
պէտք է նայել իբրև ապագայ մօր վրայ, և  
հէնց այդ ժամանակից նրա ֆիզիկական  
կրթութիւնը այդ ուղղութիւնով տանել:

Այդ նորածին մանկիկի մէջ արդէն  
դրուած են այն գործարանները, որոնք  
զարգանալով, հասունացած հասակում պի-  
տի դառնան նրա օրգանիզմի կարևորա-  
գոյնները, Դրանք են. զաւակատունը և ձուա-  
րանները:

Այդ գործարանները ժամանակի ընթացքում պիտի գերակշիռ դեր խաղան օրիորդի և կնոջ ամբողջ օրգանիզմի կեանքի մէջ:

Նրանք մատաղ հասակում դրուած են աղջկայ օրովայնի մէջ, բայց սեռական հասունութեան միջոցին իջնում են կոնքի մէջ և այնտեղ զարգանում:

Հասկանալի է, որ աղջկայ կոնքը աւելի լայն և աւելի մեծ պիտի լինի, քան տղայինը, որը յիշած օրգաններից զուրկ է:

Կոնքը կազմվում է երկու կշտոսկրոններից, որոնք առջեւից միանում են անմիջապէս, իսկ յետեւում կպչում են սրբանոսկրին կամ կեղծ ողմներին:

Եթէ դիտելու լինէք կմախքը, կը տեսնէք, որ կոնքը կրում է իր վրա ահագին ծանրութիւն.— ողնաշարը, որի վրա ծանրանում են գլուխը, բազուկները, կուրծքը իր միջի գործարաններով և օրովայնը նոյնպէս իր միջի օրգաններով ծանրանում են կոնքի վրա, որը յենվում է օտերի ոսկրերին:

Հասկանալի է, որ կոնքը պիտի ազատ զարգանայ, որպէսզի իր մատաղ հասակում, երբ ոսկրները դեռ ճկուն են, երբ կա-

պերը թոյլ և նուրբ, նա չձուռուի, չնշտանայ, այլապէս կը ճնշուեն պարունակուող գործարանները:

Յիրաւի, երեւակայեցէք, որ ծուռել են կոնքը կազմող ոսկրները, ներքեւի ողբը, անկիւնաւորուել ու ներս, դէպի կոնքն են ցցուել: Ի՞նչ կը լինի գործարանների դիրքը, ի՞նչպէս կարող է այդպիսի մի նեղացած ու կորացած խոռոչի մէջ աճել և զարգանալ սաղմը: Վիժումների, դժուարածնութիւնների, մեռած երեխայ ծնունդների, մինչեւ անգամ մօր մահուան պատճառ են դառնում աղաւաղուած կոնքերը:

Ահա թէ ինչը պիտի զբաղեցնի առանձնապէս մայրերին և ինչի վրա պիտի անդադար լարուած լինի նրանց ուշադրութիւնը:

Կոնքի ձուռելու մէջ մեծ դեր են խաղում ողնաշարի կորութիւնները:

Ծծկեր մանկան ողնաշարը գանգից մինչեւ պոչիկը միանգամայն ուղղագիծ է: Բայց նստեցրէք երեխային ու կը տեսնէք, որ նրա ողնաշարը սաստիկ կը կորանայ ու կը կազմի մի կամար, որի մի ծայրը ծոծրակին է կպած, միւսը կոնքի ոսկրներին: Երբոր

երեխան օտի է կանգնում ու սկսում է վազ-  
վրզել, նրա ողնաշարը միքանի տեղ գո-  
գանում է և ընդունում է կամաց-կամաց  
հասունացածի ողնաշարի չորս գոգութիւն-  
ները. պարանոցային—դէպի առաջ, կրծ-  
քային—դէպի յետ, կռնակային—դարձեալ  
դէպ առաջ և պոչիկային—նոյնպէս դէպի  
յետ: Այս չորս գոգութիւնները բոլորն էլ  
տեղի ունեն յետ ու առաջ:

Անբնական կամ հիւանդական ծուռմ-  
ները լինում են ընդհակառակը. կողմնակի,  
այսինքն աջից—ձախ և ձախից—աջ, այն-  
պէս որ յետեւից ողնաշարը, փոխանակ ու-  
ղիզ գծի, կազմում է S նման մի գիծ:

Ինչից են առաջանում այս կորութիւն-  
ները:

Պատճառներից մէկը երեխային վաս  
գրկելն է:

Մայրը կամ դայեակը երեխային առ-  
հասարակ նստեցնում են թեւերից մէկի  
վրա, աջ կամ ձախ: Ցաւն այն է, որ սովո-  
րութեամբ հէնց բոլոր ժամանակ միեւնոյն  
թեւի վրա են դնում երեխային:

Եթէ տկորացնէք գրկած երեխային,  
ահա թէ ինչ կը տեսնէք (նկ. 1):

Եթէ երեխան աջ  
թեւի վրա է դրած, նրա  
ձախ կողմը կպած է գլը-  
կողի ուսին կամ կրծքին,  
նստատեղի ձախ կողմը ա-  
ւելի ցած է, քան աջը, և  
սրանից էլ ողնաշարը գո-  
գացած է դէպի ձախ:



նկ. 1.

Այս գոգութիւնը աւելի  
եւս սաստկանում է, երբ  
երեխան, յոգնած այս ան-  
յարմար դիրքից, թեւիկը  
դէմ է տալիս մօր կրծքին, իբրեւ նեցուկ:  
Այսպիսով առաջ է գալիս ողնաշարի կողմ-  
նակի կորութիւններ:

Ողնաշարի կորութիւնների միւս պատ-  
ճառը աւելի կարեւոր է.—այդ դպրոցական  
կեանքն է:

Ամենից առաջ Շվէյցարիայում ուշ դար-  
ձրին այն հանգամանքի վրա, որ դպրո-  
ցական պատանիների մէջ շատ յաճախ են  
պատահում ողնաշարի կորութիւններ, և այդ  
իրողութիւնը բացատրեցին անկանոն նիս-

սով պարապմունքների միջոցին: Այսպէս, Պարովը հետազօտեց 282 երեխայ, որոնք ծովափում ողնաշար ունէին, և եկաւ այն եզրակացութեան, որ նրանցից 218-ը ուղղակի նստելու անկանոնութիւնից է առաջացել:


Եւ, ճշմարիտ որ, ողնաշարի ծռումները ընդհանրապէս յայտնվում են դպրոցական կեանքում, երբ երեխան երկար ժամանակ անկանոն դիրքեր է բռնում կարգալիսկամ (աւելի եւս) գրելիս:

Գրութիւնը երեխայից այժի մեծ լարումն է պահանջում, այս պատճառով էլ միջիչ ուղիղ նստելուց յետոյ, նա թերվում է այս ու այն կողմը, որպէսզի դադար տայ լարուած մկաններին ու գործի կանչի մի ուրիշ խումբ մկաններ: Իսկ երբ ողնաշարի բոլոր մկաններն էլ յոգնում են, այն ժամանակ երեխան նեցուկ է որոնում ու յենվում է սեղանին, համարեա պառկում է վրան, սարսափելի ծռումներ առաջ բերելով (նկ. 2 և 3):

Ինչ կասկած, որ ամիսների ու տարիների ընթացքում այսպիսի արատաւոր դիրքերից կը մնան ողնաշարի ու կողերի


(հետեւաբար եւ կոնֆի) անուղղելի կորուսիւններ, իրանց վսանգաւոր հետեւանքներով:

Սակայն այս երեխաները դեռ էլի մի կերպ նստած են սեղանի հանդէպ և սե-



Նկ. 2.

Սեղանը չափազանց ցած է:



Նկ. 3.

Սեղանը չափազանց բարձր է:

դանի վրա են դնում իրանց տետրակները: Ինչպէս պէտք է ծովափ գիւղական աղջիկների կազմուածքը, քանի որ դրանք ստիպուած են ժամերով ծալապատիկ նըստած մնալ, գլուխները փորներին կպցրած գրել կամ կարել...

Իբրև կորուժիւնների պատճառ բժ. վիրենիուսը յիշում է նաև երեխաների պայուսակների ծանրութիւնը: Միբանի աշակերտուհիներ 8—10 ֆունտ գիրք են տանում-բերում դպրոց: Եթէ մի ձեռով են բռնում, հասկանալի է, որ մի ուսը կը ցածանայ և մէջքը իր կողմը կը ծռի. այդ պատճառով աշակերտուհիները պէտք է մէջքներին կապած պայուսակ ունենան: Նոյնն է անում ի հարկէ և ուսին կուժ, սափոր կամ մի որևէ ծանրութիւն կրելը:

Բացի ողնաշարի (հետևաբար և կոնքի) կորուժիւններ առաջացնելը, արատաւոր դրութիւնները ահագին վնասներ են հասցնում երեխային և ուրիշ տեսակէտներից:

Ամեն անկանոն նիստի միջոցին (առաջ թեքուելը, կուրծքը սեղանին դէմ անելը) պարանոցի մկանները շուտով յոգնում են գլխի ծանրութիւնը պահելուց, և գլուխը կորանում է. դրանից վզի երակները սեղմւովում են, արեան շրջանառութիւնը գլխի երակների և ուղեղի մէջ խանգարւում է, իսկ այս խանգարումից առաջանում է գլխացաւ, գլխի պտոյտ գալ, աչքացաւ (արիւն է լցւում աչքերը), կրծքացաւ, միև-

նոյն ժամանակ փորը ծալւում է, աղիքերը ճնշւում են, փորի մէջ էլ արեան շրջանը խանգարւում է, որտեղից առաջ են գալիս մարտողութեան խանգարումներ, դժուարամարտութիւն, յետոյ մէջքացաւ. մինչեւ անգամ սեռական գործարանները արիւնով լցւում են ու գրգռւում: Գոյանում է նաև թուլք (remorosi), ոտները դմբում են և այլն: Եւ, իբրև այս ամենի ծայրայեղ արտայայտութիւն, առաջ է գալիս սակաւարիւնութիւն:

Մենք թուուցիկ կերպով յիշատակեցինք այն պատճառները, որոնք աղջկայ կմախքի ծումուումներ են առաջացնում:

Հասկանալի է, որ այս աննպաստ պայմանները աւելի եւս խորապէս կազդեն նուազ ծնուած, ժառանգականապէս արատաւորուած, թուլակազմ աղջիկների վրա, քան առողջակազմների: Քանի թոյլ է աղջկայ կազմուածքը, այնքան աւելի տրամադրուած է նա կորուժիւններ ստանալու:

Պէտք է կռուել արատաւորման և նրա հիւանդական տրամադրութեան դէմ, պէտք է աղջկան այնպիսի խնամքներ ցոյց տալ,

որ ազատ նա մնայ իր մատաղ հասակին  
սպառնացող վտանգներէց:

Դրա համար գիտութիւնը միջոցներ է  
տալիս մեր ձեռքը: Խօսենք ուրեմն այդ  
միջոցների մասին:

## IX

### ԻՆՉՊԷՍ ՊԱՇՏՊԱՆԵԼ ԱՂԶԿԱՆ ԾՌՈՒՄ- ՆԵՐԻՑ

Փոքր աղջիկներին օալիք խնամքը.—Ջգուուրփու-  
նեք աղջկայ օսի կանգնեալու եւ քայլելու ժամանակ.  
—Մեր աղջիկների արատաւոր դիրքերը.—Սնունդ,  
ի՛նչպէս կուրել անախորժակութեան դեմ.—Քնի կա-  
րեւորութիւնը, իբրեւ կազգուրիչ միջոցի.—Լողա-  
ցումներ եւ օփումներ:

Ծննդեան հէնց առաջին շաբաթներէից  
մանուկ աղջկան պիտի դնել այնպիսի պայ-  
մանների մէջ, որ նրա կազմուածքը ամրա-  
նայ ու զարգանայ ապագայ մայրութեան  
համար: Ահա՛ բժ. Վիրենիուսի տուած խոր-  
հուրդները այդ մասին.

«Քանի դեռ երեխայի գանգը չի ոս-  
կրացել, հարկաւոր է գլխի տակը փե-  
տուրէ բարձ դնել, բայց հէնց որ գլուխը



պնդուեց բարձր պէտք է մագով, բրդով կամ ծովային ու հնդկական կոչուած խոտով լցնել: Վերմակիկը նոյնպէս բրդից կամ բամբակից պէտք է գործած լինի (բամբակով լցրած հաստ վերմակները փսաս են): Երեսայի տակը երկու դօշակ պիտի գցել. վրայինը պէտք է ձիու մագով կամ յիշած խոտերով լցուած լինի, իսկ տակինը կարելի է աւելի կոշտ անել: Նորածնին պիտի պառկեցնել մի լայն անկողնիկի մէջ, կամ թախտի վրա, որպէսզի նա ազատ լինի իր շարժումների մէջ, և երբէք չփակել նրան զանազան զամբիւղների ու երկու թղանոց օրօրոցների մէջ, որտեղ խեղճ երեխան ստիպուած է կռակացնել իր անգամները: Նրան պիտի պառկած դրութեան մէջ պահել մինչեւ որ ինքը փորձեր անէ նստելու, սակայն այն ժամանակն էլ չպէտք է առանց նեցուկի թողնել երեխային, այլ քամակին բարձ դնել, որի վրա նա թեք կընկնի»:

Գրկելիս երեխային պիտի փոփոխակի երկու թեւերի վրա էլ դնել և այն թեւը, որի վրա նստեցրած է նա, պիտի հորիզոնական ուղղութեամբ (ուղիղ) բռնել: Եթէ

երեխան արդէն նստել գիտէ, նրան կարելի է աթոռի վրա դնել, միայն աթոռի թիկունքը պէտք է քիչ թեք լինի, որպէսզի երեխան յենուի նրա վրա:

Շատ ծնողներ աշխատում են զօռով երեխային օտի կանգնացնել: Այդ մի վերին աստիճանի վտանգաւոր զուարճութիւն է, որի համար տուժում է երեխան:

Ծնողները չպէտք է մոռանան, որ մանուկը այն ժամանակ միայն կարող է կանգնել, երբ նրա մկանները ուժեղացած են և ոտկրների կապերը ամուր են. հակառակ դէպքում մկանները անկարող են պահպանել ողնաշարը, և սա կը ծռւում ու իբրեւ հեաեւանք, կը ծռւում և կոնքը: Նոյն ձեւով ծռվում են և ոտերը, և եթէ մէկ օտն աւելի է ծռվում քան միւսը, երեխան կաղ է դուրս գալիս, իսկ կոնքը թեքվում է նոյն կողմը:

Առհասարակ մէկ տարեկանից վաղ չպէտք է աշխատել աղջկան օտի կանգնեցնել ու քայլել տալ, այլ սպասել մինչև 18 ամսական հասակը և եթէ այդ հասակումն էլ չի քայլում, այն ժամանակ պէտք է խորհրդակցել բժշկի հետ:

Երբ աղջիկն արդէն կարող է ոտի կանգնել պէտք է հետեւել, որ չծռուի ոտերից մէկի վրա, այլ բոլորովին ուղիղ կանգնի և ուղիղ պահի մէջքը: Նստելիս էլ մարմինը պէտք է երկու գաւակների վրա ծանրանայ և ոչ թէ միայն մէկի: Աղջիկները երբեմն իրանց հագուստը մի կողմն են հաւաքում և նստում վրան. այդպիսով մի կողմը բարձր է լինում:

Մեր աղջիկների կանգնած, նոյնիսկ նստած դիրքերը միանգամայն անկանոն են ու տգեղ: Ես երկար տարիների ընթացքում դիտել եմ դպրոցների մէջ հազարաւոր աղջիկ-երեխաների և գտել եմ, որ նրանցից շատ քչերն են ուղիղ կանգնում ու նստում. մեծ մասը յենվում է մի ոտի վրա, թեքվում է մի կողմ, կամ մի ուսը կախ է գցում, մէջքները կորացնում: Յաւախն այն է, որ այս արատաւոր դրութիւնները այնքան արմատացած են լինում նրանց մէջ, որ յաճախ անկարելի է լինում ուղղել:

Հիւանդոտ ծնողները, նամանաւանդ թոքախտ ունեցողները, աւելի ևս պիտի խնամեն իրանց զաւակներին, որովհետև

թոյլ են ծնվում սրանք և երկարակեաց չեն լինում:

Ծննդեան հէնց առաջին օրից պիտի ուշ դարձնուի աղջկան ամեն կերպ կազդուրելու վրա. իսկ կազդուրել կարելի է լաւ սնունդով, մաքուր, բացօդեայ կեանքով և մարզութիւններով:

**Սնունդ.**

Մայրը պարտաւոր է ինքը կերակրել իր զաւակին, եթէ ի հարկէ, առողջ է. հակառակ դէպքում պէտք է ծծմայր վարձել: Ես չեմ կարող այստեղ մանրամասն թուել երեխայի սննդին վերաբերեալ գիտելիքները \*):

Աղջկան կերակրելու գործը գոյնարանում է աւելի հասունացած հասակում, մանաւանդ դաշտանի մօտենալու և սկսուելու միջոցներին, երբ աղջիկը նրբազգաց ու քմահաճոյ է դառնում, երբ նրա օրգանիզմի բոլոր ֆունկցիաները փոփոխման են թարկվում, երբ ճաշակն ազաւաղվում է և ախորժակը կորչում:

\*) Մանրամասն տե՛ս իմ «Նամատարութիւն առողջ երեխաների» գրքուկը:

Այս միջոցներին աղջիկը ախորժակի շատ տարօրինակ շեղումներ է ունենում: Նա զզվում է որոշ ուտելիքներից ու խմելիքներից, ուտում է հող, կիր, նոյնիսկ ապակի, բազրեղէն և այլն, խմում է բացախ և այլն ու այսպիսով խանգարում է իր մարսողութիւնը: Զբօսանքը, ֆիզիկական մարզողութիւնները օգնում են մարսողութեան, ախորժակ են բերում: Սովորեցրէք ձեր աղջիկներին որոշ ժամերին սեղան նստելիս կերակուրները փոփոխէք, մի աշխատէք ստիպմամբ ուտանելու, այլ ախորժելի կերակուրներ պատրաստելով: Այն դէպքերում, երբ անկարելի է լինում կուտել աղջկայ անախորժակութեան դէմ, պէտք է բժշկի դիմել:

**Քունը.** Հանգիստ ու երկար քունը համարեա ոչ-պակաս կազդուրիչ ազդեցութիւն ունի, քան սնունդը:

Քունը աճող օրգանիզմի համար շատ աւելի մեծ նշանակութիւն ունի, քան հասակաւորի:

Մինչև 6 տարեկան հասակը երեխային պիտի թողնել քնելու, ինչքան կամենայ:

7 տարեկանից մինչև 9 տարեկան 11 ժամ:

10 » » 13 » 10

14 » » 17 » 9

18 տարեկան 8

Երբ երեխան աւելի քիչ է հանգստանում քնի մէջ, նրա ամբողջ կազմուածքը թուլանում է, մի տեսակ թմրութիւն ու տաղակութիւն և ներվային դիւրագրգռութիւն է գալիս վրան: Չափազանց երկար քունն էլ վնաս է:

Երբէք չպէտք է զօռով քնեցնել երեխաներին: Պէտք է սովորեցնել որոշ ժամերին պառկել, և սա կը սովորի այդ ժամերին քնել: Անմիջապէս ուտելուց յետոյ մի թոյլ տաք պառկելու, որովհետեւ մարսողութիւնը կանոնաւոր չի կատարուի և քունն անհանգիստ կը լինի:

Մի ուրիշ զգուշութիւն էլ, երբէք չպէտք է պառկեցնել երեխային հագնուած: Միայն մի շապիկ, եթէ ցուրտ է, մի վարտիկ ևս և կոֆտա—ահն քնած երեխայի բոլոր հագուստը:

Իբրև լաւ կազդուրիչ միջոց պէտք է

յիշենք և լողացնելն ու շփումները: Այժմ բժիշկները պահանջում են, որ լողարանի ջուրը փոքր երեխաների համար գոյ լինի և ոչ թէ տաք: Ըստ Վիրենիուսի կազդուրելու համար լողարանների ջուրը, սկզբում պիտի 28<sup>0</sup> լինի, երկու ամսականին—27<sup>0</sup>, չորս ամսականին—26<sup>0</sup>, վեց ամսից յետոյ—25<sup>0</sup>, տարուց յետոյ—22<sup>0</sup>: Լողարանից հանելուն պէս պիտի փաթաթել երեխային սաւանի մէջ և լաւ չորացնել, տրորելով ամբողջ մարմինը: Երեկոյեան քնից առաջ լաւ պէտք է շփել մարմինը, առաջին երեք ամիսը գոլիկ ջրով, իսկ յետոյ սառը (սենեակում պահած) ջրով:

Մեր գիւղերում ամառը երեխաները լողանում են գետերում: այդ մի վերին աստիճանի կազդուրիչ միջոց է և ծնողները պիտի խրախուսեն աղջիկներին լողանալու: Ցաւում ենք, որ յօդուածիս ծաւալը թոյլ չի տալիս մեզ աւելի մանրամասն գրել նաև ուրիշ առողջապահական անհրաժեշտ պայմանների մասին:

Սակայն չենք կարող չխոսել մարմնամարզութիւնների մասին, որոնք այնքան արհամարհուած են մեր մէջ, որոնք սակայն

մեծ կազդուրիչ ազդեցութիւն ունեն աղջկայ վրա, որովհետև ամրացնում են մկանները, արագացնում շնչառութիւնը, լաւացնում են մարսողութիւնը, սնունդը և այլն, և այսպիսով արգելում են ոսկրների ծրմըռումները և սակաւարիւնութիւնը:

X

Մ Ա Ր Ջ Ո Ի Թ Ի Ի Ն Ն Ե Ր

Օրօրոցի աղջկան տալի՜ խնամքը.—Մուսուսական վարժուքիւններ իսկական մարմնամարգուրիւն կամ գիմնասօսիկա եւ բնական մարգուրիւններ կամ խաղեր.—Շարժական խաղեր գործիքներով եւ առանց գործիքների (ագաս խաղեր).—Թ՞նչ է պահանջուով խաղից.—Մ.գաս խաղերի առաւելութիւնները գիմնասօսիկայից.—Նրանց կրթական ու բարոյական նշանակութիւնը.—Թ՞նչ տեսակ մարգումներ են հարկաւոր պատանուները.—Կրթական կոչուած մարգութիւնները:

Պէտք է դէն գցել վերջապէս ամեն տեսակ կապեր, բարուրներ, բխտեր և այլն, որոնք սեղմուած են խեղճ մանկան կուրծքը, կաշկանդում են թեւիկներն ու ոտիկները: Պառկեցրէք փոքրիկին մի ընդարձակ թախտի կամ անկողնու վրա և կամ, եթէ օրօրոցի մէջ էք ընեցնում, մեծ օրօրոց վերցրէք ու երեխային ազատ մէջը պառկեցրէք, թոյլ

տուէք, որ նա զարթնելիս ազատ շարժի իր անդամները, շուռումուռ գայ անկողնիկի մէջ: Լաւ սովորութիւն է օրօրոցի վրայից կախ տալ զանազան գոգիկներ, որոնց հետ երեխան պառկած տեղը խաղում է: Առհասարակ թոյլ տուէք երեխային ինչ դէրք ուզում է բռնի, ինչպէս ուզում է խաղայ: Երբէք չպիտի աշխատել զօռով ձեռը բըռնած վաղեցնել և ոչ անվերջ միեւնոյն խաղալիքները տալ ձեռը: Երեխան ինքը լաւ կը գտնի իր համար խաղալու միջոցներ, որովհետեւ նրա մէջ «պահանջը դէպի շարժութիւնը նոյնչափ ծանր ու ստիպողական մի զգացմունք է, որքան քաղցն ու ծարաւը», ինչպէս ասում է Լագրանժը: Միլլէն ասում է. «երեխան մի շարժուն էակ է»: Հին դարերում ֆիզիկական մարզութիւնները մանկան կրթութեան ամենակարեւոր մասն էին կազմում, միջին դարերում մարզումները յետ մղուեցին և տեղի տուին մտաւոր կրթութեանը, իսկ վերջին ժամանակներս միայն հասկացուեց, որ պատանու ֆիզիկական ու մտաւոր կրթութիւնը պէտք է զուգահեռաբար ու ներդաշնակօրէն ընթանայ: Անգլիան առաջին երկիրն էր, որտեղ

սկսուեց աղջկայ, ֆիզիկական կրթութեան զարգացումն և այնտեղից անցաւ Եւրոպա:

Մենք անկարող ենք այստեղ կանգ առնել ֆիզիկական մարզութիւնների բազմաթիւ ձեւերի վրա, որ ընթերցողը կը գտնի իմ ուրիշ աշխատութեան մէջ\*), սակայն մի քանի հատուած պիտի առաջ բերենք:

Կան երկու տեսակ մարզութիւններ. 1) արուեստական մարմնամարզութիւն (իսկական գիմնաստիկան) և 2) բնական վարժութիւններ, որոնք կոչվում են նոյնպէս և բնական մարզումներ կամ խաղեր անունով:

Մանուկներին, մանաւանդ աղջիկներին, օգտաւէտ են խաղերը. սրանք կատարվում են կամ գործիքների միջոցով կամ ազատօրէն (առանց սրանց): Գործիքներից ամենագործածականը գնդակն է: Շատ լաւ են նոյնպէս և կրօկէտը, կրիկէտը, ֆուտ-բալլը, լաուն-տեննիսը, մեր լեփուկ և ճանը:

Աւելի կարեւոր են ազատ Եւրոպական խաղերը, որոնց մասին միջանի խօսք պէտք է ասել:

\*) Ցե'ս իմ „Գարոցական առողջապահութիւն“ զլ. չորրորդ, նոյնպէս և բժ. Բուդուլեանի „Մարմնամարզութիւն“:

Մանկան մարմնակազմութեան (ոսկրների, մկանների, թորերի, սրտի) ու նրա հոգեբանութեան մասին մեր ունեցած ծանօթութիւնը, ասում եմ ես յիշած հեղինակութեանս մէջ, որոշ պահանջներ է անում մարզումներից.

«1) Մարզումներից այնպիսիներն են միայն օգտակար աճող սերնդին, որոնք պահանջում են մարմնի բոլոր մկանների գործունէութիւնը և ոչ թէ միայն մի գրուպի (օրինակ, միայն թեւերինը) ինչպէս այդ տեղի ունի արուեստական վարժութիւնների մէջ. 2) Նրանք պէտք է հեշտ հասկանալի և հեշտ կատարելի լինեն, այսինքն առանց ուղեղի ու մկանների յոգնեցուցիչ լարման, որպէսզի մի նոր դաս չդառնան մանկան համար. 3) Նրանք պիտի զուարճալի լինեն, որպէսզի երեխան յափշտակուժով խաղայ. 4) Վարժութիւններից ամենայարմարները նրանք են, որոնք կատարվում են խմբովին, երգով, գոռալով, երաժշտութիւնով. 5) Վարժութիւնները անպատճառ պէտք է յարմարուեն մանկան հասակին. 6) Որքան մանր լինեն երեխաները, այնքան յաճախ

պիտի փոփոխել խաղերը և այնքան ազատ պիտի լինեն նրանք իրանց ցանկացած խաղը որոշելու համար:

«Ֆիզիկական կրթութեան ձևը, որը համապատասխան է վերոյիշեալ պահանջներին—այդ շարժական վարժութիւններն են, այսինքն խաղը:

«Խաղը դպրոցական մանկան համար միակ ցանկալի և միակ կարելի ֆիզիկական կրթութիւնն է: Խաղի միջի շարժումները բոլորը բնական են և հեշտ կատարելի: Խաղը պահանջում է մարմնի մկանների բոլորի մասնակցութիւնը.—նրա ամենագլխաւոր մասը վազն է, որը ընդունուած է իբրև ամենալաւ վարժութիւն արեան հոսանքը արագացնելու և, հետևաբար, թէ սրտի և թէ թոքերի գործունէութիւնը զարգացնելու համար: Վերջապէս խաղն է միակ ֆիզիկական վարժութիւնը, որը մանկան իսկական հրճուանք է պատճառում իր հաւաքական կազմութիւնով, իր ազմուկով, իր մրցումով, իր երբեմն անսպասելի բարդումներով և ծիծաղելի պատահումներով: Մանուկը խաղի մէջ իր բնագոյումին է հետևում թէ շարժումների, թէ իր զուարճա-

նալու ձևի մէջ: Խաղը, կատարուելով առհասարակ բացօթեայ, մեծ բախերում կամ ընդարձակ տեղերում, մի առանձին լայնութիւն և ազատութիւն է տալիս նրա մարդութիւններին, և մանկան սիրտը, կարծես, նոյնպէս լայնանում է: Երեխան խաղերի մէջ նմանում է մի թռչնակի, որը ազատ ձեզքում է օդը և թարմ ու զուարթ սաւառնում է, պտոյաներ անելով օդի մէջ, իր ուղղութիւնը փոխելով, բարձրանալով և իջնելով գետին, միշտ թոքերը լայն բացած, ազատ շնչելով: Այն ինչ ապագարասների վրա ճգնող երեխան (գիմնաստիկա) յիշեցնում է նոյն թռչնակին, որին պինդ փակել են նեղ վանդակի մէջ, որտեղ խեղճը անկարող է թևերն անգամ պարզել, և գուր մթնոլորտում ամեն շարժողութեան միջոցին վանդակի պատերին դիպչելով, մնում է թևերը ծալած, կուրճքը սեղմած, տաղալի անշարժութեան մէջ... Խաղը բացի ֆիզիկապէս կրթելուց մանկան, նրա բարոյական կրթութեանը նոյնպէս շատ նըպաստում է.—նա սովորեցնում է երեխային հաւաքական աշխատանքի որոշ նպատակին հասնելու համար, մշակում է նրա մէջ ըն-

կերական ոգի, բաշխութիւն, կամք, արագ-  
որոշումն, ազատ և ազնիւ մրցման ցանկու-  
թիւն, յարգանք դէպի իր սեփական ոյժե-  
րը: Գոնէ այս հանգամանքը պէտք է ի նկա-  
տի ունենան մեր մանկավարժները և ու-  
սումնարանական մասնաժողովները եթէ  
նրանք դպրոցական առողջապահութիւնը մի  
աւելորդ բան չեն համարում: Նրանք պէտք  
է նոյնպէս չմոռանան, որ ֆիզիկական  
կրթութիւնը զուգընթաց է գնում մտաւոր  
կրթութեան հետ, և որքան լաւ է դրուած  
մի դպրոցում առաջինը, նոյնքան և աջող է  
ընթանում երկրորդը: Այսօր դա ստատիս-  
տիկայով հաստատուած մի փաստ է, որը  
ակներև է դարձել անգլիական, ֆրանսիա-  
կան և բելգիական դպրոցներում, ուր մըտ-  
ցրած են շարժական վարժութիւններ:

«Բոլոր մարմնական վարժութիւններից  
միայն կազդուրիչ խաղը պարունակում է իր  
մէջ հոգու և մարմնի կրթութեան հիմնա-  
կան սկզբունքները, ասում էր Բուդապէշ-  
տի կօնգրէսին Բերրեվիցը: Մկանների աշ-  
խատանքի հետ միասին նա զարգացնում է  
մանկան մէջ կամք, սովորեցնելով նրան լի-

նել տոկուն, համբերող, ուշադիր և իր գըլ-  
խի տէրը:

«Փոխադարձ հպատակութիւնը սովոր-  
եցնում է անկողմնապահ լինել և զարգա-  
ցնում է զոհաբերութեան ոգին: Միւս կող-  
մից խաղը պահանջում է արիութիւն, վրս-  
տահութիւն, ճիշտ սահմանուած գործողու-  
թիւն, հաստատ կամք.—նա կարող է սա-  
կաւացնել բնական պակասութիւնները և  
վերջապէս նա աւելի սերտ կապերով մտեր-  
մացնում է աշակերտներին ղեկավարների  
հետ»:

Պրօֆ. Լվովը շատ իրաւացի նկատում  
է, թէ խաղը միանգամայն բաւականութիւն  
է տալիս այն բոլոր պահանջներին, ինչ որ  
առողջապահութիւնն անում է ֆիզիկական  
վարժութիւններից: Խաղերը միևնոյն չափով  
յարմարվում են մանկան ֆիզիկական կազ-  
մութեանը և նրա բարոյական պահանջնե-  
րին: Միևնոյն ժամանակ նրանք զուարճու-  
թեան միջոց են: Փիզիկական տեսակէտից,  
նրանք չեն պահանջում ոչ չափազանց ճրգ-  
նումն և ոչ այս ինչ կամ այն ինչ մկանների  
մարզութեան սահմանափակումն: Ամենա-  
բարդ խաղերն անգամ միշտ պահանջում են



միմիայն հասարակ ու բնական շարժումները Խաղի համար հարկաւոր է վազ, թռիչք, սողալ, հրումն, ծեծ և այլն, այսինքն այն, ինչ որ ամեն երեխայ անում է բնականաբար, համարեա ծննդից։ «Խաղը, ասում է Լվովը, ընդգրկում է մարդկանց գործողութիւնների մի ընդարձակ շրջան, որոնք մի կողմից չեն պահանջում ծանր աշխատանք, իսկ միւս կողմից հրճուանք ու զուարճութիւն են տալիս»։ Նոյնը ասում է և Լագրանժը. «Բացի զուարճութիւնը, որը առողջապահական տեսակէտից անհրաժեշտ է մանկանը, այս խաղերի մէջ կատարուող մարզումներն էլ միանգամայն բաւարար են նրա համար։ Համոզուելու համար բաւական է նայել խաղից յետոյ այն կենդանացած դէմքերին, այն փայլուն աչքերին, որոնք ապացոյց են, որ արիւնը ոյժով շրջւում է բոլոր երակներում, — նայել կրծքի ուժեղ բարձրանալուն ու իջնելուն, որը ցոյց է տալիս, թէ մկանների գործողութիւնը բաւական է եղել օդի ծարաւ յարուցանելու համար և ստիպել է երեխային մեծ բանակութիւնով թթուածին բարշել իր թորերը»։

Փոքր հասակում տարբերութիւն չկայ աղայ և աղջկայ մէջ ֆիզիկական կրթութեան տեսակէտից։ Մանկական խաղերը, քայլը, վազը, թռիչքները, գնդակախաղը և այլն հաւասարաչափ երկուսին էլ օգտակար են։ Բայց շուտով զանազանութիւնը որոշվում է։ Աղջկայ շարժումները շուտով դառնում են աւելի մեղմ և աւելի կշռուած։ Եւ, ճշմարիտ օր, աղջկայ ֆիզիկական բոլորովին սարքեր է, — նրա կոնքը աւելի կարօտ է զարգանալու, քան թե երբ։ Հետեւաբար թեւերի մարզութիւնները վնասակար են աղջկան, և բնազդումով սա չի սիրում թեւերի ծանր ու դժուար վարժումներ, այն ինչ վաղը, թռիչքները, պարը և այլն շատ անորոշութիւն են նրան։

«Այս գիտողութիւնների և անատոմիական տեղեկութիւնների վրա հիմնուելով, աղջիկների առողջապահութիւնը պահանջում է նրանց համար, բացի մանկական հաւարական խաղերից, նոյնպէս և պար, պարանի վրա թռիչքներ, վօլան, շրջանակ, դրօսանք։ Այս ամենը զարգացնում են աղջկայ փոքրի ու մէջքի մկանունները, այ-

սինքն տալիս են նրան գեղեցիկ իրան և լայն աւազան, որը անհրաժեշտ է առողջ ծնունդի համար:

«Քննած լինելով չորս հազարից աւելի երեխաներ թիֆլիսի ծխական դպրոցներում; մենք եկել ենք այն եզրակացութեան, որ միայն լաւ գրուած ֆիզիկական կրթութիւնը կարող է ուղղել այս խեղճերի աղաւաղուած, ծռմռուած մարմինը: Մեր դպրոցական աղջիկներից շատ քչերը իրանց «գրուտ են պահում»: Մեծ մասը անպատճառ մէկ կողքի վրայ են կանգնած, ողնաշարը ծռած, մի ուսը ցած, գլուխը մի կողմ թեքած,—նոյնը նկատվում է և նրստած տեղը: Դրա պատճառն այն է, որ նրանք մինչև անգամ երկու ոսի վրա կանգնել չգիտեն և ոչ երկու գաւակի վրա նստել... Դա մի վերին աստիճանի ցաւալի իրողութիւն է, որի վրա մենք հրաւիրում ենք մեր մանկավարժների ուշադրութիւնը: Այդ «արատաւոր դիրքերը» (attitudes vicieuses) մեծամեծ վնասների պատճառ են դառնում; և ամեն ջանք պէտք է գործ դնել ուղղելու դրանց: Իսկ այդ հնարաւոր է մի-

այն համապատասխան վարժումների միջոցով»:

Բայց բանի որ մեր աղջիկները ոչ միայն խաղալ չգիտեն, այլև կանոնաւոր շարժումներ չունեն, ուստի սկզբից պէտք է սովորեցնել երեխային մարմնի զանազան մասերը (թեւերը, ոտերը, գլուխը, ողնաշարը) մարզել: Այս մարզութիւնները մենք կ'անուանենք կրթական մարզումներ\*): Դրանք

\*) Բժ. Շրէյբերը (Schreiber) հետեւեալ պրօգրամն է տալիս.

- 1) Թեւերով շրջանական պտուտ անել — 20 անգամ:
- 2) Թեւն առաջ պարզել (30), — մի կողմը (30), — բարձրացնել (12), — 8 մինչև 10 խոր շնչառութիւն անել:
- 3) Մէջքը պարտել (30) անգ., — Տրորել ձեռները (80), — Ուղղել մէջքը (72), — Ոտը բարձրացնել և պարզել կողքանցի խոր շնչառութիւն:
- 4) Մտտեցնել ոտերը (8), — Պարզել և ծալել ոտերը (40), — Սղոցելու շարժումներ անել (30), — Մունկը առաջ բարձրացնել (12), — 8 մինչև 10 շնչառութիւն:
- 5) Թեւերը առաջ ու չետ զցել (10), — Պըպզել (24), — Երկու թեւերը կողքանց դուրս ու ներս զցել (100): 8—10 շնչառութիւն:
- 6) Փայտ ջարդելու շարժում անել (20), քաղ անելու — (24), — Վազվղել տեղն ու տեղը: 8—10 շնչառութիւն:
- 7) Ոտը չետ ու առաջ (24) և կողքանց զցել (24): Ըստ Շրէյբերի այս շարժումների շարքը հաւասար է 4—5 ժամ քաջլերուն:

պիտի կատարուեն այնպէս, որ ձանձրոյթ  
չպատճառեն երեխաներին.—Երբէք չպէտք  
է ստիպողական դարձնել նրանց:



Հետեւաբար պէտք է շատ մեղմ կերպով և աստի-  
ճանաբար վարժեցնել մանուկներին:  
Տե՛ս նոյնպէս Բժ. Բուրուղեանի «Մարմնամարզու-  
թիւնը»:

### XI

#### ՆԱՏԱՐԱՆ-ՍԵՂԱՆՆԵՐԸ

Ողնաւորի կորուսիւնները դպրոցներում անկանոն  
նստաւնների պատճառով.—Յարմարագոյն եւ ան-  
վնաս նստաւն-սեղանը: Դիտանցիայի նշանակու-  
թիւնը.—Սղիւսակ նստաւնի չափերը: Անվնաս գու-  
րիւնը.—Տան պարապմունքները:

Մատաղ հասակից սկսվում է մանկան  
համար մտաւոր աշխատութիւնը: Երբեմն  
չտապօղ ծնողները 5-6 տարեկան հասակից  
սկսած արդէն երեխային նստեցնում են սե-  
ղանի դէմ և գրել ու կարդալ են սովորե-  
ցնում: Միքիչ յետոյ երեխան տրվում է  
գպրոց, որտեղ նա անց է կացնում օրուայ  
մի որոշ մասը:


Այս ժամանակից սկսվում է մի վտանգալից շրջան երեխայի կազմնւածքի համար, որովհետեւ անկանոն նստելը պարպելու ժամանակ և անկանոն գրութիւնը կարող է առաջացնել սղնաշարի և կոնքի ծռումներ:

Դեռ 50-60 տարի առաջ շվէյցարական առողջապահները Ֆինչ, Ֆարնէր և Գիւլյոմ, ցոյց տուին, որ դպրոցական կեանքում, նստարանների անյարմարութիւններից առաջանում են սղնաշարի ծռումներ: Գիւլյոմի ասելով, աշակերտների 1/3-ը կորութիւններ է ստանում, Բեմբուլըբ աւելի ևս մեծ թիւ է տալիս, համարեա 50%, իսկ Պարովը մինչև 77% սովորող երեխաների:

Դպրոցական առողջապահութիւնն ըզբազուեց այս խնդրով և առանձին խնամքով սկսեցին ուսումնասիրել նստարանների խընդելը:

Ամենից առաջ որոշուեց, որ սեղանն ու նստարանը պիտի կպած լինեն, կամ այնքան ծանր, որպէսզի երեխան չկարողանայ նրանց իրարից հեռացնել կամ մօտեցնել միմեանց, և երկրորդ, որ սեղանի և նըս-

տարանների չափերը պիտի համապատասխանեն աշակերտի հասակին: Շատ կարեւոր են հետեւեալ չափերը (նկ. 4):



Նկ. 4.

Կանոնաւոր սեղան-նստարան բացասական դիտանցիալով:

- ա-բ. Սեղանի առջևի (կամ դրսի) եզրը:
- բ-գ. Սեղանի լետին (կամ ներքին) եզրը:
- գ-ե. Գիֆֆերենցիա կամ տարբերութիւնը:
- է-դ. Նստարանի բարձրութիւնը:
- ե-զ. Նստարանի խորութիւնը:
- է-է. Բացասական դիտանցիալ:
- ա-թ. Տախտակի հորիզոնական մասը:
- թ-ը. Տախտակի թեք մասը:
- ժ-ի. Գրքակալ:
- լ-զ. Թիկունքի բարձրութիւնը:
- խ. Ոտերի նեցուկ:

1. Նստարանի բարձրութիւնը (է—դ) պիտի այնքան լինի, որ նստողի օտերը հանգիստ գետնին հանգչեն: Առհասարակ նա պիտի հաւասար լինի մանկան հասակի 2/7-ին:

2. Նստարանի լայնութիւնը կամ խորութիւնը (լ—զ) այնքան պիտի լինի, որ սրունքները ազատ կախ ընկնեն և նստարանի եզրը չսեղմի ծնկան խողովը: Նա հաւասար է մանկան 1/5 բարձրութեան:

3. Դիփփերենցիան (սարբերութիւն) (է—ը) սեղանի տախտակի եզրի բարձրութիւնն է նստարանից: Տղաների համար նա հաւասար է հասակի 1/6-ին, իսկ աղջիկների համար պէտք է այս չափին աւելացնել 2 սանտիմետր հագուստի հաստութեան պատճառով:


4. Դիսանցիա (հեռաւորութիւն) (ի—է) կոչվում է նստարանի հորիզոնական հեռաւորութիւնը սեղանից: Նա պէտք է բացասական լինի, այսինքն. նստարանի եզրը պէտք է մի քիչ սեղանի սակը մտնի, այնպէս որ, եթէ մի գիծ իջեցնենք սեղանի եզրից, այդ գիծը ընկնի նստարանի վրա

և կտրի նրանից մի մասը, որը սեղանի տակն է մնում: Այս մասը պիտի ունենայ 5 սանտիմետր երկարութիւն: Երբոր աթոռը հեռու է սեղանից, դիտանցիան դրական է, այսինքն յիշած գիծը չի ընկնում նստարանի վրա, այլ նրանից առաջ: Դիտանցիան ահագին նշանակութիւն ունի աշակերտի ուղիղ թէ արատաւոր նստելու վրա: Երբ նստարանը սեղանից հեռու է, նստողը պիտի թեքուի դէպ առաջ, որից շուտով յոգնում է, կուրծքը դիպչում է սեղանի եզրին և այլն:

Սակայն բացասական դիտանցիայով դասասեղանները մի անյարմարութիւն ունեն, — այն որ երեխան անկարող է կանգնել ու դաս պատասխանել: Այդ դժուարութիւնը զանազան կերպով է հեռացնուում. — կամ սեղանի տախտակի մի մասը ծալվում է միւս մասի վրա (Պարովի սիստեմ), կամ ամբողջ տախտակը յետ ու առաջ է քաշվում (Կանցէի սիստեմ), կամ թէ չէ նստարանն է յետ դրվում, երբ երեխան վեր է կենում:

Միայն այս ձևի նստարանների վրա

մանուկը կարող է ուղիղ նստել եւ ուրեմն չվնասել իրան (նկ. 5.):



Նկ. 5.

Կանոնաւոր դիրք բացասական դիտանցիա ունեցող դասասեղանի վրայ

Ինչպէս վերեւն ասել ենք, մանկան հա-

սակին (բարձրութեանը) պիտի համապատասխանեն դասասեղանների չափերը:

Բերում ենք այստեղ պրոֆ. Էրիսմանի մի մանրամասն աղիւսակ, որի մէջ մանկան հասակի հանդէպ դրուած են նստարանների չափերը (տ. էջ 146):

Սակայն ամենայարմար նստարանների վրա էլ նստած երեխան կարող է ծուր իր ողնաշարն ու կոնքը, եթէ գրութիւնն անկանոն է:

Միզիօլոգիան կանոնաւոր ու անվնաս է համարում այնպիսի գրութիւնը, երբ տառերի հիմնական շարիխները ուղղահայեաց են երկու աչքերի միջով անցնող գծին, իսկ երբ երեխան ուղիղ է նստած, այս գիծը զուգահեռական է սեղանի եզրին:

Այստեղից դուրս է գալիս, որ ընդունելու է ուղիղ (և ոչ թէ թեք) գրութիւնը, ուրիշ խօսքով. երեխան այնպէս պիտի գրի, որ տառերը թեք չլինեն, այլ ուղիղ:

Գրութեան միջոցին հարկաւոր է պահպանել հետեւեալ պայմանները:

1) Տետրակը պէտք է գրուի ուղղակի գրողի կրծքի առաջ, ոչ աջ և ոչ ձախ. 2) Ե-

ԱՂԻՐԱՍԱԿ ԷՐԻՊՄԱՆՆԵՐ  
Տղաների համար.

մուլքիսը -ում վիսեգոյ վմգաս	15
նվղտտտող նվմն վիսեգոյ վմգաս	12 12 14 15 20 20 25 25
նվղտտտող տաղչ տոլտա թմն	10 10 10 10 16 12 12 12
մուլք -աղյում վտտիտմն	20 20 22 22 22 24 24 24
մուլք -աղյում վժղսիվթ	7 7 8 8 8 8 8 8
նգո թրամտաղչ վմ -նդ վղտզի վժղսիվթ	20 20 22 22 24 26 26 30
մուլք -ամջմոմ վժղսիվթ	20 22 22 24 25 28 30 30
մուլքիլմա -տաղչ) տվեղտտոյն	5 5 5 5 5 5 5 5
մուլքիլմա -մտա) տվեղտտոյն	18 20 22 24 24 26 28 28
մուլք -ամսոյ վղտտտտոյ	25 27 29 31 33 33 35 35
մուլք -ամջմոմ վղտտտտոյ	28 32 36 40 44 44 48 48
մտրոյ վտտիմյ մղյվթնամտիմյ նդո	110 110 120 120 120 120 130 130
թրաղյում ոտր դտտող -անվմն տոլտա նդո	10 10 10 10 10 10 10 10
մուլքիլմա -թղթ վղտտտոյ նդո	40 40 40 40 40 40 45 45
նվղտոյ մղ -վթնամջմոմ վղտնդո	46 52 58 64 64 70 76 76
նվղտոյ մղ -վթնամջմոմ վղտնդո	52 58 64 70 76 82 82 82
միտտոյ վաղտմղիտն	I 109—120 II 120—130 III 131—142 IV 142—153 V 153—164 VI 164—175

Ա Ղ Ի Կ Ն Ե Ր Ի Հ Ա Մ Ր

15	15
12 12 14 15 20 20 25 25	12 12 14 15 20 20 25 25
10 10 10 10 16 12 12 12	10 10 10 10 16 12 12 12
20 20 22 22 22 24 24 24	20 20 22 22 22 24 24 24
7 7 8 8 8 8 8 8	7 7 8 8 8 8 8 8
20 20 22 22 24 26 26 30	22 24 26 28 30 30 32 32
20 22 22 24 25 28 30 30	22 24 26 28 30 30 32 32
5 5 5 5 5 5 5 5	5 5 5 5 5 5 5 5
18 20 22 24 24 26 28 28	20 22 24 26 28 28 30 30
25 27 29 31 33 33 35 35	27 29 31 33 35 35 37 37
28 32 36 40 44 44 48 48	28 32 36 40 44 44 48 48
110 110 120 120 120 120 130 130	110 110 120 120 120 120 120 120
10 10 10 10 10 10 10 10	10 10 10 10 10 10 10 10
40 40 40 40 40 40 45 45	40 40 40 40 40 40 40 40
46 52 58 64 64 70 76 76	48 54 60 66 66 72 78 78
52 58 64 70 76 82 82 82	54 60 66 72 78 84 84 84
I 109—120 II 120—131 III 131—142 IV 142—153 V 153—164 VI 164—175	I 109—120 II 120—131 III 131—142 IV 142—153 V 153—164 VI 164—175

բերան պէտք է ուղիղ նստի—կոնակը նըստարանի թիկունքին և երկու ձեռները մինչև արմունկները սեղանի վրա, այնպէս որ արմունկները սեղանի վրա չլինեն, այլ կախ մնան. 3) Ոտերը պէտք է կամ յատակին հասնեն կամ առանձին պատուանդանին. 4) Գլուխը պէտք է միշտ բարձր և ուղիղ պահուի, տետրից 25—30 և աւելի սանտիմետր հեռու. 5) Աչակերտը երբէք չպիտի կուրծքը սեղանին դիպցնի, այլ գոնէ 8—4 սանտ. նրանից հեռու պահի. 6) Տեառի հիմնական գծերը պիտի ուղղահայեաց լինեն սեղանի եզրին:

Այդ են առողջապահութեան արած պահանջները, և այդ պահանջներին լիուրբ բաւարարութիւն պիտի տայ դպրոցը \*):

Սակայն երեխան տանն էլ պիտի ժամերով նստած գրի ու կարդայ: Հետեւաբար տանն էլ պէտք է նստարանի ու սեղանի չափերը գոնէ մտաւորապէս այն լինեն, ինչ որ մեր առաջ բերածները:

Ամենից յարմարը ի հարկէ կը լինէր

\*) Մանրամասնութիւնների համար տ. իմ «Գլուր-ցական առողջապահութիւնը», Թիֆլիզ, 1895.

այդպիսի սեղան ձեռք բերելը: Բայց բանի որ աղջիկը մեծանում է, այժմ շինում են նաեւ այնպիսի նստարաններ ու սեղաններ, որոնց բոլոր չափերը փոփոխելի են— այսինքն. նրանց կարելի է բարձրացնել, ցածացնել, դիֆֆերենցիան փոփոխել, միայն դիստանցիան է, որ պիտի միշտ բացասական մնայ: Ցաւակցաբար այսպիսի սեղաններ թանգ արժեն և մատչելի են ունեւորներին միայն: Աղքատ ընտանիքներում պէտք է աշխատել ունեցած սեղանով ու աթոռներով այնպէս յարմարուել, որ մատաղահաս աղջիկը ուղիղ պահի իրան, առանց ծռումուելու:

Դրա համար աթոռը կամ տաբուրէտը (նստարանիկ) այնպէս դրէք, որ եղբր սեղանի տակը մտնի: Եթէ երեխան փոքր է, աթոռի վրա կոշտ բաներ դարսեցէք, օրինակ գրքեր կամ տախտակներ, և որպէսզի տաբուրէտը կախ չընկնեն, տակը մի ցած տաբուրէտ դրէք:

## XII

### Ա Ղ Զ Կ Ա Յ Հ Ա Գ Ո Ի Ս Տ Ը

Յայն եւ Հոովմայեյի կնոջ հագուստը.—Սյժմեան հագուստի գլխաւոր մասերը.—Կօրոէի ծագումը.—Կօրոէք իբրեւ մի վնասակար ապագաս.—Նրա սեղմումից առաջացած վնասները աղջկայ կազմուածքի համար.—Շնչառութեան եւ արեան օրջանառութեան խանգարումները, որովայնի գործարանների ձեւուելն ու սեղանի լինելը եւայլն.—Կօրոէի ազդեցութիւնը աղջկայ սիւնների վրա.—Ջանազան կապերի վնասները եւ այժմեան իւրկաների անյարմարութիւնները.—Շէլէճներից առաջացած վնասները.—Սյժմեան սպիտակեղէնն ու ոսկամանները.—Քաղտ կանացի կոսիւմի դէմ զանազան երկրներում.—Սնունդակամ բեժումները.—Ինչ պէժ է դառնայ կնոջ կոսիւմը անվնաս լինելու համար.—Մեր գաւառական կանացի հագուստը առողջապահական տեսակէտից.—Լիճը եւ նրա զանազան ձեւերը.—Նոր ձեւի իւրկան եւ կօբիկները:

Աղջիկ-երեխայի հագուստը չպէտք է տարբերուի տղայի հագուստից մինչեւ որոշ հասակ:



Հին աշխարհում երկու սեռի պատանիներն էլ միեւնոյն տեսակ էին հագնվում:

Հագուստը բաղկացած էր մէկ կամ երկու լայն կտորներից, որոնք ազատորէն և որոշ ճաշակով փաթաթում էին մարմինը ուսերից մինչեւ սրունքները, բնքշութեամբ ուրուագծելով կանացի ձեւերը: Տակի կտորը (տունիկա), սերտ կպչում էր մարմինն, իսկ վրայինը բոլորովին ազատ փոնթերով իջնում էր ուսերից:

Կլասսիկ կինը չգիտէր ճնշել իրան զանազան կապանքներով, տեսմաներով, կորսէաներով և այլն: Մի գօտի միայն երբեմն գրկում էր իրանը խիտոնի վրայով, և նպատակ ունէր միայն հագուստը քիփ պահելու:

Փրանկների կանայք սկսեցին աւելի սեղմել տունիկայի վերին մասը այն աստիճան, որ կպաւ մարմինն և պարզ յայտնագծեց կնոջ իրանն ու կուրծքը:

Այնուհետեւ կանացի կոստիւմը զարմանալի փոփոխութիւնների է ենթարկվում, և տարազը իր երկար պատմութիւնն ունի:

Գլխաւոր յեղափոխութիւնը կայանում է նրանում, որ հին տունիկան կարծես կիս-

վում է, և կանացի հագուստը երկու մասի է բաժանվում, վերեւի մասը—լիֆ, կամ կորսած ու ներքեւի մասը—իւրկան: Յետոյ վերեւի մասը սկսում է ձեղքուել առաջուց կամ յետեւից կամ կողքերից, որպէսզի հընար լինի ձգձգել նրան ու աւելի եւս ընդլիճ կերպով տեսանելի անել կնոջ կրծքի անյարթութիւնը: Յետոյ մէջտեղ են գալիս կետի բեղերը կամ պողպատէ ձողերը, որ հագցնում են կորսածի մէջ, որպէսզի աւելի ձիգ պահեն բիւստը, այսպիսով իրանը աւելի եւս սեղմուեց ու բարակեց: Այս է կորսէսի ծագումը:

Հուպ տուած ու բարակացրած իրանը աւելի ընդլիճ կերպով ընդգծում է կուրծքըն ու ազդրերը, կանացի այդ ֆիզիկական հրապոյրները, և կնոջ հանճարը գտաւ կորսէսը, որը մի հեղինակ ոչ թէ հագուստեղէն, այլ ապպարուս է անուանում:

Օրիորդը և կինը տանջվում են կորսէտից, զգում են նրա ահագին վնասները, բայց և այնպէս երբէք չեն կամենում ձեռվերցնել նրանից, հետևելով մի Ֆրանսուհու սրախօսութեանը, թէ «եթէ ուզում ես գեղեցիկ երևալ, պիտի տանջուես»:

Կօրսէտը դառաւ կնոջ հագուստի անհրաժեշտ և գուցէ ամենակարևոր մասը, մինչ այն աստիճան, որ առանց նրան փողոց դուրս գալը և հիւր ընդունելն անգամ անպարկեշտութիւն է համարվում:

Այն ինչ նա մեծամեծ ֆրամներ է հասցնում մանաւանդ աղջկան:

Կօրսէտի դերը կայանում է նրանում, որ սեղմելով իրանը (տալիան) ու բարձրացնելով կուրծքը (ստինքները) ճոխացնում է բիւստը:


Գուցէ և շատ տղամարդիկ յափշտակուեն այդ կիսաշինձու հրապոյրներով, բայց սրբան թանգ է նստում այդ բանն աղջկան!

Նորատի աղջկայ մօտադ, նազուկ կուրծքը, որի կողերը դեռ գուցէ ոսկրացած էլ չեն, որի մկանները դեռ թոյլ են, սեղմում են կոշտ ու կոպիտ ապպարատի մէջ, որը իր երկաթէ ձողերով դիք է պահում ամբողջ իրանը և մէջքը, սեղմում է կրծքի վանդակի ներքևի մասը, և այդպիսով կողերի ազատ ելևէջներին անյաղթելի խօշընդօտ դառնում:

Նայեցէք այս նկարներին:


Բնական ազատ շնչառութիւնը անկարելի է դառնում կօրսէտի մէջ, որովհետև սա, սեղմելով կրծքի վանդակի ներքևի մասը, մօտեցնում է իւրար կողերը և հուպ է տալիս ու կռկեցնում է թոքերի ներքևի (ամենամեծ) մասերը:

Սրանից հետևում է այն, որ կօրսէտ հագնող աղջկայ շնչառութիւնը չափազանց մակերեսոյ-



Նկ. 6.

Վեներայի բիւստը:



Նկ. 7.

Կօրսէտ հագնողի բիւստը: դնենք:

բային է դառնում. ուրիշ խօսքով, օդը չի տարածվում թոքերի բոլոր անկիւնները, ինչպէս ջուրը չի լցուի սպունդի բոլոր ծակերը, եթէ հուպ տուած սպունդը ջրի մէջ

Այստեղից պարզ է, որ այդ շնչառութիւնն անբաւարար պիտի լինի, իսկ սրահետեանքն այն է, որ արիւնը լաւ չի մաքրվում և դրանից առաջ է գալիս սրտի բաբախումն, գլխացաւ, գլխապտոյտ, ուշագնացութիւն և... մինչև անգամ մահ!

Այո, եղել են մահուան դէպքեր... կորսէտից.—մօզայի գոհեր!

Այդ դեռ բոլորը չէ:

Կորսէտի երկար գործածութիւնից առաջ են գալիս ընդհանուր առողջութեան խանգարումներ.—սակաւարիւնութիւն, ընդհանուր թուլութիւն, նուազումն և ներփային զանազան խանգարումներ!

Բացի այդ, կորսէտը համարեա անշարժ դարձնելով մէջքը ու խիստ սահմանափակելով կողերի ելեէջները, գրեթէ անշարժութեան է մատնում (գոնէ խիստ սահմանափակում է) մէջքի ու կողերի մկանները, հետեւաբար արգելում է նաև նրանց ամրանալուն ու զարգանալուն: Եւ այս կիսազարգացած մկանները պէտք է մեծ ճիգ գործ դնեն, որպէսզի կորսէտի տակից կարողանան կատարել շնչառութեան ակտը:

Հասկանալի է, որ նրանք շուտով պիտի յոգնեն, և այդ է պատճառը, որ կորսէտի մէջ սեղմուած կանայք միջանի ժամից յետոյ սաստիկ յոգնածութիւն են զգում և տուն վերադառնալիս կիսաուշաթափ մի կերպ դէն են գցում այս ինկուրիցիայի ապսպրատն ու վայր ընկնում անկողնու վրա:


Կորսէտը սաստիկ խանգարում է նոյնպէս արեան կանոնաւոր շրջանառութեանը:

Սեղմելով կուրծքը, կորսէտը սեղմում է նոյնպէս և անհամար մեծ ու փոքր երակներ ու զարկերակներ, որոնց մէջ արիւնը մեծ դժուարութիւնով է հոսում, իսկ այնտեղից դուրս քշուած արիւնը լըցվում է գլուխը, ստերը: Արեան այս անհաւասար շարժողութիւնը սաստիկ դժուարացնում է սրտի գործը, որը պիտի ճիգ թափի այս բոլորը կանոնաւորելու համար:

Հասկանալի է, որ եթէ կորսէտը հազցնուի աղջկան մատաղ հասակից, նրա սիրտը կը շեղուի կանոնաւոր զարգացումից, կ'արատաւորուի և կը հիւանդանայ:

Նայեցէք այս նկարներին: Ահա կորսէտով մեծացած աղջկայ ներքին գործարանները (նկ. 8):


Նկար 9-ը ներկայացնում է կորսէտ հագնող կնոջ ներքին օրգանների դիրքը:



Նկ. 8.

a. ստամոքս, b. հաստ աղիք, c. փայծաղ.

Տեսէք, ի՞նչպէս սեղմուած են որովայնի գործարանները, ի՞նչպէս ճնշուած են նրանք: Ամենից շատ տուժում են ստամոքսն ու լեարդը, — ստամոքսն անկարող է



Նկ. 9.

a, b, նոյնը, ինչ որ նկ. 9, c. փայծաղ (շատ իջած): Ստամոքսից դէպի ծախ մի մեծ գործարան, որը լեարդն է և կողերի սեղմումից այժմ իջել է որովայնի վրա:

լինում բաւականաչափ լայնանալ ուտելու ժամանակ (գրանից առաջ է գալիս սրտնեղութիւն, սրտխառնութիւն և փսխումն), իսկ լեարդն ուղղակի տեղահան է լինում, դուրս է գալիս կողերի տակից ու ընկնում է ուղղակի հէնց կորսէտի ճնշման տակ: Դրանից առաջանում է լեղիի անկանոն գոյանալն ու արտադրումն (որից մարսողութիւնը սաստիկ խանգարվում է). լեղիի պարկի մէջ գոյանում են բարեր եայլն:

Տեղից հանած լեարդը իր ամբողջ ծանրութեամբ սեղմում է փորի միւս գործարանների վրա, իջեցնում է նրանց, ծանրանում է երակների ու ներվերի վրա և հարիւր տեսակ ցաւեր ու խանգարումներ առաջացնում:

Միբանիսի կարծիքով կորսէտը տեղահան է անում նոյնպէս և երիկամունքները:

Պրոֆ. Իվանովսկին, կանանց դիակներ հատելիս, շատ յաճախ գտնում էր լեարդի վրա մի խոր ակօս, որը կապերից էր առաջացել: Ինքը լեարդն այդ տեղում յարատև բորբոքման մէջ էր, իսկ ակօսից ցած մասը երկարացած էր և իջած:

Արեան շրջանառութիւնը ճնշուելով աղիքների մէջ, դժուարանում է նաև նըրանց բնական շարժողութիւնները, որոնք անհրաժեշտ են լաւ մարսողութեան համար:

Այս բոլոր խանգարումների վրա պէտք է աւելացնել նաև սեռական գործարանների ճնշման վատ հետեանքները: Պէտք է գիտենալ, որ մատաղահաս աղջկայ զաւակատունը կանքի մէջ չէ պարունակվում, այլ աւելի բարձր է դրուած: Հասկանալի է ուրեմն, որ կորսէտք պիտի նրան էլ ճնշի ու նրա մէջ ևս խանգարի արեան կանոնաւոր շրջանը, որից կարող են առաջանալ սեռական գործարանների գրգռումն, գուցէ և գաշաանի վաղաժամ բացուելը:

Մի երկու խօսք եւս կորսէտի ազդեցութեան մասին աղջկայ ստինքների զարգացման վրա:

Աղջկայ ստինքները վերին աստիճանի կարեւոր օրգաններ են, և նրանց կանոնաւոր զարգացմանը ոչ մի արգելք չպէտք է դրուի: Այն ինչ կորսէտք բարձրացնում է նրանց ու սեղմում կրծքին: Մատաղ հասակից կորսէտ հագնող աղջիկների կուրծքը

ազատ չի զարգանում և փոքր է մնում, երբեմն այնքան փոքր (տափակ կուրծք), որ մայր գառնալիս այդ աղջիկը անկարող է լինում ծիծ տալ իր զաւակին: Հետագօտութիւնները ցոյց են տուել, որ շատ նորատի աղջիկներ, ամաչելով հասունութեան այս նշանից — կրծքի զարգանալուց —, ամուր սեղմում են կուրծքը լիֆով ու կօրսէտով, և մինչեւ անգամ կրծքի վրա են պառկում, որպէսզի արգելեն ստինքների մեծանալը: Կիանովսկին նկատել է այդ բանը աղջկերանց փակ ուսումնարաններում (ինստիտուտներում): Կօրսէտք բացի դրանից գրգռում է նրա պտուկները (որոնք շատ զգայուն են), որով վաղաժամ կերպով տափական զգացողութիւն է յարուցանում աղջկայ մէջ:

Կօրսէտի գործածութիւնից առաջանում են մի շարք ուրիշ խանգարումներ, ինչպէս են. կողացաւեր, մէջբացաւեր, աչքի հիւանդութիւններ, նոյնիսկ տեսողութեան պակասումն, և այլն:

Կօրսէտի նման (ի հարկէ ոչ այն աստիճան բարդ կերպով) ազդում են և զանազան կապերը (վարտիքի և իւրկաների), ո-

րոնք նոյնպէս սեղմում են փորը և նոյնպէս սաստիկ ճնշում են որովայնի գործարանները: Եւ յիրաւի, իւրեկաների ահագին ծանրութիւնը կախում է այդ կապերից և ձրգում է նրանց, որով կապերն աւելի եւս խրվում են մնի մէջ: Առաջուայ ժամանակները իւրեկաների մէջ երկաթէ շրջանակներ էին հագցնում (կրինօլին), իսկ այժմ հասարակ դէյրաներին երկար պոչեր են թողնում.—այս բոլորը սաստիկ ծանրացնում է ներքեւի հագուստը, և այդ ամբողջ ծանրութիւնն ընկնում է կապերի վրա: Իւրեկաները, որ կինը այսքան զոհաբերութիւններով է կրում, մինչեւ անգամ տաք էլ չեն պահում նրա ներքեւի մասերը: Միշտ իւրկայի և ոտերի մէջ օգը ազատ խաղում է, իսկ երբ միքանի տաք իւրեկաներ են հագնում, այն ժամանակ փորը, յետին մասերը և առհասարակ գաւակային մասը և սեռական գործարանները սաստիկ տաքանում են. մի բան, որ շատ փաստակար է:

«Մեզնից ամեն մէկը տեսած կը լինի, ինչպէս կինը փողոցով գնալիս, մի ձեռով բարձրացնում է իր հագուստի փէշերը, ասում է տիկին Ագամս, բայց շատ բզեքը

գիտեն, որքան ոյժ է ապարդիւն կերպով կորցնում այդ կինը, ինչպէս յոգնում է և որ աստիճան վատանում է նրա արամադրութիւնը,—այն աստիճան, որ յաճախ նա մերժում է դուրս գալ ցեխոտ և թողոտ օրերը որպէսզի ստիպուած չլինի այդ ծանրութիւնը ձեռով բարձրացնելու»:

Աւելացրէք սրա վրա և այն, նոյնպէս ապարդիւն, աշխատանքը, որը ընկնում է ամեն քայլափոխին կնոջ ոտերի վրա փաթաթուած իւրեկաների ծանրութիւնը առաջ դցելուց, և դուր կը ստանաք, ճիշտ որ, մի գրութիւն, որը կարող է ուղղակի տանջալից համարուել:

Աւելացնենք, որ շէյֆները և առհասարակ երկար հագուստը ու իւրեկաները գետինն աւելելով փոշի են բարձրացնում, փոշի, որ կինը իր տունն է տանում և կուլ է տալիս թէ ինքը և թէ երեխանները, իսկ այդ փոշու մէջ կարող են լինել նաեւ վարակիչ միկրոբներ:

Բայց այս բոլորը չէ:

Աղջկայ սպիտակեղէնը նոյնպէս սաստիկ տարբերուել է տղամարդինից: Ծառկի

օձիքը խոր կտրուել է և մերկացրել է կըրծ-  
քի ու մէջքի վերին մասերը, թեքերը բո-  
ւորովին անհեռացել են և ամբողջովին բա-  
ցել կռները և ուսերը: Յետոյ շապիկը շա-  
փազանց երկարել է, փոնթեր է անում ո-  
տերի վրա և խանդարում է ազատ բայլուած-  
քը: Վարտիկի գործածութիւնը համարեա  
վերացել է, գոնէ տաք եղանակներին, և  
սրունքները ու առհասարակ մարմնի ներքեի  
մասերը բացուել են թողի ու քամու առջև.  
— հագած վարտիկներն էլ այնքան լայն  
ու կարծ են լինում, որ չեն պահպանում  
սրունքները ցրտից ու փոշուց: Մինչև ան-  
գամ գուլպաների (չուլիկի) հագնելու եղա-  
նակը փաստակար է, որովհետև ամբացնում  
են ծնկներից վեր ընտինի սեղմող օղերով,  
որոնք խանդարում են արեան ազատ շըր-  
ջառութիւնը ստերի մէջ, իսկ յայտնի է, որ  
ոտերի երակների մէջ արիւնը առանց այն  
էլ շատ գժուար է շրջում, շնորհիւ նրանց  
հեռաւորութեանը սրտից:

Ոտամանները նոյնպէս իրանց բնական  
ձևից շեղուել են: Հները—թէ կին թէ տը-  
ղամարդ—սանդալներ էին կապում օտե-  
րին, ինչպէս այժմ չարուխներ: Նրանք

կրունկ չունէին, չէին սեղմում մատերը և  
չէին աղաւաղում ոտերը: Նրանք չէին պա-  
հում ոտերը անթափանցիկ պարկի մէջ ու  
չէին խաշում նրանց իրանց սեփական բըր-  
տինքում, այլ ազատ էին թողնում նրանց և  
ընտելացնում էին եղանակի փոփոխութիւն-  
ներին:

Այսօր ևս մեր գիւղական տղամարդ ազգ-  
աբնակութիւր բրդէ դուլպա է հագնում ու  
վրայից չարուխ է կապում, և ամառ-ձմեռ այս  
է նրա ոտամանը: Կանայք ևս դեռ շատ տե-  
ղեր մասերով ու չուստերով կամ քոշերով են  
ման դալիս, բայց քաղաքային ազգաբնա-  
կութիւնը վաղուց արդէն նրբացրել է իր  
ոտերը կօշիկներ հագնելով, և ամենաթե-  
թեւ խոնաւութիւնն ու քցուրտը սաստիկ  
մրսեցնում են նրան և հիւանդացնում:

Այդ դեռ ոչինչ: Կինը տղամարդուն  
հաճոյանալու համար փոքրացրել է կօշիկները,  
որպէսզի ոտերը ևս փոքրանան, և ահագին  
կրունկներ է կպցրել, որ հասակը երկա-  
րի... Ս. յատեղից մի շարք աղաւաղումներ,  
որոնց վրա չենք կարող երկար կանգ առ-  
նել:

Կանացի հագուստը այսպիսով քանի զնաց աւելի հակառողջական դառնաւ: Առողջութիւնը զո՛հ զնաց մօղային ու տղամարդուն հաճոյանալու ձգտմանը և սերունդները տուժեցին:

Առաջին ձայնը կնոջ կոստիւմի (հագուստի) աննպատակայարմարութեան դէմ՝ բարձրացաւ Ամերիկայում: լուրջ ու գործնական նորաձեւութիւնների այս երկրում, որտեղ տիկին Քինգի ջանքերով հիմնուեց «նպատակայարմար հագուստի ընկ.»: Ընկերութեանը վիճակուած էր նոյն իսկ այնպիսի առաջադէմ երկրում, ինչպիսին է Ամերիկան, մաքառել մօղայի դէմ, բայց նա չընկճուեց և ութսունական թուականներին այդ գաղափարը տարածուեց Ամերիկայում:

Ամերիկայից շարժումն դէպի կանացի կոստիւմի ընթացքը անցնում է Անգլիա, որտեղ մենք գտնում ենք Լէդի Հարբերտընին, յետոյ Ադամս ու Հանկօքին. այնտեղից Շվեդիա և Դանիա, և այժմ Եւրոպայում: նոյն իսկ Ռուսաստանում գոյութիւն ունեն նոյնանման ընկերութիւններ:

Հագուստի ընթացքի գաղափարը կանգ

չի առնում: առողջապահութեան պահանջները տարէց տարի աւելի և աւելի հասկանալի են դառնում ժողովրդին, և այժմ մեծ ընթացքով սկսուել է ամեն տեղ, որովհետև կանայք իրանք զգացել են ժամանակակից հագուստի փաստակարութիւնը թէ իրանց և թէ սերունդների համար:

Կնոջ իդէալական հագուստը պէտք է շատ մօտենայ տղամարդու կոստիւմին, որը համապատասխան է առողջապահութեան ցուցմունքներին: Կորսեաներն ու իւրկաները պիտի դուրս վաճառեն կնոջ հագուստից և պիտի վերականգնուի կրծքի, փորի և ոտերի ազատութիւնը: Վերստիպեղը մասամբ իրագործել է այս իդէալը: Սակայն, ի հարկէ, մենք դեռ ևս հեռու ենք մի հիմնական ընթացքից և պէտք է բաւականանանք ընդհանուր:

Այս քիչը պահանջում է, որ հագուստը հեշտ հագնուի ու հեշտ հանուի, որ նա չսեղմի ոչ կուրծքը, ոչ փորը և ոչ էլ մկանները, որ փափուկ կտորներից կարած լինի, շատ փոնթեր չանի մարմնի վրա, թեթեւ լինի և գրկի անդամները (որով տաք կը պահի նրանց):

Այս պայմանները նամանաւանդ ան-



հրաժեշտ են մատաղահաս աղջկանց համար:

Ի հարկէ, հարկ չկայ որոշ տարազ տալ աղջիկներին և կանանց: Իւրաքանչիւր կին իր ճաշակն ունի, և որոշ ինքնուրոյնութիւն պէտք է լինի հագուստների մէջ, որպէսզի նրանք յարմարուեն իւրաքանչիւրի կազմուածքին: Առողջապահութեան պահանջն այն է, որ կինը ղեկավարուի յիշած սկզբունքներով:

Գաւառական և գիւղական հայ աղջկայ զգեստը շատ աւելի նպատակայարմար է առողջական տեսակէտից, իր լայն վարտիկներով, իր կարճ անթարիով ու գոգնոցով և, որ գլխաւորն է, կորսեալի բացակայութիւնով: Առողջապահական կանոնների դէմ այդ տարազը մեղանշում է կապերի առատութեամբ և եւրոպական ճաշակին մի բանի անդուրալի յատկութիւններով. երբեմն սոտերի և սրունքների մերկացումով, իրանի և կրծքի ծածկուածութիւնով \*):

Յաւալի, շատ ցաւալի է, տեսնել կնոջ աւանդական տարազի չբանալն և նրա փոխարինումն եւրոպական հագուստով:

\*) Մի բան, որ միանգամայն հակառողջական և սոցիալ է, այդ գլխի կապերն են, որոնք բոլորը տաքացնում են գլուխը, արգելելով քրտնքի գոլորշիանումն:

Սակայն հոսանքը այնքան զօրեղ է, որ նա սրբում է-տանում ամեն ինչ և հայ ժողովուրդը իր լեզուի, իր պաշտամունքների հետ միասին ելեկտրական արագութեամբ բարձի թողի է անում նաեւ իր տարազը:


Գոնէ փրկենք մատաղ սերունդը կորստների աղաւաղումից:

Սյժմ ամեն տեղ ընդունուած է մանուկների համար լիճ կոչուած բաճկոնիկը, որը հագցվում է շապիկի վրայից: Լիճի վրա պիտի կոճկուեն իւրեկաները և վարտիկը.—այդպիսով փորն ու կուրծքը չեն ճընշվում և ծանրութիւնը ուսերի ու գոտիկի վրա է ընկնում:

Շվեդական լիճը կարվում է բրդէ կտորից, նոյնպէս և մետաքսից: Նա այնպէս պէտք է կարուի, որ գրկի իրանը ու կուրծքը, բայց չսեղմի (տ. նկ. 10):

Գանձական լիճը խիստ նման է առաջինին և տարբերվում է նրանից միայն առաձգականութեամբ, որովհետեւ կարվում է ձգուող կտորից, այն է բրդէ գործուած էրից: Շատ գեր աղջիկների համար յետեւից մի բանի կէտի բեխեր են հագցնում մէջը

(КИТОВЫЙ УСЬ). կայ և անգլիական լիֆ (տ. նկ. 11):



Նկ. 10.  
Շվեդական լիֆ:


Առհասարակ բոլոր լիֆերը պէտք է փոսեր ունենան ծծերի համար, որպէսզի սրանք չսեղմուեն:



Նկ. 11.  
Անգլիական լիֆ:

Եւ նա առաջարկում է փոքրերի համար լայն

գօտի, որը կոճկվում է յետեւից և որի վրա ամրանում է ներքեւի հագուստը: Գօտին կախ է երկու զոլերից, որոնք անցնում են ուսի վրայով ու, մէջքի վրա խաչուելով, կոճկվում են գօտիկին:



Նկ. 12.  
Լիֆ-վարտիկ:

Գեռահաս աղջիկների համար ամենից յարմար հագուստն է լիֆ-վարտիկը, որը մի կտորից է կարվում և փոխարինում է շապիկը, վարտիկն ու լիֆը միասին (տ. նկ. 12):

Կարելի է վիզը բաց թողնել և թեւերը կարճ անել: Բայց աւելի լաւ է (մանաւանդ ձմեռը), որ ծածկուած լինի: Կարում են նուրբ սպիտակ բրդէ կտորից կամ սպիտակ ֆլանելից, նոյնպէս եւ քաթանից: Եղանակին յարմարուելով, կարելի է և կանափի ու բամբակէ գործուածքներից կարել: Այս լիֆ-վարտիկը միանգամից հագցնվում է ու հանվում և նրա վրա ամրացնվում է իւրեկան:



Նկ. 13.

Սոողջապահիկ իւրեկա:

Իւրեկան այն ձեւով պէտք է կարուի, որպէսզի պաշտպանի ներքեւի մասերը ցրտից ու փոշուց:

Իւրեկայի փէշերը միանում են միմեանց շէնքերի արանքով և միեւնոյն ժամանակ չեն կորցնում իրանց ձեւը (տ. նկ. 13):

Աղջկայ երկար գուլպաները երբէք չը պէտք է սեղմուեն սրունքներին րէտինէ

օղակներով, այլ կապուեն վարտիկի փէշից կամ (աւելի լաւ) լիֆից:

Կօշիկները պէտք է արձակ լինեն և շատ ցած կրունգով, տակը միայն կաշի, իսկ եւրեսը մահուղ, որովհետեւ մահուղը աւելի թափանցիկ է:

կում, նա զարթնում է և զարթնելիս մի պահանջող, բռնակալ ոյժ է դառնում օրգանիզմի ընդհանուր կեանքի մէջ:

Մանկական խաղաղ բուսական գոյութեան մէջ մի անսովոր, տագնապալից անհանգստութիւն, յուզիչ, հրատապ վրդովմունքներ են մուտք գործում, տարօրինակ զգացողութիւններ, գայթակղեցնող մտքեր, անզուպելի հակումներ, ընդունակութիւնների ու ձգտումների ուժգին լարումն և ուզելի գերաշխատութիւնն,—ամբողջ օրգանիզմի զսպանակային ձգաւորութիւնն.—ահա այն անորոշ, նախազնաց նշանները, որոնք սեռական հասունութեան առաջին սուրհանգակներն են, սեռական նորաբողբոջ կեանքի գարնան աւետարելք ծիծեռնակները:

Նրանք աւետում են, որ մի նոր արև է ծագում պատանու մատաղ կեանքի հորիզոնին, արեւ,—որի ջերմութիւնից բացվում է կոկոնը, հոտաւէտ՞ու գունաւոր դառնում վարդի թերթիկները և հիւթով լըցւում է ամբողջ ծաղիկը.

Տաս-տասնհինգ տարի մանկական օրգանիզմը աճում է, փարթամանում, նրա հետ զարգանում են նաեւ սեռական բարգ

XIII

Գ Ա Շ Տ Ա Ն | Ը

Հասունութեան գործած կոսրումն աղջկայ օրգանիզմի մէջ.—Հների և արդի կիսավայրենի ազգերի հայեացքը աղջկայ ամսականի վրա.—Պաշտօնային արեանը վերագրած գերբնական ոյժը.—Պաշտօնաւոր կնոջ անմահութեան գաղափարը.—Նրա առանձնացումն, իբրեւ պիղծ էակի.—Պաշտօնի երեւոյթ և աղջկայ հասութիւնը.—Սուաշին «յուսնի» օտնելը կիսավայրենիների մէջ:

Հեռատես ընտելութիւնը դեռ արդանդի սաղմի մէջ դրել է աճման ու բազմանալու գործարանները. թէ տղայ և թէ աղջիկ սաղմը կրում են արդէն իրանց մէջ սեռական կեանքի սկզբնական տարրերը:

Սակայն սեռական կեանքը երկար մանկական տարիների ընթացքում քնած է մնում թէ տղայի և թէ աղջկայ մէջ և որոշ հասակում միայն, պատանեկան հասա-

գործարանները, որոնք կամաց-կամաց պատ-  
րաստվում են մայրութեան դժուարին դերի  
համար:

Եւ աղջկայ նրբակազմ, դեռ անկատար  
ֆիզիկական ու զգայական կեանքի մէջ մի  
մեծ, հիմնական կոտորումն է տեղի ունենում,  
որը, ինչպէս կը տեսնենք, մեծ ցնցումն է  
զցում նրան ամբողջ գոյութեան մէջ:

Առաջին արիւնհոսութիւնը այս ցնցման  
ակնյայտ արտայայտութիւններից մէկն է:

Բայց լաւ գիտենանք, որ նա դեռ հա-  
տունութեան առհաւատչեան չէ, ինչպէս  
կարծում են շատերը:

Այդ մի մեծ ու վտանգաւոր սխալ է,  
որ մենք կը կամենայինք ուղղել, որովհետեւ  
նա մեծամեծ չարիքների պատճառ կարող  
է դառնալ և դառնում էլ է (վաղաժամ ա-  
մուսնութիւն իր հետեւանքներով):

Դաճանք դեռ հասունութիւն չէ, Դաշ-  
տանը բացուելուց յետոյ էլ աղջկայ օրգա-  
նիզմը աճման մէջ է: Դաշտանը կրկնուելով  
ամսէ ամիս տեւում է աւելի, քան երեսուն  
տարի—ուրեմն կնոջ կեանքի կէսը—և ընտ-  
րում է նրա ամենաեռուն տարիները: Որ-  
չափ ուրեմն կարեւոր է աղջկայ ու կնոջ հա-

մար լիակատար ու դրական տեղեկութիւն-  
ներ ունենալ այս մեծ ակտի մասին, որը,  
կրկնում ենք, ահագին դեր է խաղում նրա  
կեանքի մէջ և այդ նպատակն է մեզ թե-  
լադրում երկար կանգ առնել այս երեւոյթի  
վրա և խօսել աղջկայ հետ պարզ ոճով,  
իբրեւ բժիշկ և իբրեւ եղբայր:

Արիւնհոսութիւնը, պարբերաբար ամսէ  
ամիս կրկնուող և որոշ ժամանակամիջոց  
տեւող արիւնհոսութիւնը, անբացատրելի էր  
հին մարդուն և իր խորհրդաւորութեամբ  
գերբնական երեւոյթների շարքն էր անցել:

Եւ հների (նաև նոր ոչ-բաղաբակիրթ  
ազգերի) մէջ դաշտանը մի ակա է, որի  
միջոցով պիղծ, կեղտոտ հիւթեր են դուրս  
թափվում: Այս հիւթերը, իբր թէ, պարու-  
նակվում են հոսող արեան մէջ և հաղոր-  
դում են սրան զանազան գերբնական յա-  
կութիւններ:

Ճանապարհորդները և հետազօտողները  
անհամար սնապաշտութիւններ են արձա-  
նագրել, որոնք մինչեւ հիմա էլ կապուած  
են դաշտանի հետ:

Շվարխայում և գերմանական շատ եր-

կըրնեցում մինչև հիմա էլ գոյութիւն ունի այն սնապաշտութիւնը, թէ դաշտանի արիւնով թրջած շապիկը հանդցնում է հըրդեհը, եթէ կրակը գցեն: Կոյսի շապիկը հազնող տղամարդին չի զիպչի գնդակը ու չի վերաւորի սուրը:

Հռոմում կարծում էին, թէ կարկուտն ու փոթորիկն անգամ փախչում են դաշտանաւորից:

Պլինիոսը զարմանալի պարզամտութեամբ առաջ է բերում հետեւեալը, իբրև դաշտանի արեան գօրութեան նմուշներ.

Երբ դաշտան ունեցող մօտենում է խաղողին, սա թթվում է, բոյսը չորանում է, ծառի տերևները թափվում են: Նրա մի հայեացքից հայելին խաւարում է, սուր գործիքը գուլանում, փղօսկրը մուգ գոյն է ստանում, մինչև անգամ երկաթը ժանգոտում է և վատ հոտ ստանում և այլն: Դաշտանի արիւնը լիզող շունը կատաղում է և նրա խածելը չափազանց վտանգաւոր է դառնում:

Իբրև այս հայեացքի հետեւանք, դաշտանաւոր կինը և աղջիկը դառնում են պիղծ, արատաւոր էակներ, սրանցից պէտք

է հեռանալ, կամ նրանց հեռացնել, որ չպղծեն ուրիշներին:

Հին աշխարհում, նոյնիսկ Յունաստանում, դաշտանաւոր կինը անմաքուր էր համարվում:

Մովսէս Մարգարէն նոյնպէս աղջկան ու կնոջը այդ միջոցին պիղծ է համարում, պատուիրում է նրանց առանձնանալ եօթօր և եօթօրից յետոյ մատաղ անել: Ոչ ոք չպէտք է ձեռ տար նրանց իրերին, ամուսինը չպէտք է մօտենար իր կնոջ անկողնուն անգամ, իսկ յարաբերութիւն ունեցող մահուան էր դատապարտվում կնոջ հետ միասին: Արիւնհոսութիւնը վերջանալուց յետոյ աղջիկը պիտի լողանար աղբիւրի կամ անձրեւի պաղ ջրի մէջ, թէկուզ ձմեռ լինէր: Այս նպատակի համար առանձին աւազաններ էին շինվում տներում, որոնք կոչվում էին «միկուա \*»:

Նոյն աչքով էին նայում դաշտանաւոր կնոջ վրա նոյնպէս և պարսիկները, մեղացիք, իրանցիք: Զենդավեստի մէջ ուզղակի ասուած է, թէ արիւնհոսութիւնը անմաքուր է դարձնում աղջկան: Սա պիտի ա-

\*) 8. Плосьь. Женщина.

ուանձնանայ, հեռանայ շրջապատողներէց և չնայի օջախի կրակին, որ չպղծի նրան. նրան հեռացնում էին 15 բայլ ջրից ու կրակից: Եթէ դաշտանաւոր կինը յարաբերութիւն էր ունենում տղամարդու հետ, նա ճիպտա-տի 20 հարուած էր ստանում: Հնդկաստա-նում այդ մի աններելի յանցանք ու մեղք էր համարվում, որի համար մարդիկ պէտք է տանջուէին դժոխքում: Այնտեղ աղջկան պառկեցնում էին տան մի հեռաւոր պու-ճախում, որը դաւսան-սասան էր կոչվում: Պարսիկների տներումն էլ դեռ մինչեւ այժմ այսպիսի մի անկիւն կայ: Հնդիկ աղջիկը այդ միջոցին չպէտք է լուացուի և լաց լի-նի. նա իրաւունք չունի մի միջատ անգամ սպանելու, ոչ էլ ձի, փիղ, էջ հեծնելու և ոչ էլ կառք նստելու: Նրան արգելուած է նոյնպէս և գլխին անուշահոտութիւններ, օձանելիք քսել, խաղերի մասնակցել, ցե-րեկը պառկել կամ քնել, ոչ էլ ատամները մաքրել ու բերանը ողողել: Տղամարդու հետ յարակցութիւն ունենալու միտքն անգամ չհասցու մեղք է համարվում: Նա չպէտք է մտածի անգամ Աստծու, արեգակի, զոհա-բերութիւնների և աղօթքի մասին: Նա իրա-

ւունք չունի իր զաւակներին անգամ մօտե-նալու:

Իաշտանով պղծուած կնոջ, ինչպէս ա-սել էինք, հեռացնում էին տնից:

Շատ տեղերում այդ նպատակով շին-վում էին խրճիթներ, կամ խփվում էին վրաններ, մարդկային բնակատեղերից հե-ռու, օրինակ. անտառներում, ուր ապաս-տանում էին դաշտանաւորները և մնում մին-չեւ արիւնհոսութեան վերջանալը: Այնտեղ նրանց պահում էին բոլորովին առանձնա-ցած, պառաւ կանանց հսկողութեան ներքոյ և ոչ մի տղամարդ չէր համարձակվում մօ-տենալ նրանց ու որ և է առնչութիւն ունե-նալ այդ տան հետ:

Առաջին «լուսնի» յայտնուելը պահան-ջում է, ըստ ժողովրդի հասկացողութեան, որոշ զգուշութիւններ: Մի տեղ աղջկան պպղած-նստած են պահում, միւս տեղ նրան արգելում են սանրով գլուխը սանրել, մի երրորդ տեղ որոշ կերակուրներ են միայն թոյլ տալիս ուտելու և այլն և այլն:

Իաշտանի յայտնուելը մինչև հիմա էլ ցաւակցաբար համարվում է իբրև աղջկայ կատարեալ հասունութեան ապացոյց, իսկ

բանի որ հասունութեան հետ կապուած են որոշ քաղաքացիական կամ հասարակական իրաւունքներ, նա տօնվում է բոլոր ազգերի մէջ:

Եւ յիրաւի մի շարք ծէսեր են կատարվում մեր օրերում անգամ անքաղաքակիրթ ազգերի մէջ: Շատ տեղեր հասունութիւնը տօնվում է շքեղ ծէսերով:

Աւստրալիական մի բանի ցեղերի մէջ երեխայի երկու կտրիչ ատամները կտրում են կամ սղոցում, երբեմն էլ սև ներկում: Ուրիշ երկրներում մորթագրում են աղջկան (татуировка, tatouage): Աֆրիկայում այդ նպատակով խեղճերին մինչև 4000 ծակոց են անում ասեղով: Ականջների ու քթի ծակելը կատարվում է նոյնպէս հասունութեան միջոցին: Շատ տեղեր ծակ են անում նոյնպէս և ներքին պռօշը և մէջը փայտ կամ փղոսկր ամրացնում:

Յիշած արարողութիւնները համեմատաբար անմեղ բաներ են:

Շատ տեղերում երեխաներին սոսկալի տանջանքների և հրէշաւորութիւնների են ենթարկում:

Այսպէս, Գվիանում կենդանու ատա-

մով երկու խոր ու երկար ճեղքուածներ են անում աղջկայ մէջքի կաշու վրա ու վերքի մէջ պղպեղ ածում: Երեք օր նրան քաղցած ու ծարաւ են պահում և զանազան տանջանքների են ենթարկում, յետոյ մի ամիս պահում են համակի մէջ: Մի ուրիշ տեղ տընեցիք ու հիւրերը ճիպոտներով ծեծում են մերկացրած աղջկան 6 ժամ շարունակ և սա չպէտք է ձայն հանի և ոչ էլ դէմքի վրա ցաւ արտայայտի... Տեղ-տեղ հասունացած աղջիկներին տանում են թաղնուած տեղեր և յանձնում պառաւ կանանց, որոնք նրանց պատրաստում են սպառազայ ամուսնական կեանքի համար, անտանելի խստութեամբ պահելով և զրկանքների ու տանջանքների ենթարկելով:

Այսպէս է տօնվում նոյնիսկ մեր օրերում՝ առաջին լուսինը կիսավայրենի ցեղերի մէջ:



XIV

**ԳԱՇՏԱՆԸ ԵՒ ՆՐԱ ԱԶԳԵՑՈՒԹԻՒՆԸ ԱՂ-  
ՉԿԱՅ ԿԱԶՄՈՒԱԾՔԻ ՎՐԱ**

Դաճասնի ճիգիօրօգիան.—Նրա պարբերականու-  
րիւնը.—Ո՞ր տարիումն է սկսուում նա.—Կազմուած-  
քի, կլիմայի ու կենցաղի ազդեցութիւնը «ամօակա-  
նի» վրա.—Դաճասնի «փոխանակող» արիւնհոսու-  
րիւնը.—Դաճասնի տեսողութիւնը.—Ուշացած դաճ-  
ասն.—Նախադաճասնային նշանները.—Պղզկայ կազ-  
մուածքի զարգացումն.—Ներվային զրգուումն, զգաց-  
մունքների լարումն, բնաւորութեան եւ հոգեկան աւ-  
խարհում կասարուած փոփոխութիւնները արբունքի  
մէջ: Սեանե-Հիլէրի օրէնքը.—Պղզկայ կազմուածքի  
արագ զարգացումից առաջած խանգարումները ու  
եկանոցական շեղումները.—Խանգարումներ սեռա-  
կան զործարանների ճունկցիայի մէջ.—Կմախքի վնա-  
սումներ.—Արնատարիւն եւ նրա պատճառները.—  
Թոքախոտ:

Այսպէս ուրեմն մարդկութեան ման-  
կութեան մէջ դաշտանը մի տարօրինակ հա-  
կաբնական երեւոյթ էր կարծւում, և միայն  
լուսաւորութիւնը կարողացաւ քաղաքա-

կիրթ ազգերի մէջ վերջ տալ այս անմիտ  
հաւատալիքներին ու ամսական արիւնհո-  
սութիւնը մտցնել կնոյ Ֆիզիօլօգիայի մէջ:

Անտարակոյս, յիշած հայեացքները դաշ-  
տանի վրա, ինչպէս և ժողովրդական բոլոր  
սնտիապաշտութիւնները որոշ դրական հի-  
մունքներ ունեն, այսինքն, որոշ իրողութեան  
վրա են հիմնուած:

Դաշտանի վերաբերմամբ մենք կարող  
ենք մատնանիչ անել մի երկար շարք ֆի-  
զիկական ու հօգեկան ցնցումների վրա,  
որոնք տեղի ունեն այդ ժամանակամիջոցին և  
որոնց անմեկնելիութիւնը հէնց գրգռել է  
խաւար ուղեղներ և առաջ է բերել յիշած  
սնտիապաշտութիւնները: Ամիսը մէկ ան-  
գամ (աւելի ճշտօրէն ասած-28 օրը մէկ  
անգամ) աղջկայ կամ կնոյ սեռական գոր-  
ծարանները (մեզ անյայտ պատճառով) լըյ-  
վում են արիւնով, որի ճնշողութեան ներ-  
քոյ զաւակատան թաղանթի երակներից մի  
բանիսը պատուվում են ու արիւն տալիս:  
Այդ արիւնն է, որը դուրս թափուելով  
կաղմում է աղջկայ «ամսականը»: Մի բանի  
օր տեւում է այս արիւնթափութիւնը, յե-  
տոյ արիւնը քաշվում է աղջկայ կոնքային

գործարանների միջից ու դաշտանը դադարու-  
 րում: Այս ակտը համեմատում են ծովի  
 յորդանալու ու նուազման (ПРИЛИВЪ И ОТЛИВЪ):  
 Աղջկայ սեռական օրգանների մէջ մեծ դեր  
 են խաղում երկու գնդակաձև մարմիններ,  
 որոնք դրուած են զաւակատան երկու կող-  
 մերը. սրանք ձուարաններն են, որոնք ար-  
 տադրում են ձուիկները, ապագայ երեխայի  
 սկզբնասաղմերը: Ձուիկների թիւը ահագին  
 է, մի քանի հարիւր հազար, բայց նրանցից  
 մի քանիսն են միայն բեղմնաւորվում: Ձուիկ-  
 ներից մէկը կամ մի բանիսը ազատվում են  
 ու ընկնում զաւակատան մէջ, որտեղ և տե-  
 ղի է ունենում բեղմնաւորումն, այլապէս  
 նա կորչում է: Բեղմնաւորուելու ամենա-  
 ղպաստաւոր ժամանակը դաշտանն է, որով-  
 հետեւ այդ միջոցին արգանդի խոռոչի թա-  
 ղանթը, արիւնից ուռած, փուխր դառած,  
 կնճիռներ է կազմում: որոնց մէջ և բուն է  
 գնում տղամարդու սերմով բեղմնաւորուած  
 ձուիկը, այնպէս, ինչպէս ցորենի հատիկը  
 արմատ է զնում փուխր ու անհարթ հողի  
 մէջ:

Ահն դաշտանի կատարած դերը և պատ-

ճառը: Դաշտանը կրկնվում է ամեն լուսնա-  
 միօր (չորս շաբաթ-28 օր) մի անգամ:

Այս զարմանալի պարբերումների, ինչ-  
 պէս և կեանքի շատ երեւոյթների, իսկա-  
 կան պատճառը մեզ անյայտ է մնում: Ին-  
 չի է մեր սիրտը մի բողբոջում 70-80 ան-  
 գամ է խփում, ինչի մենք 16 անգամ շունչ  
 ենք առնում նոյն բողբոջի մէջ—նոյնպէս չգի-  
 տենք: Լուսնամանի տեւողութիւն ունենալու  
 զուգադիպումը կարծել է տուել, թէ դաշ-  
 տանի երեւալը կապ ունի լուսնի հետ: Սա-  
 կայն այդ մի տարօրինակ սխալ հետեւողու-  
 թիւն է, որի ժողովրդի հասկացողութեան  
 մէջ արմատանալը թիւրիմացութեան կամ  
 ագիտութեան արդիւնք է: Եթէ արիւնհո-  
 սութիւնը բոլոր աղջիկների ու կանանց հա-  
 մար լուսնի որոշ օրը սկսուէր ու վերջա-  
 նար, գուցէ դեռ հնար լինէր կապել այդ  
 երեւոյթը լուսնի շրջանների հետ, բայց չէ  
 որ երկրիս բոլոր կանայք մի օրում չեն աե-  
 նում իրանց ամսականը:

Դաշտանը բացվում է աղջկայ 13-ից  
 մինչև 16 տարին: Սակայն նա երեւում է  
 նաև աւելի վաղ ու աւելի ուշ, նայելով  
 երկրի կլիմային, աղջկայ ֆիզիկական զար-

գացմանը և կենցաղին: Ձերս երկրներում  
աղջիկը տեսնում է ամսականը 11—10 տա-  
րեկան հասակում, նոյնիսկ աւելի վաղ, իսկ  
հիւսիսային երկրներում 16-ից յետոյ միայն:

Քաթիլան հինգ տարեկան էր, երբ Մա-  
համէզը ամուսնացաւ նրա հետ և ութ  
տարեկան էր, երբ կին դարձաւ: Հնդկաս-  
տանում 10 տարեկան աղջիկը արդէն հա-  
սունացած է համարվում ու ամուսնանում է,  
իսկ Հարաւային Ամերիկայի հնդիկ աղջիկ-  
ներին 9 տարեկանից վաղ են մարդու տա-  
լիս:

Մեր երկրում քաղաքաբնակ աղջիկները  
գաշտանաւորվում են յաճախ 12—13 տա-  
րեկան, իսկ լեռնաբնակները աւելի ուշ:

Քաղաքի կեանքը ընդհանրապէս աւելի  
վաղ է հասունացնում աղջկան, քան գիւ-  
ղինը: Սրա պատճառն անտարակոյս անըն-  
դնատ շփումներն են տղամարդկանց հետ,  
որով վաղաժամ զարթնում են սեռական  
զգացմունքները, նոյնպէս և թատրոննե-  
րը, պարահանդէսները ու ընթերցանու-  
թիւնները, որոնք գրգռելով աղջկայ երե-  
ւակայութիւնը, դրա հետ միասին զարթեց-

նում են նիրհած պատանեկան զգացմունք-  
ներ:

Ժ. Ժ. Բուսսօն նկատել է Շվէյցարիայի  
լեռնականների մէջ, որ արդէն լաւ կազմա-  
կերպուած աղջիկները դեռ դաշտան չէին  
տեսած և այս հանգամանքը նա վերագրում  
է բարբերի պարզութեանը, բնութեան գո-  
գում վարած անպաճոյճ կենցաղին, որը չի  
գրգռում երեւակայութիւնը:

Մի քանի հեղինակներ մատնանիչ են  
անում այն հանգամանքի վրա, որ չափա-  
զանց տաք հագուստը, տաք տների մէջ  
ապրելը առաջ են գցում դաշտանի երեւալը:  
Այս տեսակէտից մեր գիւղերում գործական  
հուրսին գուցէ որոշ դեր խաղալիս լինի:

Նկատվում է, որ սեւահեր աղջիկները  
աւելի վաղ են դաշտանավորվում, քան շէ-  
կահերները, փափկասուններն աւելի, քան  
հասարակ, աչխատաւոր կեանք վարողները,  
հիւանդոտ-տրիւնատներն աւելի, քան առողջ  
և յաղթանդամները:

Բացառութիւններ, ի հարկէ, չատ կան:  
Պատահում են դէպքեր, որ արբունքը  
սկսվում է նաև մանկական հասակում, պա-  
տահում է նոյնպէս և 18—20 տարում:

Շատ մայրեր տեսներով, որ իրանց աղջկայ  
ամսականը չի բացվում, վրդովվում են, դէս  
ու դէն են ընկնում, դանազան միջոցներ են  
գործ դնում և աւելի վնասում են աղջկան,  
բան օգուտ տալիս:

Այստեղ պէտք է յիշենք մի երեւոյթի  
մասին, որը անչափ անհանգստութեան պատ-  
ճառ է դառնում—այդ փոխանակող ա-  
րիւնհոսութիւնն է: Երբեմն դաշտանի ժա-  
մանակ արիւնը, փոխանակ սովորական ճա-  
նապարհով դուրս գալու, հոսում է մարմնի  
մի ուրիշ տեղից, օր. քթից, բերանից, ա-  
ղիքներից (յետքից) կամ ստամոքսից (փըս-  
խում է): Այս արիւնհոսութիւնները առան-  
ձին նշանակութիւն չունեն աղջկայ առող-  
ջական դրութեան համար, բայց եթէ չա-  
փազանց են լինում, վերջ ի վերջոյ կարող  
են ազդել և առաջացնել արնատուութիւն, այս  
պատճառով հարկաւոր է բժշկի դիմել:

Յաճախ, առաջին դաշտանից յետոյ, մի  
բանի ամիս աղջիկը չի «տեսնում», առհա-  
սարակ առաջին վեց ամիսը (ու հէնց մի  
տարին) շատ անկանոնութիւններ են պա-  
տահում և դրա մէջ վրդովեցուցիչ բան չկայ:  
Դաշտանը տեւում է 3—5 օր, անօր-

մալ և հիւանդական դէպքերում նաև աւելի  
երկար (մինչեւ 8 օր): Ամեն աղջիկ փորձով  
գիտէ, թէ բանի օր է տեւում է արիւնհո-  
սութիւնը, և գիտէ թէ ինչ պայմաններ ու  
հանգամանքներ ազդում են նրա տեւողու-  
թեան վրա: Դրա պատճառը լինում է կեն-  
ցաղի փոփոխութիւնը, ծանր աշխատանքներ,  
անհանգիստ կեանք, հոգեկան վրդովմունք-  
ներ, անբուն գիշերներ, կօրսէտի ձգումն,  
զանազան գրգռիչ խմիչքների գործածու-  
թիւնը (սուրճ, գինի), սեռական գրգռումներ  
և այլն:

Նոյն գործօններն ազդում են նաև  
կարճացնելով դադարները: Մենք ասել ենք,  
որ դաշտանը կրկնվում է նօրմալ դէպքե-  
րում 27—30 օրը մի անգամ: Անզգոյշ կեն-  
ցաղը կարող է կրկնել տալ 26—25, նոյնիսկ  
22 օրը մի անգամ, որ կը դառնայ մի ան-  
բնական դրութիւն:

Երբեմն դաշտանը բացակայում է մին-  
չեւ 17—19 տարեկան հասակը: Աղջիկը ա-  
մեն ամիս զգում է թեթեւ ցաւեր արգան-  
դում, բայց արիւն չկայ: Այս դէպքերում  
անհրաժեշտ է դիմել բժշկի, որովհետև եր-

բեմն աղջկայ սեռական գործարանների մէջ որ և է անբնական բան է լինում:

Երբեմն էլ արդէն սկսուած արիւնհոսութիւնը մէկ-երկու օր տեւելուց յետոյ, յանկարծ կտրվում է: Այդ հետեւանք է լինում վախի, մի մեծ հոգեկան վրդովմունքի, կամ մրսելու, վայր ընկնելու: Այդ պատահարներից յետոյ երբեմն դաշտանը մի քանի ամիս դադարում է:

Սկզբում ասել ենք, թէ արբունքի մօտենալուն աղջկայ ամբողջ ֆիզիկան ու հոգեկան աշխարհները ցնցվում են:

Այս ցնցումը օրգանիզմի մէջ արտա-յայտվում է մի շարք երեւոյթներով, որ պէտք է լաւ ճանաչել:

Աղջկայ սեռական գործարանները առհասարակ մեծ քանակութեամբ արիւն են ստանում, իսկ դաշտանի մօտենալուն-աւելի եւս: Բայց այդ արիւնըցումն չի սահմանափակվում աղջկայ զաւակատնով ու ձուարաններով. կոնքի մէջ գրուած բոլոր գործարանները ևս լցվում են արիւնով: Այդ է պատճառը, որ պատանուհին, դաշտանը մօտենալիս, մի տեսակ ծանրութիւն է զգում

ածուկների մէջ ու գաւակներում, որը սաստկանում է քայլելիս կամ մէջքը ծռելիս: Բացի այդ անսովոր զգացողութիւններ են առաջ գալիս արտաքին սեռական գործարաններում, որոնք զարմանալի զգայուն ու գրգռուող են դառնում, մազոտում են ու արտադրում լորձանման հեղուկներ:

Որքան շրջահայեաց ու զգոյշ պէտք լինեն ծնողները, որ այս դիւրագրգռութիւնը չտանի պատանի աղջկան դէպի ախտ, դէպի տուժական զգայնութիւն: Սեղմուած հասարակ տեւական զգայնութիւն: Սեղմուած հագուստը, կռացած նստելը (կար անելիս), սայլով անհարթ ճանապարհ գնալը, սանդուխներ բարձրանալը, վերջապէս պարը և ամեն տեսակ ուժգին շարժումներ, ըստ Յիւրստի, վրասակար են, որովհետեւ գլխագուման են հասցնում սեռական օրգանները. — գրգռումն աւելանում է նոյնպէս և մրսսելուց: Եւ յիրաւի, մի որեւէ մարմնամասի յանկարծակի սառեցնումն առաջացնում է արեան ներլցնումն դրսից-ներս նոյն սեռական գործարանների մէջ, իսկ դրանից առաջանում են ոչ միայն գրգռումն, այլ և ցաւեր ու ուրիշ հիւանդութիւններ:

Միեւնոյն ժամանակ զաւակատունն ու

բեմն աղջկայ սեռական գործարանների մէջ որ և է անբնական բան է լինում:

Երբեմն էլ արդէն սկսուած արիւնհոսութիւնը մէկ-երկու օր տեւելուց յետոյ, յանկարծ կտրվում է: Այդ հետեւանք է լինում վախի, մի մեծ հոգեկան վրդովմունքի, կամ մրսելու, վայր ընկնելու: Այդ պատահարներինց յետոյ երբեմն դաշտանը մի բանի ա-միս դադարում է:

Սկզբում ասել ենք, թէ արբունքի մօտենալուն աղջկայ ամբողջ ֆիզիկան ու հոգեկան աշխարհները ցնցվում են:

Այս ցնցումը օրգանիզմի մէջ արտա-յայտվում է մի շարք երեւոյթներով, որ պէտք է լաւ ճանաչել:

Աղջկայ սեռական գործարանները առ-հասարակ մեծ բանակութեամբ արիւն են ստանում, իսկ դաշտանի մօտենալուն-աւելի եւս: Բայց այդ արիւնը մին չի սահմանա-փակվում աղջկայ զաւակատնով ու ձուա-րաններով. կոնքի մէջ դրուած բոլոր գոր-ծարանները ևս լցվում են արիւնով: Այդ է պատճառը, որ պատանուհին, դաշտանը մօտենալիս, մի տեսակ ծանրութիւն է զգում

ածուկների մէջ ու գաւակներում, որը սաստ-կանում է բայլելիս կամ մէջքը ծռելիս: Բացի այդ անսովոր զգացողութիւններ են առաջ գալիս արտաքին սեռական գործա-րաններում, որոնք զարմանալի զգայուն ու գրգռող են դառնում, մազոտում ենու ար-տադրում լորձանման հեղուկներ:

Որքան չըջահայեաց ու զգոյշ պէտք լի-նեն ծնողները, որ այս դիւրագրգռութիւնը չտանի պատանի աղջկան դէպի ախտ, դէ-պի տուժական զգայնութիւն: Սեղմուած հա-գուստը, կռացած նստելը (կար անելիս), սայլով անհարթ ճանապարհ գնալը, սան-դուխներ բարձրանալը, վերջապէս պարը և ամեն տեսակ ուժգին շարժումներ, ըստ Ֆիւրստի, փնասակար են, որովհետեւ գըր-գուման են հասցնում սեռական օրգանները. — գրգռումն աւելանում է նոյնպէս և մըր-սելուց: Եւ յիրաւի, մի որեւէ մարմնամա-սի յանկարծակի սառեցնումն առաջացնում է արեան ներլցնումն դրսից-ներս նոյն սե-ռական գործարանների մէջ, իսկ դրանից ա-ռաջանում են ոչ միայն գրգռումն, այլ և ցաւեր ու ուրիշ հիւանդութիւններ:

Միեւնոյն ժամանակ զաւակատունն ու

ձուարանները մեծանում են, ու որոշ մնա-  
յուն դիրք բռնում կոնքի մէջ, իսկ կոնքի  
ոսկրները լայնանում են, ամրանում և լայ-  
նացնում աւազանը, որի մէջ պէտքէ զար-  
գանայ զաւակատունը և ապրի ապագայ  
սաղմը:

Ընդհանրապէս զարմանալի արագու-  
թեամբ է աճում աղջկայ ամբողջ կմախքը.  
հասակը երկարում է, լայնանում է կրծքի  
վանդակը, որով զարգանում են և թոքերը:  
Քարշը նոյնպէս արագ աճում է հասունու-  
թեան միջոցին, մինչեւ անգամ (13—14  
տարեկան հասակը) աւելի է դառնում, քան  
նոյն հասակի տղաներինը: Բացի այդ, ա-  
ւանձնապէս պէտք է յիշատակել աղջկայ  
usինքների մէջ առաջ եկած փոփոխութիւն-  
ները:

Ստիներները կնոջ սեռական գործա-  
րաններին են պատկանում: Յամենայն դէպս,  
նրանք ներվային թելերով կապուած են սե-  
ռական գործարանների (զաւակատան, ձուա-  
րանի և արտաքին մասերի) հետ: Այս պատ-  
ճառով էլ դաշտանի միջոցին ստիներները  
լցվում են արիւնով, գնդանում, նոյնիսկ

ցաւում, պտուկները չափազանց հեշտագրը-  
գիւ դառնում և այլն:

Նկատվում է մի տեսակ լարումն հա-  
մարեա բոլոր զգայարանքների, որոնք զար-  
մանալի սրութեան են հասնում աղջկայ դաշ-  
տանային շրջանում.— ընդհանրապէս նկատ-  
վում է ամբողջ ներվային սխտեմի դիւ-  
րագրգռումն կամ, ընդհակառակ, դիւրա-  
նուազումն:

Այս միջոցին ամեն հոգեկան շարժում  
չափազանցրած է և յանկարծահաս, այն-  
պէս որ աղջիկը անկարող է լինում սանձել  
ստացած տպաւորութիւնների ազդեցու-  
թիւնը կազմուածքի վրա: Ահ, ցնծութիւն,  
ամօթ, զայրոյթ, բարկութիւն,— ամեն ինչ  
շփոթում է նրա արեան շրջանառութիւնը,  
որև լաւ նկատվում է աղջկայ մերթ կար-  
մըրող, մերթ սպրտող դէմքի վրա:

Սրանք են խոշոր, աչքի ընկնող ֆիզի-  
կական երեւոյթները աճող օրգանիզմի մէջ:  
Բացի այդ, հասունութեան մօտենալուն  
նաև բնաւորութեան մէջ առաջանում է մի  
շարք փոփոխութիւններ, որոնց վրա ան-  
հրաժեշտ է կանգ առնել.

«Աղջկայ հոգու խորքերում ծագող նո-

րանոր յոյզերը այնպիսի մի ցնցում են գցում նրա ամբողջ հոգեկան աշխարհի մէջ, որ նրա հին, մինչեւ այժմ փայփայած մշտքերն ու զգացողութիւնները միանգամայն տակն ու վրան լինում։— ամեն բան ուրիշ, նոր ձեւ ու գոյն, նոր նշանակութիւն է ստանում։— աշխարհը երեւում է նրա աչքերին մի նոր, անսովոր լուսով լուսաւորուած։

«Մատաղահաս աղջիկը աւելի բաշտող ու ամօթխած է դառնում, աւելի է զսպում իրան, նրա ձեւերն ու շարժումները աւելի քնքոյշ և չքնաղ են դառնում և միեւնոյն ժամանակ նրա սրտի մէջ զարթնում են յանկարծակի շփոթումներ, յուզմունքներ, տրամադրութեան փոփոխումներ, առաջ է գալիս հակումն դէպի մեղամաղձութիւն և առանձնութիւն, նա յաճախ տխրում է ու հոգոցներ հանում, առանց որոշ պատճառի լալիս է, և զգում է իր սրտի խորքերում ծագումն անհասկանալի ևանորոշ իղձերի ու ցանկութիւնների։ Հաճոյանալու ցանկութիւնը, որ բնական է կնոջ մէջ, մի արտասովոր պահանջ է դառնում և իշխում է միւս բնազդումներին։ Այդ ժամանակ զարգանում են նաեւ կրօնական զգացմունք-

ները, որոնք մինչեւ այդ բացակայ էին։

«Սկզբներում անգիտելով այն անսովոր յոյզերի և դէպի միւս սեռն ծագող ձրգտման պատճառը, որոնք վրդովում են նրանց, պատանուհին յաճախ իր զգացմունքները վատնում է կամ չափազանց աստուածաշտութեան մէջ, նուիրելով իրան տուածապաշտութեան մէջ, նուիրելով իրան աղօթքի ու պաշտամունքների, կամ թէ չէ իր սիրածարաւ սրտի բոլոր զգացմունքները ուղղելով դէպի իր ընկերուհիները։ Եւ, եթէ աղջիկը հեռու է պահվում հասարակութիւնից և առիթ չի ունենում շփուելու երիտասարդների հետ, այն ժամանակ դէպի իր ընկերուհիները տածած այս ընկերական սէրը դառնում է ուղղակի սեռական սէր։ Ընկերուհուն գրած նամակները նոյն ձև են ընդունում, ինչ որ ապագայում պիտի լինեն սիրահարին գրած նամակները»։

Առաջ եմ բերում հետեւեալ նամակը, որ կարող է ծառայել իբրեւ նմուշ այն թղթակցութիւնների, որ վարում են արբունքի հասած աղջիկները իրար հետ.

«Իմ միշտ շատ սիրելի և չքնաղ օրիորդ, միթէ դուք չգիտէք, որ ձեր իւրաքանչիւր բառը ինձ երջանիկ է դարձնում...»



«Եթէ գիտենայիր, թէ ինչ մեծ դատարկութիւն եմ զգում սրտիս մէջ, անշուշտ կը շտապէիք լցնելու, դուք, որ այդչափ բարի էք... դէպի ինձ: Ես այնպիսի անհամբերութեամբ էի սպասում արձակուրդներին, որ նորից տեսնեմ ձեզ և բերանովս կրկնեմ, թէ սիրում եմ ձեզ...»

«Յիշում էք ձեր վերադարձի օրը... Եթէ մենակ լինէիք, ես ձեզ կը խեղդէի համբոյրներովս... վաղուց ես պահանջ էի զգում ձեզ հետ միայնակ մնալու... բայց այդ չէր յաջողվում և ստիպուած էի խեղդել մէջս այս իղձը: Հէնց որ հնար գտնէք, երկար-երկար նամակ գրեցէք: Չէ որ, իմ թանկագինս, դուք այնքան բարի էք, որ այդ հրճուանքը չէք մերժի ձեր Պ.-ին: Այլ եւս անկարող եմ շարունակել, վախում եմ: ց'տեսութիւն, սիրածս, ձեր պատկերը միշտ սրտիս խորքերումն եմ պահում: Մի համբոյր...»

Միշտ ձեզ սիրող Պ.» \*)

Իտար ասում է հետեւեալը. «Երբ որ մարդ կարդում է հասունացած աղջկայ

\*) Marro. La puberté.

օրագիրը, շատ մեծ հմտութիւն չը պէտք է ունենայ նա, որ կարող լինի որոշել, թէ որ տողերը դաշտանի օրերն են գրուած և որոնք յետոյ: Այդ այնքան պարզ է, որ թւում է թէ որոշ տողեր գրելիս աղջիկն ուզեցել է ասել. «այսօր իմ ամսականն է»:

Հասունացող կամ արդէն հասունացած աղջկայ հոգեկան տրամադրութեան այս շրջանը չափազանց արկածալից ու վտանգաւոր մի շրջան է, որի միջոցին սիրելու ու սիրուելու պահանջը կարող է մղել աղջկան դէպի անհեռատես վարմունքներ, դէպի անդիմադրելի հակումն դէպի միւս սեռը, մանաւանդ, որ շատերի մէջ ամօթխածութիւնը այնքան զօրեղ չէ, որ սանձ դնի նրանց յաճախ միամիտ, բայց և այնպէս արատաւոր կրքային միտումներին, նոյն իսկ գործողութիւններին:

Այսպիսով աղջիկը երբեմն այնպիսի յանդուգն քայլեր է անում, որ յետոյ չի կարողանում առանց կարմրելու յիշել:

Վերեւ ասացինք, որ դաշտանի բացուելը դեռ ապացոյց չէ, որ աղջիկը բոլորովին հասունացած է սեռական կեանքի համար:

Ո՛չ:

Կրիզիսը տեւում է որոշ ժամանակամիջոց, որի ընթացքում պատանուհու թէ սեռական գործարանները, և թէ ամբողջ օրգանիզմը դեռ աճման մէջ են:

Մարրօի ասելով, որը տաք կլիմայում (Իտալիայում) է արել իր դիտումները, կրիզիսը տեւում է աղջկայ համար 5—6 տարի, իսկ տղայի համար 8—10 տարի: Այսքան տարիների ընթացքում է, որ կատարվում են այն ներքին, մտերիմ, բայց մեզ անյայտ պրօցեսները, որոնք պէտք է կազմեն ամուսին դառնալու ընդունակ անհատներ:

Այս պրօցեսներն են, որ իրանց կանոնաւոր ընթացքում առաջ են բերում աղջկայ ֆիզիկան, բարոյական ու հոգեկան աշխարհում վերև յիշած երեւոյթները:

Յաւակցաբար յաճախ նրանք շեղվում են իրանց կանոնաւոր ընթացքից և այն ժամանակ երեւան են գալիս կիսահիւանդական ու հիւանդական դրութիւններ, որոնք հարուածում են աճող աղջկայ կազմուածքը և շեղում են նրան բնական զարգացումից:

Այս շեղումների մասին է, որ մենք

մտադիր ենք մի քանի խօսք ասել և որոնք պէտք է նկատի ունենան ծնողները:

Գիտնական Սեանա-Հիլէրը ձեւակերպել է հետեւեալ օրէնքը. օրգանիզմի գերածուսն առաջ է բերում նրա ֆունկցիաների զարգացման խանգարումն: Ուրիշ խօսքերով. քանի արագ է աճում պատանու կազմուածքը, այնքան յետ է մնում մարմնի ամրապնդումն: Այդ օրէնքը ակնյայտ է բուսական աշխարհում, որտեղ նկատվում է, որ արագ ծլող-աճող բոյսերը շատ նրբաւոր կազմ են լինում, անպտուղ են լինում, կամ մանր, անհիւթ պտուղներ տալիս, քան օրինակ. ծառերը, որոնց աճումն դանդաղ է:

Այս մի իրողութիւն է, որը ամենքին յայտնի է, քանի որ դիտվում է ամեն օր: Ո՛վ չգիտէ, որ արագ հասակ անող (բարձրացող) աղջիկները ընդհանրապէս թուլամորթ, նուազարիւն ու գունատ են լինում, շուտ յոգնում են աշխատանքից, տրամաշիր են լինում դէպի զանազան խանգարումներ, նոյնիսկ տկարութիւններ:

Եւ քանի արագ ու ուժգին է պատանուհու աճումն, այնքան աւելի ակնյայտ են և յաճախակի այդ խանգարումները:

Աղջկայ կազմուածքը անշուշտ աւելի պէտք է արձագանք տայ հասունութեան ցնցումին, քան տղայինը, քանի որ նրա սեռական գործարանները, ինչպէս գիտենք, աւելի բարդ ու բազմատեսակ են, հետեւաբար և աւելի կենսական նիւթեր պէտք է խլեն մարմնի միւս մասերից իրանց զարգացման համար:

Այսպիսով յիշած գործարանները մի տեսակ պարագիտներ են դառնում աղջկայ օրգանիզմի համար, քանի որ պակսեցնում են միւս բոլոր մարմնամասերի ստացած սննդահիւթերը:

Եթէ օրգանիզմը ամրակազմ է, եթէ ժառանգականութիւնը չի հարուածել նրա կենսունակութիւնը, այն ժամանակ սեռական գործարանների գերաճումն չի կարողանում ֆլասել նրան, — այլ ստիպում է աղջկան աւելի սնունդ առնել և այդպիսով աճման համար բաւարար նիւթեր բաժանել բոլոր գործարաններին և մարմնամասերին:

Սակայն որչափ և զերծ լինի պատանուհին հիւանդական ժառանգականութիւնից, այնուամենայնիւ դաշտանաւորութիւս նրա կազմուածքը ենթակայ է լինում որոշ

խանգարումների ու հիւանդական շեղումների, որոնց վրա պէտք է մի բիչ կանգ առնել:

Ամենից առաջ խանգարումները նկատվում են սեռական գործարանների մէջ, որոնց գերաճումն առաջ է բերում տափային գրգռումն, իսկական արբուճք, որի միջոցին աղջիկը տղամարդու հետ հպումներից ստացած հաճոյքին բաւարարութիւն տալու համար, յաճախ անգիտակցաբար կամ ընկերուհիների օրինակին հետեւելով անձնատուր է լինում մարմնաշարժութեան: Այս աղջիկները աչքի են ընկնում ֆիզիկական թուլութեամբ, գունատութիւնով, ծուլութիւնով: Նրանց աչքերը արտասովոր փայլում են ստանում, իսկ կոպերի տակը կապտում կամ մգանում, դէմքերի վրա դուրս են տալիս զանազան պզուկներ, թշերը յաճախ վառվում են, այն ինչ շրթունքները դալվացած են: Նրանք սիրում են առանձնանալ, դիւրայուզուող են դառնում ու վատ տրամադրութեան տէր, միշտ մի տեսակ ահ ու դողի մէջ են, հեռանում են ու խորշում մանկական խաղերից, նոյնպէս և իրանց սիրող անձերից, տարօրինակ վարմունքներ

ունեն, դանդաղ են ըմբռնողութեան ու մտաւոր աշխատանքի մէջ:

Կմախքի արագ աճումն ու ողնաշարի երկարումը, վերև յիշած օրէնքին համաձայն, ժամանակ չի տալիս ոսկրերին ու նրանց կապերին ամրանալ, և մենք նկատում ենք ողնաշարի ծռումներ (կորութիւններ), որոնք աւելի սաստկանում են դպրոցական կեանքում, ինչպէս ցոյց ենք տուել գրքիս նախընթաց գլխում:

Մարտոկական գործարանների կողմից նկատվում են զանազան խանգարումներ, ինչպէս են. սրտխառնութիւն, բղկոց, փքումն, նոյնիսկ փսխումն և երբեմն սաստիկ փորկապութիւն: Երբեմն էլ աղջիկները նեղւում են ստամոքսային ցաւերով, անախորժութիւնով:

Սոյն հասակումն է զարգանում նաև արևատութիւնը (хлорозъ), որի ծագման մէջ մեծ դեր է խաղում, ըստ Մայներտի, ներսօնի և ուրիշների, կօրսէտը, որ սեղմում է կրծքի ներքեւի մասը և խանգարում (ինչպէս արդէն բացատրել ենք) թէ ստամոքսի և թէ թորերի կանոնաւոր գործունէութիւնը: Շվեդացի Հուսը պնդում է, թէ 10

—15 տարի առաջ արնատութիւնը անյայտ էր իր երկրում գեղջկուհիների մէջ, որովհետև կօրսէտի գործածութիւնը դեռ չէր մտել այնտեղ: Բայց հէնց որ սկսեցին կօրսէտ հագնել, հիւանդութիւնը տարածուեց: Պարսկաստանում և Հնդկաստանում արեան պակասութիւնը նկատվում է միայն այն աղջիկների ու կանանց վրա, որոնք եւրոպական հագուստ են հագնում: Սակայն, անտարակոյս, միայն հագուստը չէ աղջիկների արնատութեան պատճառը:

Այստեղ մեծ դեր են խաղում նաև քաղաքային աննպաստ կեանքի պայմանները, աղջիկների անհանգիստ, վրդովալից կենցաղը, իր ուսումով, իր անքուն գիշերներով, իր ներվային թուլութիւններով, մնունդի պակասաւորութեամբ:

Արնատութիւնը մի չարիք է, որը խորապէս հարուածում է աղջկայ դեռահաս օրգանիզմը, որ դարձնում է նրան ներվային, նոյնիսկ հիստերիկ, ընկճում է նրա հոգին ու միտքը, առաջ է բերում թուլութիւն, ու միտքը, առաջ է բերում թուլումն, չընգլխի պտոյտ գալ, սրտի բաբախումն, չընչարգելութիւն, մարսողութեան տկարութիւններ և այլն և այլն:

Աղջկայ դաշտանային շրջանի միւս, աւելի սպառնալից արտայայտութիւնն է թոֆախս կամ բարակացար, ի հարկէ այն աղջիկների մօտ, որոնք ժառանգաբար տրամադրուած են դէպի այս սոսկալի հիւանդութիւնը:

Յիշատակենք (ապագայում այդ մասին առանձնապէս խօսել խոստանալով) նաև ներվային խանգարումները, որոնք հասնում են մինչեւ ներվային ցաւերի, հետտերիայի և նոյնիսկ ժամանակաւոր ցնորութեան ու յանցաւորութեան:

Սրանք են համառօտօրէն դաշտանային շրջանում աղջկան սպառնացող վտանգները: Այս վտանգների մասին ծնողները ամեն տեղ և ամեն դասակարգի մէջ շատ թերի հասկացողութիւն ունեն, յամենայն դէպս զարմանալի անհոգութեամբ ու կարճատեսութեամբ են վերաբերվում նրանք դէպի իրանց աղջիկների առողջութիւնը:

XV

ԴԱՇՏԱՆԻ ԱՌՈՂՋԱՊԱՀՈՒԹԻՒՆԸ

Պաշտանի առողջապահութեան անհրաժեշտութիւնը.— Պէտ է պատասխել աղջկան.— Հանգստութեան կարեւորութիւնը ամսականի միջոցին.— Հոգեկան դուրբութեան գործարանների խանգարումն և նրանց խնամելը.— Պաշտանի անկանոնութիւնները.— Ամսականի ժամանակից վաղ և ուշ երեւալը.— Սրինհոսութեան պակասումն կամ աւելանումն.— Եռամսակի երեւոյթները.— Պաշտանային ցար և նրա բժշկութիւնը.— Քանուոր աղջկայ առողջապահութիւնը ամսականի ժամանակ:

Մենք աշխատեցինք ընդգծել այն կարեւոր գիտելիքը, թէ դաշտանաւորումն մի տեսակ մտրակումն է աղջկայ օրգանների գործունէութեան համար: Նա խորապէս ցնցում է պատանուհու ամբողջ օրգանիզմը և հետեւաբար, ճշմարիտ օր, մի ճգնաշրջան, կրեզիս է կազմում նրա կազմուածքի մէջ:

Ամենաթեթև անզգուշութիւնը դաշտանային շրջանում կարող է ուրեմն առաջ բերել զանազան խանգարումներ աղջկայ ֆիզիկական կեանքի մէջ, որոնք վաղ թէ ուշ արձագանք կը տան նրա ամբողջ կազմուածքում: Շատ «կանացի» կոչուած հիւանդութիւնների պատճառներից մէկն էլ դաշտանաւոր աղջկայ անզգուշութիւններն են:

Անտարակոյս շատ աղջիկներ Վրա իսկի չի էլ նկատուում դաշտանի բացուելը, և ուրեմն այսպիսիները առեւտես իսկի կարիք էլ չունեն որոշ առողջական միջոցներ ձեռք առնելու: Բայց այդ մի մեծ սխալ է.— երբէք կինը, որքան էլ նա ամբողջով լինի, որքան էլ քիչ քաղաքակրթուած (ուրեմն և քիչ նազուկացած), չի կարող անասունների նման անհոգ լինել դէպի այս կարեւոր շրջանը: Շատ են լսում այնպիսի կիսաառասպելական պատմութիւններ, թէ օրինակ. լեռնցի կինը ծանր դաշտային աշխատանքների միջոցին առանց երկունքի ծնում է, և երեխային մի փալասի մէջ փաթած թած գցում է շալակը ու շարունակում բանել... Նոյնպիսի բաներ պատմում են

նաև դաշտանաշրջանում աղջկայ գործած բաշտութիւնների մասին:

Եթէ հաւատալու էլ լինենք այդ բոլորին, դարձեալ հարց է ծագում, թէ արդեօք ինչ հետեւանք է ունենում այդ վայրենի, ուղիղ որ անասնական առողջապահութիւնը աղջկայ ու կնոջ առողջութեան վրա: Այդ մասին ոչ ոք, ի հարկէ, չի խօսում և մենք ամեն իրաւունքով կասենք, որ այդ նման անզգուշութիւնների համար անհրաժեշտաբար պէտք է տուժեն խեղճերը,

կասկած չկայ, որ գեղջկուհին ու լեռնաբնակ աղջիկները շատ աւելի ամբակազմ են ու դիմացկուն, քան բաղաբացիները, այնու ամենայնիւ նրանք էլ նոյն կերպ են կազմուած, ինչ որ վերջիները և հետեւաբար հետեւեալում յիշատակած առողջապահական խորհուրդները վերաբերում են նրանց ևս:

Ամենից առաջ բացատրենք մի կարևոր կէտ, որը հետեւեալն է.

Պէտք է արդեօք աղջիկ-պատանուհուն բացատրել սեռական գործարանների մտերիմ ֆունկցիաները, հարկ է արդեօք պար-

զել նրա առաջ այդ օրգանների խաղալիք  
դերը:

Այդ մասին մենք մանրամասն կը խոսենք, երբ կը զբաղուենք աղջկայ բարոյական կրթութեամբ: Այն ժամանակ կը տեսնենք, թէ որքան շրջահայեցողութիւն, որչափ քնքուշութիւն է հարկաւոր օրիորդի աչքը բանալու համար, որպէս զի տուած տեղեկութիւնները փոխանակ ամրապնդելու նրա մէջ բարոյական սկզբունքները, հակառակ հետեւանք չունենան: Այժմ կ'ասենք միայն, որ դաշտանին մօտեցող աղջկան պէտք է անպատճառ զգուշացնել, թէ ինչ է պատահելու, որպէսզի նա չսարսափի արիւնհոսութիւնից և ամաչելով չթագցնի ամսականի երեւալը, որով կը վնասի իրան:

Մայրը պէտք է քնքուշութեամբ զգուշացնի իր աղջրկան, ներկայացնելով դաշտանը իբրև մի առօրեայ երևոյթ, որից չի խուսափում ոչ մի աղջիկ, հասկացնելով նախագնաց երևոյթները և համոզելով, որ իրան իմաց տայ, երբ կը նկատի այդ նշանները:

Այս կերպով միայն մայրը կարող է գրաւել աղջկայ հաւատարմութիւնը, որը

նրա ամբողջ բարոյական կրթութեան հիմքը պէտք է դառնայ:

Ամենից առաջ դաշտանի մօտենալու ու բացուելու ժամանակ հանգստութիւն է պահանջուում: Աղջիկը պէտք է թողնի իր ծանր աշխատանքները.— ոչ կալսել, ոչ ծանր բան վերցնել, ոչ խմոր հունցել, ոչ ձձում հարել, ոչ կուժ դնել ուսին և այլն: Քաղաքացուհին աւելի ևս զգոյշ պէտք է լինի: Պէտք է հասկանալ, որ այդ միջոցին ամեն տեսակ ճիգ վնասակար է: Շատ կանայք ու նրբակազմ աղջիկներ ուղղակի անընդունակ են դառնում նոյնիսկ թեթև ֆիզիկական աշխատանքի.— այսպիսիները, ի հարկէ, պէտք է պառկած մնան մի կամ երկու օր: Կանգնած դիրքը նոյնպէս վնասակար է, որովհետև արիւնը աւելի է հաւաքվում ներքին մասերում և դրանից առաջանում է աւելի առատ արիւնհոսութիւն ու ցաւեր:

Բանուոր դասակարգի աղջիկը ցաւակցաբար յաճախ անկարող է լինում հանգիստ մնալու, չարաչար աշխատանքը հալածում է նրան նոյնիսկ դաշտանային օրերը, սակայն ազատ չէ նոյնպէս և քաղաքացի ունեւոր տան օրիորդը, միայն այստեղ բա-

լերն, երեկոյթներն ու խնճոքներն են իրանց անքուն գիշերներով, դաշնամուրն ու ուսումն իրանց նստակեաց ժամերով, որ անկարելի են դարձնում առողջապահական պատուէրների գործագրումն:

Ով կարող է, պէտք է զգուշանայ շատ ման գալուց, սանդուխներ բարձրանալուց, նոյնպէս այն ամեն բանից, ինչ կարող է ցնցումներ առաջացնել (օր. սայլով, կառքով, նոյնիսկ երկաթուղով ճանապարհ գնալը): Կար անող աղջիկը չպէտք է ոտով պտըտի կարի մեքենան, ամեն տեսակ մարմնամարզութիւն պէտք է դադարեցուի միքանի օրով, ինչպէս և սարեր բարձրանալը, պարը:

Եթէ բանուոր աղքատը իր տնտեսական դիրքի շնորհով ստիպուած է դաշտանի միջոցին ևս բանել, հարուստ ընտանիքի օրիորդը կարող պէտք է լինի ամսուայ մէջ մի քանի օր «հանգստանալ» հասարակական կեանքից: Թող մայրերը, որոնք անշուշատուժել են օրիորդ ժամանակ վարած անզգոյշ կեանքից, յետ պահեն իրանց աղջիկներին անսանձ զուարճասիրութեան փորձանքներից:

Իսկ փորձանքները անթիւ են:

Սեղմած իրանը, որը արգելում է, ինչպէս տեսանք, արեան կանոնաւոր շրջանառութիւնը կոնքի մէջ, սրտի արագ բաբախումն պարի ազդեցութեան ներքոյ, օգի ապականութիւնը, որը ծանրանում է աղջկայ կրծքին, որովհետեւ այդպիսի օգի մէջ արիւնը անկարող է լինում մաքրուել, աւելացրէք սրանց սեռային զգացմունքների որոշ չափով զարթնելը շնորհիւ տղամարդու հետ հպուելուն, երեւակայութեան վառումն, յետոյ մըրսելու վտանգը պարից, պաղ օշարակներէց ու պաղպաղակից, որոնք պէտք է հովացնեն յուզմունքից տաքացած ու քրտնած մարմինը, մանաւանդ գեկօլտէ ունեցողներինը, երբ մերկացրած ուսերն ամեն բոպէ սառում ու ջերմանում են,—այս բոլորն ինկատի ունեցէք և դուք կը հասկանաք, թէ որ ատիճան այսպիսի կենցաղը կորստաբեր կարող է լինել աղջկայ համար դաշտանային կամ նախադաշտանային շրջանում:

Հոգեկան դուրբիւնը նոյնպէս պէտք է ուշադրութեան առնուի, քանի որ աղջկայ ամբողջ ներվային սիստեմը որոշ գրգռման մէջ է: Այս պատճառով պէտք է ազատ պահել աղջկան վատ նորութիւններից, վատից,



վշտից, հոգսերից և առհասարակ ամեն տեսակ հոգեկան յոյզերից: Աղջիկը ինքը պէտք է խուսափի այն ամեն բանից, ինչ որ կարող է վրդովել նրա խաղաղ հոգեկան տրամադրութիւնը, օրինակ. յուզիչ բովանդակութեան լինելը, թատրոն յաճախելուց և այլն: Ի՞նչ դեր է խաղում մըսելը:

Մըսելը կարող է մեծ վտանգներ հասցնել դաշտանաւոր աղջկան ամսականի ժամանակ, քանի որ մըսելիս դըրսի (մաշկի) արիւնը լցվում է ներսի գործարանները:

Նախընթաց գլխում յիշատակած լողացումներն ու ջրով շփումները պէտք է թողնել: Աղջիկը դաշտանը վերջացնելուց յետոյ միայն պէտք է մաքրող վաննա ընդունի:

Դաշտանի միջոցին աղջիկը պէտք է գործ ածի մեր յիշած վարտիկը և փակ իւպկան:

Մի սխալ ու վտանգաւոր համոզմունք է բուն դրեկ ժողովրդի մէջ, այն է. թէ աղջիկը չպէտք է փոխի սպիտակեղէնը, քանի դեռ արիւնը չի կանգնել:

Ընդհակառակը, դաշտանաւոր աղջիկը կամ կինը պէտք է յաճախ փոխեն իրանց սպիտակեղէնը և անպատճառ ամեն օր

(նոյնիսկ օրը միերկու անգամ) գաղջ ջրով, կամ բօրակաթ թւում 20/0 լուծուածքով լուանան արտաքին սեռական մասերը: Մաքրութիւնից միայն օգուտ կարող է առաջ գալ և երբէք վնաս:

Դաշտանաւոր աղջիկն ու կինը իրանց սպիտակեղէնները արեան ապականութիւնից պաշտպանելու համար, գործ են ածում առանձին ձեւի կապեր:

Կապերի ձեւերը շատ տարբեր են լինում, նրանց նպատակն է ծծել-իրանց մէջ պահել հոսող արիւնը: Այդ նպատակով նրանց մէջ գրվում է բամբակ, սպունգ և այլն:

Այդ լաւ է, բայց ցաւակցաբար այդ բարձիկները չեն փոխում դաշտանահոսման ամբողջ ընթացքում: Այդ նոյնպէս մի մեծ սխալ է, որովհետեւ բարձիկի մէջ ներս ծըծուած արիւնը մնալով փտում է ու գարշելի հոտ արձակում: Բարձիկը պէտք է ամեն օր փոխել: Քաղաքներում վաճառվում են պատրաստի կապեր, բայց ամեն աղջիկ կարող է ինքը պատրաստել աւելի էժան կերպով:

Քանի որ դաշտանի միջոցին աղջկայ մարսողութեան գործարանները խանգարվում են, պէտք է զգոյշ լինել ուտելու մէջ:

Երբէք չպէտք է չափազանց ծանրաբեռնել ստամոքսը, այլ պէտք է քիչ քիչ ուտել և միայն դիւրամարս կերակուրներ. թթու, իւղալի և շատ քաղցր ուտելեղէններից պէտք է ժուժկալ պահի իրան դաշտան ունեցողը: Հացեղէնը (հաց, բրինձ և այլն) պէտք է քիչ ուտել, լաւ է գործ ածել կանաչեղէն: Սուրճ, մուգ թէյ չպէտք է խմել, թոյլ է տրվում բաց թէյ, ջրով կարմիր գինի, քիչ գարեջուր, լիմօնադ և այլն: Թեթեւ փորուծութիւնը կամ կապութիւնը առանձին նշանակութիւն չունեն, իսկ եթէ աւելի լուրջ խանգարումն կայ, պէտք է բժշկի դիմել:

Ահա այն զգուշութիւնները, որ պէտք է նկատի ունենալ կանոնաւոր դաշտանի միջոցին:

Յաւակցաբար աղջկայ լուսինը յաճախ անկանոնութիւններ ունի, — սրանց մասին պէտք է մի բանի խօսք ասել:

Դաշտանի անկանոնութիւնները երեք տեսակ կարող են լինել.

1. Նա ժամանակից առաջ կամ ուշ է յայտնվում:

2. Արիւնհոսութիւնը չափազանց սակաւ կամ յորդ է լինում:
- և 3. Այդ միջոցին կողմնակի անախորժ երեւոյթներ են տեղի ունենում:

1. Դաշտանաւորման սկզբներում յաճախ պատահում է, որ ինչպէս ասել ենք, ամսականի բացուելը ամսէ ամիս մօտենում է կամ հեռանում: Օրինակ. փոխանակ 28 օրը, երեւում է 26 օրը, նոյնիսկ 25—24—22 օրը մի անգամ, կամ ընդհակառակը 30—40 օրը մի անգամ:

Այս անկանոնութիւնը սակայն մի քիչ յետոյ ուղղվում է և դաշտանը յայտնի յաջորդականութիւն է ստանում, այնպէս որ նոր դաշտանաւորուած աղջիկը շատ չպէտք է վրդովուի դրանից, թէեւ այնուամենայնիւ պէտք է յայտնի մօրը, որը որոշ խորհուրդներ կը տայ նրան:

Բայց եթէ այդ անախորժ երեւոյթը կրկնվում է միքանի ամիս շարունակ, պէտք է բժշկի դիմել: Մի միջոց միայն թոյլ է տրվում աղջկան գործածել դաշտանի ուշանալու դէմ. — այդ ոտերի տաք վաննան է, որի լու դէմ. — այդ ոտերի տաք վաննան է, որի մէջ կարելի է մանանել խառնել, որպէսզի

արիւնը քաշուի ներքեւի մասերը և այդ-  
պիսով գուցէ արիւնհոսութիւն բացուի:

2. Արիւնհոսութիւնը երբեմն կամ շատ  
սակաւ է լինում ու տեւում է մէկ օր, կամ  
առատ սկսվում է ու յանկարծ դադարում,  
կամ թէ չէ առատ է լինում ու տեւում  
5—6 և աւելի օր:

Այս երեւոյթներէց ամեն մէկը իր որոշ  
պատճառներ ունի, որոնց մասին անկարող  
ենք երկար խօսել այստեղ: Կասենք միայն,  
որ ծանր դէպքերում պէտք է անպատճառ  
բժշկի դիմել, որովհետեւ նա միայն կարող  
է հասկանալ երեւոյթի պատճառը ու դար-  
ման տանել:

Ընդհանուր առողջական դրութիւնը  
(արնատուութիւն, շերմային հիւանդութիւն-  
ներ, սրտի ախտ, թորախտ և այլն) այս ձևի  
անկանոնութիւնների գլխաւոր պատճառ-  
ներն են: Սակայն կարող են տեղի ունենալ  
նաև սեղային պատճառներ: Օրինակ, կարող  
է պատահել, որ դաշտանի օրերը աղջիկը  
ամսականի սաստիկ ցաւեր և բոլոր երեւոյթ-  
ներն ունի և սպասում է ամեն րոպէ արեան  
երեւալու, բայց արիւն չկայ: Այդ դէպքե-  
րում երբեմն զննումը ցոյց է տալիս, որ ա-

րեան ճանապարհը փակուած է ու սա հա-  
ւաքուած է մնում զաւակատան մէջ: Մի  
աննշան ապերացիա է հարկաւոր և աղջիկը  
փրկուած է:

Մեր մէջ այդ դէպքերում բժշկին դի-  
մելը ամօթ է համարվում և աղջիկները եր-  
բեմն կեանքով տուժում են այդ անտեղի  
ամօթխածութեան համար: Զարմանալու բան  
է, որ մի պզուկի կամ գլխացաւի համար  
հարկ են համարում բժշկի դռները բարձ  
դալ, իսկ դաշտանի կենսական պրօցեսի  
խանգարումները, որոնք ահագին ազդեցու-  
թիւն ունեն ասպագայ կնոջ կեանքի վրա,  
անուշադիր են թողնվում:

3. Դաշտանին ուղեկցող ամենատանջա-  
լից երեւոյթը ցաւն է:

Դաշտանային ցաւերը առաջ են գալիս  
այն հանգամանքից, որ զաւակատան անցըը  
նեղ է լինում և արիւնը հաւաքուած է  
մնում զաւակատան մէջ: Ցաւերը երեւում  
են կամ մի քանի օր ամսականից առանջ,  
կամ մի քանի ժամ, և ընդհանրապէս դա-  
դարում են, երբ բացվում է արիւնը: Բայց  
կան դէպքեր, երբ ցաւերը տեւում են մին-  
չեւ արիւնհոսութեան վերջանալը:

Թեթեւ ցաւերը համարեա առօրեայ երեւոյթ են դաշտանաւորման սկզբներում։ մի քանի ամսից յետոյ նրանք համարեա թէ բոլորովին դադարում են ու ամսականը առանց ցաւերի է լինում։ Սակայն սակաւաթիւ չեն և սաստիկ ցաւալից դաշտանները։ Ցաւերը կարող են այնքան սաստիկ լինել, որ խեղճ աղջիկը ճիչեր է արձակում, թաւալ է տալիս անկողնու մէջ և առհասարակ սաստիկ անհանգստութեան նշաններ է ցոյց տալիս։ Այս ցաւերը սահմանափակուած չեն մնում կոնքի մէջ, այլ տարածվում են մէջքը, կռնակը, աճուկները, աղբրերը, նոյնիսկ ծոծրակը, թեւերը, ամբողջ գլուխը,—մի խօսքով ամբողջ մարմնի մէջ։

Աղջիկները սարսափով են սպասում դաշտանին ու մի տեսակ յուսահատ դրութեան մէջ են գտնվում։

Ի՞նչ անել։

Մեր ամենից գլխաւոր խորհուրդն այն կը լինի, որ ծնողները չհաւատան զանազան պառաւների ու տատամայրերի փրասակար և յաճախ նոյն իսկ մահացնող առաջարկութիւններին։

Իժշկին դիմեցէք։ Իսկ բժշկի բացա-

կայութեան միջոցին դորձ դրէք հետեւեալ անփսաս միջոցները

Հանդարտ պառկեցրէք աղջկան անկողնի մէջ, թեթեւ լուծողական տուէք (լուծողական ձէթ) կամ յօգնա շինեցէք, և տուէք բրտնեցնող տաք խմիչքներ, օր. մօրու (МАЛИНА-ի) թէյ, փորի վրա տաքացրած շորեր դրէք, կամ տաքացնող փաթեթ շինէք կամ թեթեւ կերպով մերսէք փորը (եթէ այդ դուր է գալիս հիւանդին)։ Կարելի է փորձել նոյնպէս և տաքացրած ազուրներ, խուփեր, պարկի մէջ լցրած թեփ, աղ և այլն։

Մենք երկար կանգ առանք դաշտանի, իբրև հասունութեան առաջին և գլխաւոր (թէև ոչ միակ) երեւոյթ վրա, որը այնքան մեծ ազդեցութիւն ունի օրիորդի ֆիզիկական ու հոգեկան կազմի վրա։

Մենք աշխատեցինք ակներև դարձնել ոյն գիտնական իրողութիւնը, ֆակտը, որ ամսականի բացուելը պատանուհու կեանքի ամենախոշոր երեւոյթներից մէկն է և հետեւաբար նա ծնողներից առանձին ուշ ու հոգս է պահանջում։

Դաշտանային շրջանում առաջացած

վասնեբրը, կանանց հիւանդութիւնների հիւնական սկզբնապատճառներն են, ասում են բժիշկները: Քանի քանի կանայք փրկուած կը լինէին անվերջ ու յաճախ անբուժելի տանջանքներից, եթէ մեղանշած չլինէին դաշտանի առողջապահութեան դէմ!

Իր տան մէջ հայ աղքատ կիներ անխոնջ բանուոր, անլեզու գրաստ է: Նա չունի դագար դաշտանային շրջանի մէջ ևս և «օֆ» ու «ախ» անելով, շարժում է ցաւոտ սրունկները, կռացնում է իր կոտորատուող մէջքը, որ յետ չմնայ գործից\*):...

Մինչև այսօր դեռ չի մտել այս խաւար մթնոլորդի մէջ դաշտանաւոր աղկան ու կնոջ խնայելու գիտակցութիւնը: Գիւղացի տղամարդը, իրան ինքնակալ տէր համարելով ընտանիքի մէջ, չգիտէ կարեկցել տան կնոջ ֆիզիկական ցաւերին, ինչպէս և հոգեկան վշտերին: Իր տգիտութեան մէջ նա ընդունակ չէ հասկանալու, որ կիներ մի

\*) Մեզ պատահել է ականատես լինել չղի կանանց այնպիսի ֆիզիկական աշխատութիւնների, որոնք պահանջում էին նրանից բոլոր մկանների լարումն, զնանն էլ դուրս գալ, ասում էր տան տղամարդը.—բա՛ ինչի՛ համար է, որ տան բանն էլ չանի»:

մեծ, դժուարին, երբեմն էլ կորստաբեր (իր համար ի հարկէ) դեր ունի կատարելու— առողջ սերունդ արտադրելու, որի համար պիտի անպայման կերպով առողջ պահպանուեն նրա սեռական գործարանները:

Այսպէս է գիւղական աղգաբնակութեան մէջ:

Քաղաքներում նոյնն է, եթէ ոչ աւելի վատ:

Եւ, յիրաւի, այստեղ կիներ սկսել է ինքնուրոյն աշխատանք որոնել, սկսել է ձգտել տղամարդու հետ աշխատանքի մեծ ասպարէզում:

Կնոջ աշխատանքը այժմ արդէն բաւականին բազմատեսակ է. աղախնու ու կարանկողի պարապմունքից սկսած մինչև վարժուհու ու դաստիարակչուհու գործը:

Առհասարակ աշխատանքները կարելի է երկու կարգի բաժանել.—այնպիսիներ, որոնք կաշկանդում են մարդու ազատութիւնը ամբողջ օրը կամ օրուայ մի մասը, և նրանք, որոնց կատարելը կամ չկատարելը մարդու իր սեփական կամքից է կախուած: Այս վերջինները կոչվում են ազատ պրօֆեսիաներ:

Տխրալի ու աննախանձելի է առաջին կարգի աշխատանք յանձն առնող աղջիկները դրութիւնը:

Սրանք են. աղախինները, արհեստանոցներում (տարազի) աշխատողները, խանութներում ծառայողները, լուսացարարները, հացթուխները, յետոյ դայեակները, դաստիարակչուհիները, վարժուհիները և ուրիշները:

Ամբողջ օրերով, երբեմն և գիշերուայ մի մասը, օրուայ բոլոր եղանակներին, վարձուած աղջիկը պէտք է ֆիզիկական աշխատանքի մէջ լինի, կամ ժամերով կանգնած ու շարժողութեան մէջ, կամ նստած, իրանը կորացրած, փօրն ու կուրծքը սեղմած հաւաքելով սպառելու համար իր ոյժերը, միշտ երկիւղի ու սպառնալիքի տակ, որ գործը, նրան մի կտոր հաց տուող գործը, չգնայ նրա ձեռից: Եւ արիւնհոսութեան մէջ ևս նա ոչինչով չի փոխում իր կենցաղը, և ի հարկէ տուժում է իր ամբողջ կեանքում: Դրանք են, որ յետոյ, երբ ցաւը կը յաղթի, բժշկի շէմքերը մաշողները, դրանք են վաղաժամ թառամողները ու ծերացողները... Վարձ տուողը գործ է

պահանջում, ի՞նչ փոյթ նրան, թէ այդ գործ կատարողը երկաթէ մեքենայ չէ, այլ մի կին, որը իր ամսականի միջոցին անընդունակ է դառնում ֆիզիկական ծանր աշխատանք կատարելու: Ի՞նչ փոյթ, թէ այդ խեղճ արարածի գործարանները յետոյ, երբ նա կին կը դառնայ, պէտք է ենթարկուեն մի շարք հիւանդութիւնների, որոնք պէտք է քայքայեն նրա ընդհանուր առողջութիւնը: Ի՞նչ փոյթ, թէ նրանից ծնած սերունդն էլ պէտք է տուժի...

Աշխատանքի մի աղբիւր գտնելը այնչափ է դժուարացել, որ մի որեւէ գործ գըտած աղջիկը, պարապմունքը չկորցնելու համար, չի դադարում գործելուց նոյնիսկ դաշտանի օրերը: Աշխատանք տուողը ինքը պէտք է այնքան մարդասիրութիւն ու դուժ ունենայ սրտում, որ այդ օրերին թեթեւացնի աղջկայ աշխատանքը, հանգիստ տայ նրան: Մինչև այն ցանկալի ժամանակի համեմելը, երբ օրէնսդրութիւնը ստիպողական կը դարձնի կնոջ դադարը ամսականի օրերում, ունեւոր հասարակութիւնը ինքնա-

բերաբեր պէտք է անի այդ: Թող փարթամ  
ու անբան տիկնայք, իրանց գունատուած  
և յոգնած ու ցաւից պռօշները կծող աղախ-  
նի դէմքը դիտելիս, յիշեն, որ սա էլ իրանց  
նման մի կին է:

ԲԱՅՈՒԱԾ Է ԲԱԺԱՆՈՐԳԱԳՐՈՒԹԻՒՆ

## «ԱՌՈՂՋԱՊԱՀԻԿ ԹԵՐԹ»

Երկշաբաթեայ պատկերազարդ հանդէսի

(1903—4 շրջանի համար)

Իբրև յաւելում, բաժանորդները կըստանան չրէ 4-ից մինչև  
6 պատկերազարդ դրքոյկ:

Բաժանորդագինն է 2 ռ. 50 կ. (արտասահմանում—10 ֆր.)

Կարելի է վճարել և մաս-մաս—սկզբում 1 ռ. 50 կ., յուն-  
վարին էլ 1 ռ.: Հրատարակութիւնն սկսուելու է սեպտեմբերին:  
Տարեշրջանը սեպտեմբերից սեպտեմբեր է: Աշխատակցում են  
շատ հայ բժիշկներ թէ՛ Ռուսաստանում և թէ՛ Քիւրքիայում ու  
Պարսկաստանում:

Բաժանորդագրութեան համար պէտք է դիմել թերթիս  
խմբագրատուն (Сергиевская ул. д. № 12.) կամ „Гуттен-  
берг“ գրալահատանոց:

ԲԱԳՒՌԻՄ գրուել «Прометей» գրալահատանոցում (То-  
варшество „Прометей“—Баку): Պարսկաստանում դի-  
մել Գր. Փաշայանին (Քարիկ):

Հասցէն. Тифлисъ. Редакция „Арогджарапикъ Тертъ“.  
Արտասահմանից. Tiflis, Rédaction „Arogdjarahik Tert“.

ԽճԷ-ՎԷՐ-ՏԵՐ-ԹԵՐ-ԻՆ՝ ԲՉ. Ա. ԱՐՇՐՈՒՆԻ

ԳԻՆՆ Է 60 ԿՈՊ.

Պատրաստվում է տպագրութեան համար

Ա Ս Ղ Ջ Ի Կ Պ

II ՀԱՏՈՐ

(Մտաւոր և բարեխան կրթութիւն)



29 հետ 63 պատկերներ 4 սկ  
պատկերներ 18 միջակ  
25 հետ 1 սկ - Բլոկ  
հետ 1 սկ Էստոնի (1/10):

10  
40 n

ԵՍ	№	309/3
ՄԱԴ		
43	11/10	մ.
ԿՑ		ժԻ

<< Ազգային գրադարան



NL0281010

7933